


অঙ্গুরীয় বিনিময়

তৃদেব মুখোপাধ্যায়



অসুরীয় বিনিময়

তৃদেব মুখোপাধ্যায়



ভূদেব মুখোপাধ্যায়

অঙ্গুরীয় বিনিময়

প্রথম প্রকাশ: ১৮৫৭

ভূদেব মুখোপাধ্যায়

২২ ফেব্রুয়ারি ১৮২৭ - ১৫ মে ১৮৯৪

১৮৫৭ সালে ঐতিহাসিক উপন্যাসনামে একটি বই প্রকাশ করেন ভূদেব মুখোপাধ্যায়। ঐতিহাসিক উপন্যাস-এ অঙ্গুরীয় বিনিময়-এর প্রথম প্রকাশ। এই বইয়ে দুটি উপন্যাস একসাথে প্রকাশিত হয়। অঙ্গুরীয় বিনিময়বাদে অন্যটি ছিলো সফল স্বপ্ন ‘রোমান্স অব হিস্ট্রি’ নামের একটি ইংরেজি বই থেকে প্লট সংগ্রহ করেন ভূদেব। দুটি উপন্যাসই এই ইংরেজি বইয়ের উপর ভিত্তি করে রচিত। ফলে উপন্যাস দুটিতে ঐতিহাসিক তথ্যনিষ্ঠার সাথে সচেতন ফিকসনের যোগ আছে। বলা হয় বাংলা সাহিত্যে ঐতিহাসিক উপন্যাস লিখবার প্রথম উদাহরণ ভূদেব মুখোপাধ্যায়ের। কাজী আবদুল ওদুদ বলেন, বক্ষিমচন্দ্রের ‘দুর্গেশনন্দিনী’ উপন্যাসে অঙ্গুরীয় বিনিময়-এর আসর দেখতে পাওয়া যায়।

অঙ্গুরীয় বিনিময় তথা ঐতিহাসিক উপন্যাস প্রথম প্রকাশের সময় ভূদেব রচিত বিজ্ঞাপন পাওয়া যায়। ১৯০২ সালে প্রকাশিত বইটির (ঐতিহাসিক উপন্যাস) ঘষ্ট সংক্ষরণ থেকে এখানে সোটি যুক্ত করা হলো:

প্রথমবারের বিজ্ঞাপন

গল্পচত্রে কিঞ্চিত কিঞ্চিত প্রকৃত বিবরণ এবং হিতোপদেশ শিক্ষা হয় ইহাই এই পুস্তকের উদ্দেশ্য। ইহাতে দুইটি স্বতন্ত্র স্বতন্ত্র উপন্যাস সমিবেশিত হইয়াছে। তাহার প্রথমটীর সহিত দ্বিতীয়টীর কোন সম্বন্ধ নাই। উভয় উপন্যাসেই রাজ্য-সম্বন্ধীয় যে সকল কথা আছে, তাহা প্রকৃত ইতিহাসমূলক, অপরাপর যে সকল বিবরণ বর্ণিত হইয়াছে তাহারও কোন কোন অংশমাত্র ইতিবৃত্তে পাওয়া যায়, কিন্তু তাহাও সর্বতোভাবে প্রামাণিক বলিয়া গ্রাহ্য নহে।

ইংরাজীতে ‘রোমানস অব হিস্ট্রি’ নামক একখানি গ্রন্থ আছে। তাহারই প্রথম উপাখ্যান লইয়া ‘সফলস্বপ্ন’ নামক উপন্যাসটী প্রস্তুত হইয়াছে। ‘অঙ্গুরীয় বিনিময়’ নামক দ্বিতীয় উপন্যাসেরও কিয়দংশ ঐ পুস্তক হইতে সংগৃহীত হইয়াছে।

এতদেশহিতেশী শ্রীযুক্ত হজসন্ প্রাট্ সাহেব এই পুস্তকের পাণ্ডুলিপি লইয়া আদ্যোপান্ত সমুদায় পাঠ করত বিশিষ্টরূপ সন্তোষ প্রকাশ করিয়াছিলেন। আমি তাহাতেই সাহস প্রাপ্ত হইয়া এই পুস্তক মুদ্রিত করিতে প্রবৃত্ত হই। পরে মুদ্রণ কালে হগলী নৰ্ম্ম্যাল বিদ্যালয়ের সুযোগ্য অধ্যাপক শ্রীযুক্ত রামগতি ন্যায়রত্নের বিশিষ্ট আনুকূল্যে ইহার সংশোধন করা হইয়াছে।

ভূদেব মুখোপাধ্যায় একাধারে সম্পাদক, শিক্ষাবিদ, লেখক ছিলেন। তার লেখা ‘স্বপ্নলঙ্ঘ ভারত ইতিহাস (এডুকেশন গেজেট, ১৮৭৫-৭৬)’ বাংলায় জাতীয়তাবাদী ইতিহাস রচনার প্রথম দিককার প্রয়াস। সেসময়ে এটি বহুল পঠিত বই ছিলো।

প্রথম অধ্যায়।

পর্বত-শ্রেণী সকল মানচিত্রে দেখিলে যেরূপ প্রাচীরবৎ সমান উচ্চ বোধ হয়, বাস্তবিক সেরূপ নহো তাহাদিগের মধ্যে মধ্যে ছেদ থাকে, এবং সেই সকল দ্বার অবলম্বন করিয়াই নির্বারিণী সমস্ত নির্গত হয় এবং মনুষ্যপঞ্চাদি এক দিক হইতে অপর দিকে যাতায়াত করো কিন্তু ঐ সকল পর্বতীয় পথ অত্যন্ত কুটিল, কোথাও কোথাও অতিশয় সংকীর্ণ এবং প্রায় সর্বস্থানেই বন্ধুরা এতাদৃশ পথের নাম গিরি-সঙ্কট। ভারতবর্ষের নৈর্ধত্ব ভাগে যে মলয় পর্বত সমুদ্রের বেগ রোধ করিতেছে, তাহাতেও ঐরূপ গিরি-সঙ্কট আছে।

একদা তত্ত্ব উপত্যকাবিশেষে বহুসংখ্যক ব্যক্তি—কেহ বা পাদচারে কেহ বা অশ্ব-পৃষ্ঠে আরোহণ করিয়া গমন করিতেছিল। চতুর্দিকস্থ পর্বতীয় শিলা সকল উক্তিদ্বারা হত্যাতে, দিবাভাগে অত্যন্ত উত্পন্ন হয় বলিয়া, তাহারা সুস্থিতি সমীরণবাহী সন্ধ্যাকালের প্রতীক্ষা করিয়াছিল। কিন্তু সম্পূর্ণ সূর্যাস্ত না হইতে হইতেই, উদগ্র গিরিশিখরচ্ছায়ায় সেই কুটিল পথ একেবারে অন্ধ-তমসাবৃত হইতে লাগিল। অনতিদূরে গমন না করিতে করিতেই, শৈল সমুদয়ের বিচ্ছেদভাগ অন্ধকারপূর্ণ হওয়াতে পথিকেরা আপনাদিগকে অভেদ্য-অসিতর্বণ প্রাকারবেষ্টিতবৎ অবলোকন করিলেন। উর্ধ্বভাগে দৃশ্যমান সমুদ্রায় নভোভাগ নক্ষত্রময় হইয়া শ্঵েতকার্মিক ঘটিত নীল চন্দ্রাতপ সদৃশ বোধ হইতে লাগিল। শৃত আছে, সুগভীর কৃপাভ্যন্তরে প্রবিষ্ট হইলে দিবসেও গগনবিহারী নক্ষত্রগণ দৃষ্টিগোচর হইয়া থাকে। পথিকেরা সন্ধ্যার প্রথমাবস্থাতেই সেই গভীর পর্বত তল হইতে তাদৃশ তারাচয় নিরীক্ষণ করিয়া সেই কথা সপ্রমাণ করিলেন। কিন্তু গিরিতলস্থ নিবিড় অন্ধকার, নক্ষত্রগণের মৃদুল-জ্যোতিঃ দ্বারা ভেদ্য হইবার নহে, অতএব পথিকেরা অতি সাবধানে পাদবিক্ষেপ করত ক্রমশঃঃ অগ্রসর হইতে লাগিলেন। বিশেষতঃ

তাহাদিগের মধ্যস্থ দিব্যগঠন ও বহুমূল্য কৌশেয় বস্ত্রাভৃত যে শিবিকা ছিল, তদ্বাহকেরা ঐ বন্ধুর পথে পাছে স্থানিতপদ হয়, এই জন্য সকলে বিলম্ব করিয়া যাইতেছিলেন। শিবিকা-বাহকগণের অস্পষ্ট শব্দ পরম্পরা, সমভিব্যাহারী ভৃত্য ও রক্ষিবর্গের পরম্পর কথোপকথন এবং পথ-প্রদর্শকদিগের উচ্চস্বর, চতুঃপাশ্বস্থ পর্বত মধ্যে প্রতিধ্বনিত হওয়াতে, যেন সহস্র সহস্র ব্যক্তি ব্যঙ্গ করিয়া পথিকদিগের শব্দের অনুকরণ করিতেছে বোধ হইতে লাগিল।

এবম্প্রকারে যাইতে যাইতে পথিকেরা এমনি একটি সংকীর্ণ পথে উপস্থিত হইলেন যে, তাহাতে দুই জনও পাশাপাশি হইয়া গমন করা কঠিন। কোন সময়ে ভূমিকম্প দ্বারা তথায় উভয় পার্শ্বের স্তুলোপল সমস্ত ভূগর্ভ হইতে নির্গত হইয়া পথটিকে তাদৃশ অপ্রশস্ত করিয়া থাকিবো শিবিকা-বাহকেরা সেই স্থানে সর্বাগ্রবর্তী হইয়া অতি যত্নে শিবিকা নির্গমন করিতে লাগিল, এবং আর আর সকলে পশ্চাত্ পশ্চাত্ আসিতে লাগিল। এইরূপে শিবিকা নির্গত হইবামাত্র হঠাতে তদ্বাহকেরা কতিপয় অস্ত্রধারী পুরুষ কর্তৃক একেবারে চতুর্দিক্ হইতে আক্রান্ত হইল এবং চকিতের ন্যায় কতিপয় বলবান পুরুষ তাহাদিগের স্বন্দরে হইতে শিবিকা আচ্ছিন্দন করিয়া অতি ভুরিত গমনে প্রস্থান করিল। রক্ষিবর্গ ঐ আক্রমণ কোলাহল শুনিয়া শিবিকা রক্ষার্থে দ্রুতবেগে তদভিমুখে ধাবমান হইলে তাহাদিগের সম্মুখবর্তী পুরুষ আক্রমণকারী জনৈকের শূলাগ্রবিদ্ব হইয়া আর্তনাদপূর্বক প্রাণ পরিত্যাগ করিল। তাহার সেই ভয়নক রোদন শব্দে পশ্চাদ্বর্তী সৈন্যচয় ভয়ে নিশ্চল হইয়া দণ্ডায়মান হইল, তখন আক্রমণ-কারীদিগের মধ্যে একজন সুগভীর স্বরে কহিল—“এক পদ মাত্র অগ্রসর হইলেই প্রাণ হারাইবো যে যেখানে আছ স্থির হইয়া থাক, স্বল্পক্ষণেই নির্বিষ্যে গমন করিতে দিবা” কিয়ৎক্ষণ পরে সেই ব্যক্তি হাস্য করত কহিল, “কখন দেখিয়াছ একটিমাত্র শাখামৃগ, ভিমরূপ চাকের দ্বার রোধ করিয়া কেমন একটি একটি করিয়া সমুদায় ভৃঙ্গ বিনাশ করে? বাহির হইবার চেষ্টা করিলে তোমাদিগেরও সেই দশা হইবো” রক্ষিবর্গের মধ্যে কেহ জিজ্ঞাসা করিল “আমাদিগের শিবিকা কোথায়?” “শিবিকা যেথায় হউক সে কথার প্রয়োজন নাই—

তবে এই মাত্র বক্তব্য যে, আমরা তদারোহিণী কিশোরী কে, তাহা বিলক্ষণ জানি, অতএব তাঁহার যথাযোগ্য সম্মের ক্রটি হইবে না। তিনি এই দুর্গম পথ-পরিশ্রমে অবশ্য শ্রান্ত হইয়াছেন, অতএব একবার আমাদিগের আতিথ্য গ্রহণ করিবেন, হানি কি?” “হায়! আমরা প্রভুকে কি বলিব—তুমি কে?” “আমি যে হই, তোমরা বাদসাহকে কহিও তিনি যাহাকে পার্বতীয় দস্যু বলিয়া ঘৃণা করেন, তাঁহার আত্মজা সেই দস্যুরই করকবলিত হইয়াছেন” এইরূপ কথোপকথন হইতে হইতেই শিবিকাবাহীরা সেই সুপরিজ্ঞাত পথ দ্বারা অতি দূরে প্রস্থান করিল, এবং যিনি কথোপকথন করিতেছিলেন, তিনিও হঠাৎ সম্মুখ হইতে অন্তর্ভুক্ত হইলেন।

আরঞ্জেবের সৈন্যগণ বাহির্গত হইয়া বাদসাহকে কি প্রকারে এই অশুভ সংবাদ বিজ্ঞাপন করিবে তাহারই পরামর্শ করিতে লাগিল। তাহারা বাদসাহের স্বভাব বিলক্ষণ জানিত। তিনি অতি কুর-প্রকৃতি ছিলেন। কোন অননুভূতপূর্ব দৈবনিবন্ধন বা দুর্ঘটনা কর্তৃক যদি কোন প্রযুক্তকর্মের ক্রটি হইত তথাপি ক্ষমা করিতেন না। তাঁহার স্বেচ্ছার বিপরীত কিছু ঘটিয়া উঠিলেই ভৃত্যবর্গের প্রতি পরূষ দণ্ড প্রয়োগ করিতেন। বস্তুতঃ আরঞ্জেবও অন্যান্য নৃশংস-স্বভাব একাধিপতি রাজাদিগের ন্যায় একান্ত স্বার্থ-পরায়ণ ছিলেন—ক্ষান্তি, দয়া ও সমবেদনা কাহাকে বলে তাহা কিঞ্চিমাত্রও জানিতেন না। অতএব তাহারা সকলে অক্ষত-শরীর থাকিতে তদুক্ষিতা রাজপুত্রী শক্রগ্রস্ত হইয়াছেন এই সংবাদ লইয়া তাদৃশ প্রভুর সমীপগমনে সকলের হৎকম্প হইতে লাগিল। পরে সকলে এক মত হইয়া পরামর্শ স্থির করিল যে, বাদসাহকে কহিব, হিন্দুজাতীয় শিবিকা বাহকেরাই দুষ্টতা করিয়া আমাদিগকে বিপথে আনয়ন করত দুর্বৃত্ত দস্যুর হস্তগত করিয়াছিল। বাদসাহের প্রথম ক্রোধেদ্যমে ইহারাই বিনষ্ট হইবে, আমরা সকলে রক্ষা পাইলে পাইতে পারি। আহা! প্রকৃতদর্শী পণ্ডিতেরা উত্তম কহিয়াছেন যে, অন্যে আমাদিগের সমক্ষে অপ্রিয় বাক্য পরিহারপূর্বক যে, সর্বদাই অনৃত বাক্য প্রয়োগ করে তাহাও আমাদিগের দোষ। যেহেতু আপনারা ক্ষমাবান হইলে কাহার মিথ্যা বলিয়া প্রতারণা করিবার প্রয়োজন থাকে না। সে যাহাহউক, সামন্তবর্গ এইরূপ স্থির করিয়া দুর্ভাগ্য বাহকবর্গকে রঞ্জুবন্ধ করিয়া

ଲଇଲ, ଏବଂ ସେଥାନେ ଦିଲ୍ଲୀଶ୍ୱର ଆରଞ୍ଜେବ ମାଦୁରା ନଗର ସନ୍ନିଧାନେ ଶିବିର ସଂস୍ଥାପନ କରିଯା ପରମ ପ୍ରିୟତମା ଆତ୍ମଜାର ଆଗମନ ପ୍ରତିକ୍ଷା କରିତେହିଲେନ, ତଥାୟ ଶୀଘ୍ର ଗମନେ ଉପନୀତ ହଇଲେନ ବାଦସାହ ଦୁହିତା ସମ୍ବନ୍ଧୀୟ ଦୁର୍ଘଟିନ ଘଟନା ଶ୍ରବଣମାତ୍ର ଯେ ଅତ୍ୟନ୍ତ କ୍ରୁଦ୍ଧ ହଇଲେନ, ସୈନ୍ୟଗନେର ଅନେକ ନିଗ୍ରହ କରିଲେନ, ଏବଂ ଦୂରଦୃଷ୍ଟ ବାହକେରା ହିନ୍ଦୁ ଧର୍ମାବଳମ୍ବୀ ବଲିଯାଇ ଯେ ଶୀଘ୍ର ଦଗ୍ଧାର୍ହ ହଇଲ, ତାହା ବଲା ବାହ୍ଲ୍ୟ।

ଏଥାନେ ଶିବିକାପହାରୀରା ବାଦସାହପୁଣ୍ଡିର ଶିବିକା ବହନ କରତ ନାନା କୁଟିଲ ପଦବୀ ଉତ୍ତର୍ଣ୍ଣ ହଇଯା ଏକଟି ପର୍ବତୀୟ ଦୁର୍ଗସମୀପେ ଉପନୀତ ହଇଲା ତଥନ ରାତି ଅଧିକ ହଇଯାଛିଲ, କିନ୍ତୁ ସେଇ ସ୍ଥାନ ପର୍ବତେର ଅଧିତ୍ୟକା, ଅତ୍ୟନ୍ତ ତାରା ଏବଂ ଚନ୍ଦ୍ର କିରଣେ ଉପତ୍ୟକା ଅପେକ୍ଷା ଶିଥିଲାନ୍ଧକାର ଛିଲା ତଥାୟ କୋନୋ ବିଶେଷ ସଙ୍କେତ କରିବାମାତ୍ର ଦୁଗ୍ଧଷ୍ଠିତ ବ୍ୟକ୍ତିରା ଉର୍ଧ୍ବ ହଇତେ ଏକଟି ଦୋଲାୟତ୍ର ଅବତାରିତ କରିଯା ଦିଲା ନୃପାଲ-ତନ୍ୟା ବହୁବିଧ ସମ୍ମାନପୂର୍ଣ୍ଣର ତାହାର ଉପର ଆରୋହଣ କରିତେ ଆଦିଷ୍ଟ ହଇଲେ ତିନି ଅଗତ୍ୟା ଶିବିକା ତ୍ୟାଗ କରିଯା ଐ ଦୋଲାୟତ୍ର ଅବଲମ୍ବନ କରତ ଚକ୍ରଃ ମୁଦ୍ରିତ କରିଯା ରହିଲେନା ଦୋଲାୟତ୍ର ନାରିକେଳତ୍ତଙ୍ଗ ନିର୍ମିତ କଟିନ ରଜ୍ଜୁ-ସଂଯୋଗେ ନିର୍ବିଶ୍ୱେ ଶୂନ୍ୟମାର୍ଗେ ଉଥିତ ହଇଲା ଏଇରାପେ କ୍ରମେ କ୍ରମେ ସକଳେ ଐ ଦୁର୍ଲଜ୍ଯ ଦୁର୍ଗ ପ୍ରାନ୍ତେ ଉତ୍ତର୍ଣ୍ଣ ହଇଲେ, ଦୁର୍ଗେର କବାଟ ଉନ୍ମୁକ୍ତ ହଇଲ, ତଥନ ସକଳେଇ ତାହାର ଅଭ୍ୟନ୍ତରେ ପ୍ରବେଶ କରିଲା।

ବାଦସାହ କନ୍ୟାର ଆବାସ ହେତୁ ଐ ଦୁର୍ଗମଧ୍ୟେ ଯେ ଗୃହଟି ପ୍ରକ୍ଷ୍ଵତ ହଇଯାଛିଲ ତାହା ପ୍ରଦର୍ଶିତ ହଇଲେ ତିନି ତାହାତେ ପ୍ରବେଶ କରିଯା ଦେଖିଲେନ, ଦିଲ୍ଲୀର ରାଜଭବନେ ଯାଦୃଶ ମହାମୂଳ୍ୟ ଗୃହୋପକରଣେ ଶୋଭାସାମନ୍ତ୍ରୀ ପରିବୃତ ହଇଯା ଥାକିତେନ ଏଥାନେ ତାହାର କିଛୁଇ ନାହା କିନ୍ତୁ ପ୍ରୟୋଜନୀୟ କୋନ ଦ୍ରବ୍ୟରେ ଅସନ୍ତାବ ଛିଲ ନା ରାଜଭବନେ ହେମପାତ୍ର ପରିପୂର୍ଣ୍ଣ ଆତର ଗୋଲାପ ମୃଗନାଭି ପ୍ରଭୃତି ସୁଗଞ୍ଜି ଦ୍ରବ୍ୟ ସକଳ ଗୃହ ଆମୋଦିତ କରିତ, ଏଥାନେ ଅଞ୍ଚଳ ଚନ୍ଦନ ଓ ଅକୃତ୍ରିମ ମିଞ୍ଚ ସୁଗଞ୍ଜି ପୁଷ୍ପାଦି ତାଁହାର ସେବାର୍ଥେ ସମାହତ ହଇଯାଛିଲା ପିତ୍ରାଲୟେ କାଶ୍ମୀର ଦେଶ ପ୍ରସୂତ ସାଲେର ଶଯ୍ୟାଯ ଉପବିଷ୍ଟ ହିତେନ, ଏଥାନେ ସୁକୋମଳ ରୋମଶ-ପଣ୍ଡ ଚର୍ମେ ଆସନ ପ୍ରକ୍ଷ୍ଵତ ହଇଯାଛିଲା କିନ୍ତୁ ସେଥାନେ ଅନ୍ତଃପୂର ରକ୍ଷିଗଣ ସର୍ବଦା ନିଷ୍କୋଷ କୃପାଗ ହଞ୍ଚେ ପରିଭ୍ରମଣ କରିତ, ଏଥାନେ ତାଦୃଶ କିଛୁଇ ଦୃଷ୍ଟ ହଇଲ ନା।

তৎকালে বাদসাহপুরীর বয়ঃক্রম সপ্তদশ বর্ষমাত্র হইয়াছিল। তাঁহাকে যদিও প্রধানাসনুদরীদিগের মধ্যে গণ্য করিতে না পারা যায়, তথাপি অবশ্যই প্রশংসনীয়রূপ বলিতে হয়। স্বীলোকেরা অঙ্গ-প্রত্যঙ্গ একটি একটি করিয়া বিবেচনা করিলে রোসিনারার কোন কোন অবয়বের কিঞ্চিৎ কিঞ্চিৎ দোষ নির্বাচন করিতে পারিতেন, কিন্তু সদা সুস্থশরীর এবং আনন্দযুক্ত অন্তঃকরণ থাকিলে মুখমণ্ডলের যাদৃশ মনোহারিতা হয়, ন্মপদুহিতা সেই শোভাতেই জনগণের কমনীয়া ছিলেন। পিতৃ-শক্র কবলিত হওয়াতেও তাঁহার সেই সৌন্দর্যের কিছুমাত্র বৈলক্ষণ্য হয় নাই। তিনি মনে মনে জানিতেন পিতা সকল সন্তান অপেক্ষা তাঁহার প্রতি অধিকতর ম্রেহ করেন, অতএব অচিরাতি তাঁহার উদ্ধারার্থ যত্ন করিবেন, তাহার সন্দেহ নাই; এবং প্রবল প্রতাপ আরঞ্জেব যত্ন করিলে কৃতকার্য হইবার অসম্ভাবনা কি? এই ভাবিয়া রোসিনারা নিশ্চিন্ত-প্রায় ছিলেন। বরং মধ্যেমধ্যে এমনও মনে করিতেছিলেন, এই দুর্বোধ দস্যুরা পিতার সন্ধিধানে বিপুল অর্থ পাইবার লোভেই আমার শরীর আয়ত্ত করিয়াছে, কিন্তু ইহাদিগের অর্থ লাভ হওয়া দূরে থাকুক, জাত ক্রোধ বাদসাহের সমক্ষে প্রাণ রক্ষা হওয়াও ভার হইবে—আমি সেই সময়ে তাঁহার ক্রোধোপশমের নিমিত্ত যত্ন করিয়া ইহাদিগের মহাসন্ত্রম সূচক ব্যবহারের প্রত্যুপকার প্রদান করিব। এই রূপে রোসিনারা অনুদ্বিগ্ন-মনা হইয়া কিঞ্চিৎ উপযোগান্তর রাত্রি যাপন করিলেন।

পর দিবস প্রত্যুষে গাত্রোখান করিয়া স্বীয় আবাস গৃহ দর্শনার্থ ভ্রমণ করিতেছেন, ইতিমধ্যে দেখিতে পাইলেন, একস্থানে অতি স্পষ্টাক্ষরে লিখিত ফর্দোসি, হাফেজ, সেখ সাদি প্রভৃতি মহা কবিগণের পারস্য ভাষায় বিরচিত রমণীয় কাব্য গ্রন্থ সকল সংস্থাপিত রহিয়াছে। রোসিনারা বাল্যাবস্থায় স্বজাতীয় ভাষা পাঠ করিতে শিখিয়াছিলেন। অতএব ঐ সকল গ্রন্থ কিঞ্চিৎ পাঠ করিয়া পরমাপ্যায়িত হইলেন। কাব্য পাঠ করিয়া তুষ্ট হইলেন বটে, কিন্তু ঐ গ্রন্থ সকল তাদৃশ স্থলে প্রাপ্ত হইয়া তাঁহার অত্যন্ত চমৎকার জন্মিল। অতএব স্বীয় পরিচর্যায় নিযুক্ত দাসীবর্গকে জিজ্ঞাসা করিয়া, কাহার ঐ সকল পুস্তক এবং কে বা সেই দুর্গম্বামী, জানিতে চেষ্টা

করিলেন। কিন্তু এই বিষয়ে কেহই তাঁহার কৌতুহল পরিপূরণ করিল না। দাসীগণ কেহ বা মৌনাবলম্বী হইয়া রহিল, আর কেহ বা মাতঃ কেহ বা স্বামিনি অথবা কিশোরী ইত্যাদি সমর্যাদা সম্মোধনান্তর কহিতে লাগিল, “আমাদিগকে মার্জনা করুন—আমরা এই বিষয় কিছুই বলিতে পারিব না—কর্তা স্বয়ং আসিয়া আত্মপরিচয় প্রদান করিবেন—আমরা এইমাত্র বলিতে পারি তিনি তোমার মনোরঞ্জনাথেই এই সকল পুষ্টক এবং তোমার সেবাথেই আমাদিগকে এখানে আনয়ন করিয়াছেন” এই সকল কথায় বাদসাহপুত্রীর কৌতুহল আরও শত গুণ বৃদ্ধি হইয়া উঠিল। তিনি স্বীয় উদ্বারের জন্য যত উদ্বিগ্ন না হইয়াছিলেন, তাঁহার প্রতি তাদৃশ ভাবসম্পন্ন কে, ইহা জানিবার জন্য ততোধিক ব্যগ্র হইলেন।

এইরূপে তিনি রাত্রি গত হইল, চতুর্থ দিবস প্রাতে দুর্গ মধ্যে বহু-জনসমাগমের শব্দ কর্ণগোচর হইল, এবং দাস দাসীবর্গ চকিত হইয়া স্ব স্ব কার্যে ব্যাপৃত হইতে লাগিল। রোসিনারা এই সকল লক্ষণে অনুমান করিলেন, দুর্গস্বামী আসিয়াছেন, অতএব শীঘ্রই তাঁহার সন্দর্শনলাভ করিব। এই স্থির করিয়া কিরণে তাঁহার সহিত বাক্যালাপ করিবেন তাহাই ভাবনা করিতে লাগিলেন। কিন্তু প্রত্যহ যে সকল দাস দাসী তাঁহার পরিচর্যার্থ যাতায়াত করিত, তদ্যুতিরিক্ত আর কেহই গৃহস্থরালে আসিল না। ক্রমে বেলা অধিক হইল, এবং বাদসাহপুত্রী অত্যন্ত চঞ্চলচিত্তা হইয়া আহারে অনিচ্ছা খ্যাপন, পরিচারিকাদিগের প্রতি বৈরাগ্য প্রকাশ, এবং মধ্যে মধ্যে ক্রন্দন করিতে লাগিলেন। কিন্তু সেই অশ্রু বিনির্গমের হেতু পরাধীনতার ক্লেশ, অথবা আপনাকে দুর্গ-স্বামীর অবজ্ঞেয় বোধ, তাহা নির্ণীত হয় নাই—তাহা ভাবুক জনেরই নির্দায্য।

এমত সময়ে হঠাৎ সেই গৃহস্থার উন্মুক্ত করিয়া অদৃষ্ট-পূর্ব ব্যক্তি বিশেষ তাঁহার সম্মুখীন হইলেন। তাঁহার অনতিদীর্ঘচন্দ, প্রশস্ত ললাট এবং বক্ষঃ, বিশাল গ্রীবা এবং আজানুলম্বিত ভুজ প্রভৃতি সমুদায় বীরলক্ষণাক্রান্ত শরীর এবং সুন্দর ও সহাস্য মুখমণ্ডল, একাধারেই বীরত্ব এবং কমনীয়ত্ব গুণের প্রকাশ করিতেছিল। তাঁহার চক্ষুর্দ্ধয়ের জ্যোতিঃ অতি তীব্রা, বোধ হয় যেন তদৃষ্টি সমুদায় প্রতিবন্ধক ভেদ

করিয়া সকল বস্তুরই অভ্যন্তরে প্রবেশ করণে সক্ষম। কোন মহাকবি কহিয়াছেন যে, চক্ষুরিদ্বয় মস্তিষ্কের অতি নিকটবর্তী বলিয়া উহাই অন্যান্য অবয়ব এবং ইন্দ্রিয় অপেক্ষা উৎকৃষ্ট স্বভাব জ্ঞাপক হয়। কারণ যাহা হউক, ফল সত্য বটে তাহা নিঃসন্দেহ। ঐ আগন্তুক ব্যক্তির অক্ষিদ্বয় দেখিলেই অতি প্রথম বুদ্ধি এবং তেজস্বী স্বভাব অনুমান হইত। যাহার প্রতি সেই দৃষ্টিপাত হইত তিনি বুঝিতেন, এই ব্যক্তি আমার সমুদায় গৃুট অন্তঃকরণবৃত্তি পর্যালোচনা করিতে পারেন, অতএব কেহই তাঁহার নয়নের সহিত নিজ নেত্রের সঙ্গতি করণে সাহস করিত না। কিন্তু তাঁহার তীক্ষ্ণ দৃষ্টিই কেবল অধ্যয়তার লক্ষণ ছিল। নচেৎ তাঁহার সর্বমুখাবয়ব মাধুর্যভাব প্রকাশক এবং যথাবিন্যস্ত প্রযুক্ত সুদৃশ্য ও স্ফূর্তিপ্রদ। ফলতঃ পুরুষ শরীরে বলবিক্রিম প্রকাশক না হইলে সম্পূর্ণরূপে সুশোভন হয় না। ঐ শরীরে তাঁহার কিছুমাত্র অভাব ছিল না। কিন্তু উহা অপরিসীম বীর্যবান् হইয়াও একান্ত কর্কশ অথবা অকোমল বলিয়া অনুভব হয় নাই।

তাদৃশ ব্যক্তি হঠাৎ বাদসাহপুত্রীর সম্মুখীন হইয়া দৈবনত-মন্তকে অভিবাদন করত নিজ বক্ষে বাহুবিন্যাস পূর্বক দণ্ডায়মান হইলেন। বাদসাহপুত্রী তাঁহার আপাদমন্তক নিরীক্ষণ করিয়া নিতান্ত অসন্তুষ্ট হইলেন বোধ হয় না। যাহাহউক, আগন্তুক তাঁহার প্রতি সম্মেহ-দৃষ্টি সহকারে মৌনাবলম্বনে রহিলেন দেখিয়া রোসিনারা মনুস্বরে জিজাসা করিলেন—“কোন ব্যক্তি আমাকে এইরূপ আতিথ্য স্বীকার করাইতেছেন আপনি বলিতে পারেন?” আগন্তুক উত্তর করিলেন—‘শিবজী।’ রোসিনারা কহিলেন—“আমি দিল্লীশ্বর আরঞ্জেবের কন্যা, কি জন্য এবং কোন সাহসেই বা শিবজী আমার গমনের ব্যাঘাত করিয়া এই দুর্গমধ্যে আনয়ন করিলেন?” “আপনি বাদসাহপুত্রী তাহা অপরিজ্ঞাত নহে—এবং শিবজী বাদসাহের সহিত স্থির সৌহার্দ্য এবং সমন্বয় নিবন্ধন করিবার অভিপ্রায়েই তদুত্তিকে এস্থানে আনয়ন করিয়াছেন।” “একি অসঙ্গত কথা! তৈমুর বংশসন্তুত দিল্লীশ্বরের সহিত পর্বতীয় দস্যুর সমন্বয় নিবন্ধন!” শিবজী, কিঞ্চিতক্ষণ নতশিরঃ থাকিয়া মুখোতোলন পুরঃসর উত্তর করিলেন—“আপনি যেরূপ শুনিয়াছেন সেইরূপ কহিবেন আশ্চর্য

নহো বস্তুতঃ আমি দস্যুবৃত্তি নহি। আমি এই পর্বতীয় দেশের স্বাধীন রাজা। যদি বলেন আমার বংশমর্যাদা একেবল নহে যে তৈমুরলঙ্ঘ বংশীয় কন্যার পাণিগ্রহণ যোগ্য হই, তাহার উত্তর এই যে, তৈমুরলঙ্ঘ প্রভৃতি যে সকল ব্যক্তি দিঘিজয় করিয়া দিগন্ত বিশ্রূত নাম হইয়াছেন, তাঁহাদিগের বংশে জন্ম অপেক্ষা যিনি তাঁহাদিগের ন্যায় স্বয়ং সাম্রাজ্য সংস্থাপনে প্রবৃত্ত এবং সক্ষম, তিনি কি সহস্রগুণে প্রধান নহেন? আমি এই পর্বতোপরিষ্ঠ প্রস্তরবণ সদৃশ হইয়াছি, আমার মহারাষ্ট্র সেনা বেগবান্ন নির্বারতুল্য হইয়া সমুদায় উপত্যকা আক্রমণ করিয়াছে, এবং অচিরকাল মধ্যে তৎকর্তৃক তাবৎ ভারতরাজ্য প্লাবিত হইবো আমাকে তাবৎকাল জীবন্দশায় থাকিতে হইবে না, কিন্তু আমি সেই দিন অদূরে দেখিতেছি, যখন মৎপ্রতিষ্ঠিত সিংহাসনোপবিষ্ট রাজগণ দিল্লীর রাজকোষ হইতেও করাকর্ষণ করিবো সে যাহা হউক, আপনি এক্ষণে নিরুদ্ধেগে অবস্থিতি করিতে থাকুন। কেবল মাত্র এ দুর্গ পরিত্যাগ করিতে পারিবেন না, নচেৎ আর আর সর্ব বিষয়ে যথেচ্ছ ব্যবহারের কোন প্রতিবন্ধকতা নাই। আমি এক্ষণে প্রত্যহ এক একবার সাক্ষাৎকারমাত্র প্রার্থনা করি। বোধ হয় কালে আমাকে দস্যু অপেক্ষা কিছু ভাল বোধ হইলেও হইতে পারো। এক্ষণে বিদায় হই।”

এই বলিয়া শিবজী অতি মধুর হাস্যমুখে বাদসাহপুত্রীর প্রতি স্নিগ্ধদৃষ্টি করত প্রস্থান করিলেন।

দ্বিতীয় অধ্যায়া

অসমদেশে ‘মোগল পাঠান’ নামক একটি যুদ্ধানুকরণ ক্রীড়া প্রচলিত আছে, সকলেই জানেন। কিন্তু যাঁহাদের ইতিহাস পাঠ করা নাই তাঁহারা জানেন না যে, ঐ ক্রীড়াটি দুই প্রবল মুসলমান জাতির পূর্বকালীন বাস্তবিক বৈরিতার প্রকাশকা। ভারতবর্ষ সর্বপ্রথমে সিঙ্গু-নদের পশ্চিমাঞ্চলবাসী পাঠান জাতীয় মুসলমানদিগের কর্তৃক আক্রান্ত এবং পরাজিত হয়। তাহারা অগ্রে ইহার উত্তরাংশ পরে দক্ষিণ ভাগ জয় লক্ষ করে। কিন্তু সুবিস্তীর্ণ ভারত রাজ্য বহুকাল একচ্ছত্র থাকিবার নহো। নর্মদা নদীর দক্ষিণাঞ্চল অতি শীঘ্ৰই স্বতন্ত্র ভূপাল বংশের অধিকৃত হইল। ইহারই কিছুকাল পরে হিমালয়ের উত্তরাংশ-নিবাসী মোগল জাতীয়েরা আসিয়া দিল্লীস্থ পাঠান বাদসাহকে সিংহাসন-চুত্য করিল। কিন্তু দক্ষিণ দেশের পাঠান রাজারা বহুকাল স্বাধীন ছিলেন। প্রবল প্রতাপ মোগলদিগের সহিত যুদ্ধে তাঁহাদিগের দিন দিন বল হীন হইতে লাগিল, তথাপি উহাদের রাজধানী বিজয়পুর কখন সর্বতোভাবে শক্রগ্রস্ত হয় নাই।

এতাদৃশ সময়েই শিবজীর জন্মগ্রহণ হয়। তিনি অতি অল্প বয়সেই দেশের প্রকৃত অবস্থা বুঝিতে পারিয়া অসামান্য বৃদ্ধি সহকারে কখন বা মোগলদিগের সহায়তা করিয়া কখন বা পাঠানদিগের পক্ষ হইয়া, আপনার বল বৃদ্ধি করিতে লাগিলেন। তিনি স্থির নিশ্চয় করিয়াছিলেন, বিধৰ্মি মুসলমানদিগের উভয় পক্ষের মধ্যে কাহারও সহিত তাঁহার স্থির স্থ্য হইবার সম্ভাবনা নাই। তিনি জানিতেন যে, এক জাতীয় রাজারা যে সকল যুদ্ধে প্রবৃত্ত হয়েন, তাহার শেষে সন্ধি-বন্ধন হইয়া সমুদায় বিবাদ নিষ্পন্ন হইতে পারে, কিন্তু যেখানে জাতিবিশেষ প্রবল হইয়া পার্শ্ববর্তী অপর জাতীয়দিগের পরম প্রিয়তর ধন ধর্ম বিনাশে যত্নশীল হয়, সেখানে আর সন্ধির কথা থাকে না। সেখানে যত কাল একের সম্পূর্ণ তেজোহ্রাস, অথবা সমূলে সংহার

না হয়, তাবদ্দিন সমরাহি প্রজ্ঞলিত হইতে থাকে। শিবজী এইরূপ বিবেচনা করিয়াই তাদৃশ চতুরতা প্রকাশ করিয়াছিলেন।

কিন্তু চতুরতা অপেক্ষাও তিনি যে সকল নিয়ম-নিবন্ধন এবং সৈন্য-শিক্ষার উৎকৃষ্ট উপায় করেন, তদ্বারা অধিক কার্য সাধন হয়। তাঁহার পৈতৃক অধিকার পুনা প্রদেশে অতি সবল-শরীর এবং প্রভুপরায়ণ এক প্রকার সঙ্কর জাতি নিবাস করিত। শিবজী সেই সকল লোককে সুশিক্ষাসম্পন্ন করিয়া খড়গ এবং মল্ল-যুদ্ধ-বিশারদ ‘মাওলী’ নামক পদাতি সৈন্য প্রস্তুত করেন। আর অন্তিদূরবর্তী বরণা, রেবা ও ভীমা প্রভৃতি নদীকূলে এক প্রকার খর্ব-গঠন বীর্যবান् অশ্বজাতি প্রসূত হয়। মহারাষ্ট্রপতি সেই সকল স্থান স্বাধিকার সম্মত করিয়া ‘বর্ণী’ নামক উত্তম অশ্বারোহী সৈন্য প্রস্তুত করেন। অপরন্ত, পরশুরাম ক্ষেত্র (যাহাকে কঙ্কণ দেশ বলে) জয়লক্ষ হইলে তত্ত্ব নিকৃষ্ট জাতীয় অনেককে সৈন্য সম্মত করিয়া গোলন্দাজ এবং ধানুষ প্রস্তুত করতঃ পদাতিদিগকে ‘হিতকরী’ এবং অশ্বারোহী সকলকে ‘সিলিদার’ আখ্যা প্রদান করেন। আর তথাকার যে সকল ব্রাহ্মণ তাঁহার সৈন্যে নিযুক্ত হয়, তাহারা নানা প্রকার রূপ ধারণ করিয়া—কখন সন্ধ্যাসী কখন গণক এবং কখন বা ফকীর অথবা ঐন্দ্রজালিক ইত্যাদি বেশে নানা দেশে ভ্রমণ করিয়া তত্ত্বস্থলের সমুদায় রহস্য সন্দান আনিয়া শিবজীর কর্ণগোচর করিত। এই সকল চর ‘যাসু’ নামে বিখ্যাত হইয়াছিল। ঐ যাসুদিগের সহায়তায় শিবজী নানা সঙ্কট উত্তরণ এবং বিবিধ প্রকারে শক্রদ্রোহ করণে সমর্থ হইয়াছিলেন। তাহারাই দিল্লীশ্বর-কন্যার পিতৃ সন্নিধানে আগমন বার্তা তাঁহাকে জ্ঞাপন করে, এবং সেই সংবাদ পাইয়াই তিনি রোসিনারাকে পূর্বোক্ত প্রকারে হরণ করিয়া আনেন।

শিবজী বাদসাহপুত্রীকে হরণ করিয়া যে দুর্গ মধ্যে আনয়ন করেন, তাহা দুর্জ্যস্য তথায় শত জন সাহসী ব্যক্তি মিলিত হইলে দশসহস্র বিপক্ষ সেনাকে পরাভব করিতে পারে, বিশেষতঃ তাহার পথ শিবজীর নিজ অনুচর ব্যতীত আর প্রায় কাহারও জ্ঞাত নহে, সুতরাং তথায় রাজপুত্রীকে আনিয়া তিনি তদপগমন বিষয়ে এককালে নিঃশঙ্খ হইয়াছিলেন।

রোসিনারা সেই স্থানে কিছুকাল বাস করিতে করিতে ক্রমে শিবজীর যত্নে এবং মাধুর্যভাবে বশীভূতা হইলেন। তিনি এক দিনের জন্যও শক্রগ্রস্ত হইয়াছেন এমত অনুভব করিতে পারেন নাই। যখন যাহা ইচ্ছা করিতেন তৎক্ষণাত তাহা প্রাপ্ত হইতেন। বস্তুতঃ পিত্রালয়ে যেরূপ সর্বদা গৃহ-পিঞ্জর-নিরন্ধা থাকিতেন, ঐখানে তদপেক্ষা অনেক গুণে স্বাধীনা হইলেন। মহারাষ্ট্রপতি প্রত্যহ এক এক বার করিয়া তাঁহার নিকট আসিতেন এবং কথোপকথন কালে অতি সরল মনে আপনার পূর্ব বৃত্তান্ত এবং ভবিষ্যৎ কল্পনা সমস্ত সবিস্তার বর্ণন করিতেন। সেই সকল আশ্চর্য বিবরণ এবং মহতী মন্ত্রণা সমুদায় পুনঃ পুনঃ কর্ণগোচর হওয়াতে বাদসাহপুত্রী ক্রমে ক্রমে সেই বীর পুরুষের সহিত মিলিত-জীবন হওয়া প্রাথমীয় বোধ করিতে লাগিলেন। যাঁহারা এই শুনিয়া এমন অনুমান করিবেন যে, সুবুদ্ধি শিবজী কেবল কৌশল দ্বারা রোসিনারার মনোহরণ করিলেন, তাঁহারা মনুষ্য প্রকৃতির বাস্তবিক রহস্যানুসন্ধানী নহেন। সত্য বটে, যখন শিবজী আরঞ্জেব কন্যাকে উপত্যকা মধ্য হইতে হরণ করিয়া আনেন, তখন শক্রদ্রোহ মাত্র তাঁহার অভিপ্রেত ছিল, তিনি অদৃষ্ট-পূর্বা রোসিনারার প্রতি প্রীতিসম্পন্ন ছিলেন না। কিন্তু ক্রমশঃ তাঁহার অন্তঃকরণে যথার্থ অনুরাগের সঞ্চার হয়, এবং তাহা হইয়াছিল বলিয়াই তিনি ঐ নব কিশোরীর হৃদয়াকরণে এমত ঝাটিতি সক্ষম হইলেন। মনুষ্যেরা যতই কেন কৌশল অবলম্বন করুন না, এবং ঐ কৌশলকে যতই কেন কার্যক্ষম বোধ করুন না, ফলতঃ তদ্বারা অকাল্পনিক প্রীতিলাভ করা কোন ক্রমেই সম্ভাবিত নহো। রোসিনারা স্ত্রীলোক, এবং স্ত্রীলোক মাত্রেই বিলক্ষণ জানেন যে, মিষ্ট কথা সুসামাজিকতা হইতে উত্তৃত হইতে পারে, অলঙ্কারাদি উপটোকন প্রদান কেবল বদান্যতা হইতেও জন্মে, কিন্তু যে নায়ক নানা কার্যব্যাপ্ত হইয়াও নিজ সময় দানে পরামুখ নহেন, তিনি বাস্তবিক স্নেহভাবাপন্ন তাহার সন্দেহ নাই। শিবজী প্রত্যহ যে সকল মন্ত্রণা করিতেন তাহা ব্যক্ত করিয়া রোসিনারাকে শ্রবণ করাইতেন, এবং পরদিবস, পূর্বদিন কিরণে সমুদায় কার্য সম্পন্ন করিয়াছেন, তাহা আনন্দপূর্বিক বর্ণন করিয়া আবার নৃতন নৃতন মন্ত্রণা স্থির করিয়া যাইতেন। অতএব বাদসাহপুত্রী আপনাকে তাঁহার একান্ত বিশ্বাস এবং প্রীতি-ভাজন বুঝিয়া ক্রমে তাঁহার সহিত একমত হইবেন আশ্চর্য নহো।

এই সময়ে আবার এমত একটি ঘটনা উপস্থিত হয়, যৎকর্তৃক বাদসাহ কন্যার মন শিবজীর নিতান্ত বশীভূত হইল। রোসিনারা প্রতিহ বৈকালে বিমল-পর্বত বায়ু সেবনার্থ দুর্গ প্রাকারে গমন করিতেন। একদা ঐ সময়ে কোন সৈন্যাধ্যক্ষের নয়ন গোচর হয়েন। সেনানী তাঁহার লাবণ্য দর্শনে মোহিত হইয়া তৎসমীপে সীয় মনোগত ব্যক্তি করিলে অত্যন্ত তিরঙ্গু হইয়াছিলেন, এবং সেই তিরঙ্গুরে ক্রুদ্ধ হইয়া বাদসাহপুত্রীর প্রতি কুবাক্য প্রয়োগ করেন। শিবজী সেই সময়ে কার্যান্তরে দিয়াছিলেন। প্রত্যাগমনান্তর এই বৃত্তান্ত শ্রবণ করিয়া তৎক্ষণাত রোসিনারার নিকট গমন পূর্বক তৎপ্রমুখাত সমুদায় বিদিত হইলেন, এবং অবিলম্বে দুর্গরক্ষা তাবৎ ব্যক্তিকে স্বসমীপে আহ্বান করিয়া উত্তু সেনানীর সম্মোধনান্তর কহিতে লাগিলেন, “তুমি আদ্য অতি জঘন্য কর্ম করিয়াছ, দুর্বলদিগের রক্ষা করাই যোদ্ধাদিগের ধর্ম, তাহাদিগের পীড়ন করা বীরপুরুষের কর্ম নহে, তুমি যে স্ত্রীলোকের অপমান করিয়াছ আমাকেই তাহার রক্ষিতা বলিয়া জান, এবং এইক্ষণে অস্ত্রধারী হইয়া আমার সহিত দ্বৈরথ্য যুদ্ধে প্রবৃত্ত হও।” এই বলিয়া মহারাষ্ট্রপতি সর্ব সমক্ষে অসিচর্ম ধারণপূর্বক অগ্রসর হইয়া দণ্ডায়মান হইলেন। বিচক্ষণ ব্যক্তিরা যে এক একটি কর্ম করেন, তাহার নানা ফল হয়, অসন্দাদির শত কার্যও একটি অভিপ্রেত সাধনে সমর্থ হয় না। দেখ, শিবজী রাজ-শক্তি অবলম্বন দ্বারা অনায়াসেই অপরাধীর দণ্ডবিধান করিতে পারিতেন। কিন্তু তাহা না করিয়া ঐ বলবান পুরুষের সহিত দ্঵ন্দ্ব সংগ্রামে প্রাণ-পণ করাতে একেবারে বাদসাহপুত্রীকে কৃতজ্ঞতা পাশে বন্ধ এবং নিজ অনুচর বন্ধুবর্গকে

বিশিষ্ট	ভক্তিভাজন	করা	হইলা
---------	-----------	-----	------

পরে শিবজী এবং সেনানী উভয়ে সমান রূপ অস্ত্রধারণ করিয়া রণস্থলে অবতীর্ণ হইলেন। উভয়েই এক সময়ে স্ব স্ব কৃপাণকোষ ভূতলে নিক্ষেপ করিলেন। উভয়ে উভয়ের প্রতি বন্ধ-দৃষ্টি হইলেন এবং উভয়েই একেদ্যমে পৃথী, আকাশ, পর্বত প্রভৃতির শোভা সন্দর্শন করিয়া যেন সকলের স্থানে জন্মের মত বিদ্যায় গ্রহণ করিলেন। ক্রমে তাঁহারা শনৈঃ শনৈঃ পদচারে পরম্পর নিকটাগত হইতে লাগিলেন। হঠাতে শিবজী শ্যেনবৎ বেগে উল্লম্ব প্রদান-পূর্বক সেনানীর ঢালে আপন ঢালের দৃঢ় প্রহার করতঃ সেই উদ্যমেই তাহার প্রতি খঙ্গ প্রয়োগ করিলেন। প্রয়োগ ব্যর্থ হইল

না। সেনানীর ক্ষমতদেশ হইতে শোণিত ধারা বিগলিত হইতে লাগিল। দ্বিতীয় আক্রমণেও ঐরূপ হইল। প্রতিপক্ষ এইরূপে দুই বার আহত হইলে ব্যথিত-মর্ম হইয়া মহা ক্রোধ সহকারে মহারাষ্ট্রপতির প্রতি আক্রমণ করিল। সেনানী, শিবজী অপেক্ষা শিক্ষা এবং বিক্রমে ন্যূন ছিল বটে, কিন্তু শারীরিক বলে এবং দৈর্ঘ্যতায় তাঁহা অপেক্ষা অনেক উৎকৃষ্ট ছিল। অতএব তাহার বিক্রান্ত ভুজবলে পরিচালিত তীক্ষ্ণধার অসির প্রহার হইলে শিবজী তৎক্ষণাত্ ছিন্নশীর্ষ হইতেন। কিন্তু তিনি নিজ ফলক দ্বারা সেই খড়গবেগ নিবারণ করিয়া রক্ষা পাইলেন। রক্ষা পাইলেন বটে, কিন্তু ঐ আঘাতে তাঁহার ফলক একেবারে দ্বিখা হইয়া গেল। শিবজী ব্যর্থ চর্ম পরিত্যাগ করিয়া অতি সাবধানে যুদ্ধ করিতে লাগিলেন। তিনি ক্ষণে বিপক্ষের প্রতি আক্রমণ, ক্ষণে দূরে পলায়ন, কখন শক্রর দক্ষিণ ভাগে, কখন বামে, এই তাহার সম্মুখে, আবার নিমেষ মধ্যেই পশ্চাতে, এইরূপে হৃহক্ষার করিয়া ভ্রমণ করাতে, শক্র অত্যন্ত ব্যস্ত এবং ক্রমশঃ শোণিত প্রস্তবণে নিতান্ত হীন বল হইয়া দণ্ডয়মান হইল। শিবজীও তৎক্ষণাত্ খড়গ প্রয়োগ করিলেন, এবং সেনানী সেই আঘাতেই আর্তনাদ সহকারে ভূতল-শায়ী হইল।

মহারাষ্ট্রপতি এই প্রকারে লঙ্ঘ-বিজয় হইলেন বটে, কিন্তু আপনিও সম্পূর্ণ অক্ষতদেহ ছিলেন না। সেনানীর দারুণ প্রহারে কেবল তাঁহার ফলকই ছিন্ন হইয়াছিল এমত নহো। খড়গটা ঢাল ভেদ করিয়া কিঞ্চিৎ বক্রীভাবে তাঁহার ক্ষম্ভে নিপতিত হওয়াতে তথাকার অস্থি ভগ্ন হইয়াছিল। তজ্জন্য অধিক শোণিত পাত হয় নাই। কিন্তু আন্তরিক পীড়ার পরিসীমা ছিল না। তথাপি ক্লেশ সহিষ্ণু দৃঢ়প্রতিজ্ঞ জনের কি মানসিক বল! শিবজী যুদ্ধ কালে অথবা তদবসানে তিলার্ধেও কাতরতা প্রকাশ করিলেন না, সেনানীর মৃতবৎ দেহ রঞ্জুবদ্ধ করিয়া দুর্গ বহির্ভাগে অবতারিত করিবার অনুমতি প্রদান করিলেন, এবং অম্লান মুখে সকলকে স্ব স্ব স্থানে যাইতে কহিয়া পরে নিজ আবাস গৃহে প্রবিষ্ট হইলেন।

কিন্তু অল্লক্ষণেই প্রচার হইল মহারাষ্ট্রপতি যুদ্ধে আহত হইয়া অত্যন্ত পীড়াগ্রস্ত হইয়াছেন। দুঃসমাচার রোসিনারার কর্ণগোচর হইবামাত্র তিনি সাতিশয় উদ্বিগ্নমনা

হইয়া একজন পরিচারিকা সমভিব্যাহারে শীত্র তাঁহাকে দর্শন করিতে আসিলেন। আসিয়া শিবজীর শয়ার এক পার্শ্বে বসিয়া তাঁহার মন্ডকে স্থীয় কোমল কর অর্পণ করিবামাত্র শিবজী উন্মীলিত নেত্র এবং সহাস্য মুখ হইয়া তাঁহার অভ্যর্থনা করিলেন। রোসিনারা বাক্য দ্বারা কিছুই জিজ্ঞাসা করিলেন না। কিন্তু শিবজী তাঁহার জিজ্ঞাসু নয়ন দ্বয়কে আশ্বাস বাকে উত্তর করিলেন, “শন্ত্র ব্যবহারী মাত্রেরই এইরূপ হইবার সম্ভাবনা, কিন্তু তোমাকে আমার নিমিত্ত কাতর দেখিয়া এমত সুখ হইতেছে যে, তজ্জন্য এমত বেদনা শত শত বার ভোগ করাও প্রাথনীয় অনুমান হয়।” রোসিনারা ঈষণ্ণজ্ঞানিতা হইয়া এই মাত্র উত্তর করিলেন, “আমিই এই অনর্থের মূলা” এই বলিয়া তিনি মহারাষ্ট্রপতির গাত্রে হাত বুলাইতে লাগিলেন আর মনে মনে স্থির করিলেন, ইনি যে পর্যন্ত সুস্থ না হয়েন তাবৎকাল সেবা করিয়া এই কৃতজ্ঞতা খণ্ড পরিশোধের যত্ন করিব। আহা! স্ত্রীলোকেরা কি মনুজগণের দুঃখ দূর করণার্থই সৃষ্টি হইয়াছেন! তাঁহারা সম্পদ এবং সুখ সময়ে যেরূপ হউন, কিন্তু প্রিয়জনের দুঃখ উপস্থিত হইলে আর অন্যভাব থাকে না। বিশেষতঃ রোগীর সেবায় সহিষ্ণু-প্রকৃতি স্ত্রীলোকেরা যে প্রকার নিপুণ এবং মনোযোগী, পুরুষেরা কদাপি সেরূপ হইতে পারে না কে না দেখিয়াছেন, মাতা নিজ পীড়িত শিশুকে ক্রোড়ে শয়ান করাইয়া আহার নিদ্রা পরিহারপূর্বক কেবল তাহার মুখাপৰ্তি নয়নেই দিবারাত্রি যাপন করেন? কোন্ ব্যক্তি রোগসন্তপ্ত হইয়া নিজ সহোদরাদিগের অন্তঃকরণে ভ্রাতৃবাঞ্সল্য ভাবের অনুভব না করিয়াছেন?—আর কে বা তাদৃশ দুঃসময়ে নিজ প্রণয়নীর কোমল করম্পর্শ সুখানুভব করতঃ আপনাকে বিগত-ক্লেশবৎ দর্শাইয়া প্রিয়তমার অন্তঃকরণের দুঃখভাব মোচন করিবার যত্ন না করিয়াছেন?—অপিচ, কন্যাপুত্রবন্ত কোন ব্যক্তি পীড়িত হইলে তাহার কোন্ সন্ততিগণের কাকলীস্বর অধিকতর মধুর হয়?—কাহারদিগের মৃদুমন্দ পাদবিক্ষেপ একেবারে নিঃশব্দ হইয়া যায়?—আর কাহারা ধৃষ্টস্বভাব ভ্রাতৃবর্গকে সান্ত্বনা করিয়া রাখে? অতএব আশৈশব মৃদুস্বভাব স্ত্রীজাতিই পীড়িত জনের প্রতি বিশিষ্ট সমবেদনা খ্যাপন করেন। ইটি তাঁহাদিগের একটা প্রাকৃতিক ধর্ম প্রায় বোধ হয়। দেখ বাদসাহপুত্রী রোসিনারা কখন কাহার সেবা শুশ্রষা করেন নাই। তথাপি স্ব-ইচ্ছায় শিবজীর পার্শ্ববর্তিনী হইয়া তাঁহার ক্লেশ

নিবারণার্থ নিরন্তর যত্ন করিতে লাগিলেন। তাঁহার পরিশ্রম সম্পূর্ণই সফল হইল। শিবজী কতিপয় দিবস মধ্যেই স্বাস্থ্যলাভ করিলেন। আর তাঁহার এই একটি অধিক লাভ হইল, রোসিনারা তৎপ্রতি নিরন্তর সমবেদনা খ্যাপন করতঃ তাঁহার সহিত মিলিত মন এবং বদ্ধ-প্রগায় হইলেন। না হইবেন কেন? যেমন সুবর্ণ-খণ্ডয় অগ্নিতাপে উত্তপ্ত হইলে সহজেই সংযুক্ত হয়, তেমনি মনুজদিগের মনও দুঃখপরিতপ্ত হইলে শীঘ্র বদ্ধসৌহার্দ্য হইয়া থাকে। অতএব মহারাষ্ট্রপতি একদা অনুরোধ করিলে তৎপত্নীত্ব স্বীকার করণে তখন তাঁহার যে প্রতিবন্ধক ছিল তাহা তিনি একটি পারস্য কবিতার অর্থ করিয়া প্রকাশ করিলেন, “গুরু-জনের অসম্মত কর্ম পরিণামে মঙ্গলাবহ নহে, কিন্তু তাহার কোন উপায় হইলে উভয়ের সুখী হই।”

তৃতীয় অধ্যায়া

যে মহারাষ্ট্র সেনানী শিবজী কর্তৃক আহত এবং পরাভূত হইয়া দুর্গ বহির্ভাগে অবতারিত হইয়াছিলেন, তিনি সম্পূর্ণ প্রাণসম্বন্ধ বর্জিত হয়েন নাই। কিয়ৎক্ষণ পরে তিনি চৈতন্য প্রাপ্ত হইয়া নিজ শিরস্ত্রাণ বন্দ্র ছিন্ন করতঃ ক্রমে ক্রমে সমুদায় ক্ষতভাগ বন্ধন করিলেন। এবং তদ্বারা শোণিত প্রস্তবণ নিবারণ হইলে নিকটবর্তী বৃক্ষমূলে শয়ন করিয়া রহিলেন। সেই রাত্রি যে তাঁহার জীবন্দশায় যাপন হইবে এমত কিছুমাত্র সন্তাবনা ছিল না। মলয় পর্বত বহু হিংস্রজন্মের আবাস, বিশেষতঃ তথায় ব্যাঘ এবং সর্পভয়, বঙ্গদেশীয় সুন্দরবনের অপেক্ষা ন্যূন নহো। কিন্তু দৈবাধীন সেই রাত্রি নিবিষ্টে প্রভাত হইল। পরস্ত পূর্ব দিবস অপেক্ষাও তাঁহার অধিকতর ব্যথিত দুর্বল ও তৃষ্ণায় শুঙ্খ-কঠ-তালু হইয়াছিল। পিপাসার পীড়ায় কাতর হইয়া সেনানী ক্রমে ক্রমে নিকটস্থ নির্বার পার্শ্বে গমন করিয়া সেই পবিত্র বারি পান দ্বারা শরীর স্মিন্ড করিলেন। এবং পুনরায় নিতান্ত দৌর্বল্য প্রযুক্ত তথায় নির্দ্রাবিভুত হইয়া রহিলেন। সেই দিবা এবং রাত্রি এইরূপে গত হইল। কিন্তু পরদিন অনেক সুস্থ এবং সবল হইলেন। তিনি যেরূপ আহত হইয়া ছিলেন, মদ্যমাংসভুক্ত হইলে অবশ্যই মৃত্যু কবলিত হইতেন। কিন্তু শিবজীর প্রায় সকল সৈন্যই শিব-পরায়ণ ছিল, মদ্যমাংস ভোজন করিত না, অথচ তাহারা কখন পরিশ্রম-বিমুখ বা অধ্যবসায়বিহীন হয় নাই। যাইহউক, সেনানী দিন দিন কিঞ্চিৎ কিঞ্চিৎ সবল হইয়া বন্য ফল ভোজন এবং সেই নির্বার অমুপান দ্বারা জীবন ধারণ করিতে লাগিলেন। সপ্তাহ এইরূপে গত হইলে, তিনি ক্রমে অতি মৃদু গমনে স্থানে স্থানে পুনঃ পুনঃ বিশ্রাম করতঃ প্রস্থান করিতে লাগিলেন। পরে সমুদায় পর্বতীয় পথ উত্তীর্ণ হইলে আরঞ্জেব বাদসাহের কোন সেনানীর ক্ষন্দাবার তাঁহার দৃষ্টিগোচর হইল। দুর্বুদ্ধি মহারাষ্ট্র সেই শিবির সন্নিহিত হইয়া প্রহরিগণকে কহিল, তোমরা আমাকে সেনানীর সমীপস্থ কর, আমি শিবজীকে ধৃত করিবার উপায় বলিয়া দিবা” শিবির-রক্ষিগণ তৎক্ষণাত তাহাকে সমাদর করিয়া সেনাপতির নিকট আনয়ন করিল। মুসলমান সৈন্যগতি তাহার আপাদ মন্তক

নিরীক্ষণ করিয়া কহিলেন, “রে মহারাষ্ট্র! তো বেশভূষায় দেখিতেছি তুই শিবজীর অনুচর হইবি, অতএব কি প্রয়োজনে এই সৈন্য মধ্যে আসিয়াছিস্ বল?” মহারাষ্ট্র আপন শরীরের ক্ষতভাগ সকল দেখাইয়া কহিল, “যে দুরাত্মা এক্ষণে মহারাষ্ট্রপতি নামধেয় হইয়াছে সেই আমার এই দশা করিয়াছে। এই সকলের শোধ দেওয়াই আমার এখানে আসিবার তাৎপর্যা” “কিন্তু তোর কথায় আমার বিশ্বাস হইবার সম্ভাবনা কি? যে স্বজনের অহিতাচরণে প্রবৃত্ত, শক্রর বিশ্বাসহস্তা হইতে তাহার কতক্ষণ?” মহারাষ্ট্র কিঞ্চিৎ ক্রোধ করিয়া উত্তর করিল, “যদি আমার দ্বারা স্বকার্য সাধনে আপনার এতই অনিষ্ট হয়, তবে অন্য কোন মুসলমান সেনাপতির নিকট যাই।” এই বলিয়া গমনোদ্যম করিলে বাদসাহের সেনাপতি ভাবিলেন, এই ব্যক্তির আকার ইঙ্গিতে বিলক্ষণই বোধ হইতেছে যে শিবজী কর্তৃক আহত হইয়া ক্রোধপরতন্ত্রতা প্রযুক্ত আসিয়াছে। যদি অন্য কেহ ইহার সহায়তায় এই যুদ্ধে কৃতকার্য হয়, তবে তাহারই সম্পূর্ণ যশোলাভ হইবো অতএব ইহাকে যাইতে দেওয়া কর্তব্য নহো এইরূপ বিবেচনা করিয়া তিনি মহারাষ্ট্রকে আহ্বান করিয়া কহিলেন, “তোমাকে হিতৈষী বলিয়া স্বীকার করিলাম, যদি কোন প্রকারে সেই দস্যুকে আমার হস্তগত করিতে পার তবে যথোচিত পুরস্কার করিবা” মহারাষ্ট্র কহিল, “আমার অন্য পুরস্কারে প্রয়োজন নাই। আমি অর্থ লোভে জন্ম-ভূমির অপকারে প্রবৃত্ত নহি, কেবল সেই দুরাত্মার শোণিত দর্শন করিতে চাই। কিন্তু যে পর্যন্ত আমার সেই মানস সিদ্ধ না হয়, তাবৎকাল বাদসাহের পক্ষ হইলামা” মুসলমান সেনানী এই কথায় কিঞ্চিৎ চমৎকৃত এবং ক্রুদ্ধ হইলেন। তিনি জানিতেন না যে, সকল জাতিরই অভ্যন্তর কালে তত্ত্বজাতীয় জনগণের ধর্ম-বুদ্ধি প্রবল হয়। এমন কি, সেই জাতীয় অতি নিকৃষ্ট-তামস-প্রকৃতি জনের মনেও কিঞ্চিৎ তেজস্বিতা প্রতীয়মান হইয়া থাকে। শিবজীর সময়ে মহারাষ্ট্রদিগেরও সেইরূপ হইয়াছিল। এবং তাহা হইয়াছিল বলিয়াই তিনি লোকান্তর গত হইলেও মহারাষ্ট্রীয়রা ক্রমশ প্রবল হইয়া প্রায় সমুদায় ভারতবর্ষের উপরে কর্তৃত্ব লাভ করিয়াছিল। তাহারা সমুদায় ভারত রাজ্যকে কখন স্বদেশ বলিয়া বোধ করে নাই বটো কারণ এই বিস্তীর্ণ দেশ নানাপ্রকার লোকের আবাস। এদেশীয়গণের ব্যবহার, ভাষা, বৃত্তি সকলই পরম্পর

কিঞ্চিৎ কিঞ্চিৎ বিভিন্না সেই জন্য যখন যখন মহারাষ্ট্ৰীয়েরা নিজ মহারাষ্ট্ৰ খণ্ড উত্তীর্ণ হইয়া যুদ্ধ কৰিতে যাইত, তখনই পৱনদেশ বলিয়া প্ৰজামাত্ৰের প্ৰতি অত্যাচার কৰিত। কিন্তু স্বদেশে তাদৃশ অত্যাচারের লেশমাত্ৰ ছিল না। তাহারা বাস্তবিক স্বদেশবৎসল ছিল। দেখ ঐ দুষ্ট মহারাষ্ট্ৰ সেনানী স্বদোষে দণ্ডিত হইয়া প্ৰভুৱ অপকারে প্ৰবৃত্ত হইল বটে, কিন্তু বিধৰ্মি শক্ৰৰ স্থানে ভূতি স্বীকার কৰিল না। তাহার তেজো গৰ্ভ-বাক্যে মুসলমান সৈন্যপতি বিস্মিত এবং ক্রুদ্ধ হইলেন। কিন্তু শীঘ্ৰ ক্ৰোধ সম্বৰণ কৰিয়া বলিলেন, “আমাৰ পুৱনুৰাগ গ্ৰহণ কৰ বা না কৰ, তুমি কি উপায়ে শিবজীকে আমাৰ হস্তগত কৰিবে, বল?” মহারাষ্ট্ৰ উত্তৰ কৰিল, “এক্ষণে তাহা বলিবাৰ প্ৰয়োজন নাই। অগ্ৰে আমি সুস্থ এবং সবল হই। পৱে আমাৰ সমত্বিব্যাহারে দুই শত উত্তম সৈন্য দিবেন। আমি অন্যেৰ অবিদিত পথ দ্বাৰা তাহাদিগকে শিবজীৰ আবাসে লইয়া যাইব। পৱন্ত আপনি অন্ত ধাৰণ কৰিতে না পাৰিলে অন্যেৰ নিকট গুপ্ত সন্ধান ব্যক্ত কৰিব না। তিনি যেমন আমাকে দৈৰথ্যযুদ্ধে আহত কৰিয়াছেন, আমিও স্বহস্তে তাহার প্ৰতিফল প্ৰদান কৰিতে চাহি।” মুসলমান জাতীয়েৰা স্বভাবতই অজ্ঞ, তাহাতে অবজ্ঞেয় হিন্দুৰ প্ৰমুখাং তাদৃশ দৃঢ় প্ৰতিজ্ঞাৰ বাক্য শ্ৰবণ কৰিয়া তাহারা যে অত্যন্ত ক্রুদ্ধ হইবে আশৰ্য কি? পৱন্ত মুসলমান সৈন্যপতি তৎকালে ক্ৰোধ সম্বৰণ কৰিয়া স্বকাৰ্য সাধনাভিপ্ৰায়ে ঐ ব্যক্তিৰ যথাযোগ্য সেবা এবং চিকিৎসাৰ্থ ভৃত্য ও ভিষক্ নিযুক্ত কৰিয়া দিলেন। মহারাষ্ট্ৰ অতি গুপ্তভাৱে তাঁহার শিবিৰে অবস্থিতি কৰিতে লাগিল। মুসলমান সেনানী স্বয়ং শিবজীকে ধৃত কৰিবেন, এই মানসে নিজ বাদসাহকেও এই সকল বৃত্তান্ত অবগত কৰাইলেন না।

আৱঞ্জেৰ কোন প্ৰকাৰে শিবজীৰ অনুসন্ধান বা আঘাজাৰ উদ্ধাৰে সমৰ্থ না হইয়া কাৰ্যান্তৰ উপস্থিত হওয়াতে নিজ রাজধানীতে প্ৰত্যাবৰ্তন কৰিলেন। কিন্তু যাইবাৰ কালীন তাঁহার যে সেনাপতিৰ নিকট মহারাষ্ট্ৰ সেনানী বাস কৰিতেছেন, তাহারই নিকট কতকগুলি সৈন্য রাখিয়া আদেশ কৰিয়া গেলেন, শীঘ্ৰ পৰ্বতীয়-যুদ্ধ-নিপুণ জয়পুৱ প্ৰদেশাধিপতি রাজা জয়সিংহকে তাঁহার সাহায্যাৰ্থ প্ৰেৰণ কৰিবেন,

যাবৎকাল তিনি না আইসেন ততদিন কোন বিশেষ চেষ্টা না করেন। এদিকে শিবজী ঐ সুযোগে অনেক পার্বতীয় দুর্গ নিজ অধিকার সম্মত এবং মধ্যে মধ্যে শক্ত সৈন্যের প্রতি আক্রমণ করিয়া আপন বলবৃক্ষ করিতে লাগিলেন। তাঁহার যুদ্ধনীতি চিরকাল এইরূপ ছিল। বিপক্ষকে প্রবল দেখিলে দুর্লভ্য দুর্গ সকলের শরণ লইতেন, আর তাহাদিগকে ক্ষীণবল দেখিলে নিজ সৈন্য সমভিব্যাহারে সংগ্রামে প্রবৃত্ত হইতেন।

এইরূপে কিছুদিন গত হইল। একদা মহারাষ্ট্রপতি নিজ দুর্গ প্রাকারোপরি বায়ু সেবন করিতেছেন, এমত সময়ে দেখিতে পাইলেন একজন নিম্ন ভাগ হইতে দুর্গে আসিবার নিরূপিত সঙ্কেত করিল এবং সঙ্কেতানুসারে দ্বারপালগণ কর্তৃক রঞ্জু নিষ্কিপ্ত হইল। ঐ ব্যক্তি তদবলম্বনে দুর্গে প্রবেশ করিলে সকলে মৃত সেনানীকে পুনর্জীবিত দেখিয়া বিস্ময়াবিষ্ট হইলেন। সেনানী তৎক্ষণাতঃ শিবজীর সমীপস্থ হইয়া সাষ্টাঙ্গ প্রণিপাত সহকারে কহিল, “সাক্ষাৎ শিবাবতার, শিবজীর জয়! এই অধীনকৃত অপরাধ সমস্ত বিস্মৃত হইয়া পুনর্বার ইহাকে আপন কার্যে নিযুক্ত করিতে আজ্ঞা হউকা” শিবজী ঐ সেনানীর প্রতি পূর্বে কিঞ্চিৎ স্নেহ করিতেন, এবং তাহার অপরিসীম বীর্য এবং সাহসিকতাগুণে তদ্বারা তাঁহার অনেকানেক কর্ম সুসিদ্ধ হইয়াছিল। অতএব সে তাঁহার হস্তে একেবারে প্রাণ বর্জিত হয় নাই দেখিয়া মনে মনে সন্তুষ্ট হইলেন। তিনি কহিলেন, “তুমি যে দুর্ক্ষর্ম করিয়াছিলে তাহা স্মরণ করিতে হইলে তোমার মুখ দর্শন করাও অযোগ্য, কিন্তু কেবল আমার প্রতি অত্যাচার করিয়াছে বলিয়া যে কোন মহারাষ্ট্র স্বদেশের স্বাধীনতা সাধনে নিবৃত্ত থাকিবে আমার এমন অভিপ্রায় নহে—অদ্য রাত্রি এই স্থানে অবস্থিতি কর, কল্য প্রাতে বিবেচনা করিয়া তোমাকে দুর্গান্তরে নিযুক্ত করিবা” সেনানী অবনত শির হইয়া প্রস্থান করিলেন।

সেই রাত্রি দুই প্রহর সময়ে ঐ দুরাত্মা আপনার নির্দিষ্ট নিলয় পরিত্যাগপূর্বক দুর্গ প্রাকারোপরি আরূপ হইল। জনৈক প্রহরী সেই স্থান রক্ষা করিতেছিল। সে তাহাকে দেখিয়া তথায় আসিবার কারণ জিজ্ঞাসা করিলে, সেনানী কহিল, “ভাই রে! অনেক

ଦିନ ତୋମାଦିଗେର କାହାର ସହିତ ସାକ୍ଷାଂ ହ୍ୟ ନାହିଁ, ଆର କଲ୍ୟ ପ୍ରାତେଇ ଏଥାନ ହଇତେ ଯାଇତେ ହଇବେ, ଅତେବ ଭାବିଲାମ ଯଦି କାହାର ସହିତ ସାକ୍ଷାଂ ହ୍ୟ କଥାବାର୍ତ୍ତାୟ ରାତ୍ରି ଯାପନ କରିବା” ଏଇରୁପ ସରଳ ଭାଷାଯ ପ୍ରହରୀର ପ୍ରତୀତି ଜନ୍ମାଇଯା ଦୁଷ୍ଟ କ୍ରମେ କ୍ରମେ ତାହାର ନିକଟବର୍ତ୍ତୀ ହଇଲ, ଏବଂ ହଠାଂ ତାହାର ପାଦଦ୍ୱୟ ଆର୍କଷଣ କରତଃ ତାହାକେ ଏକେବାରେ ଦୁର୍ଗେର ବହିର୍ଭାଗେ ନିକ୍ଷେପ କରିଲା ପ୍ରହରୀ ସେଇ ଉନ୍ନତ ଶ୍ଵଳ ହଇତେ ଅନ୍ୟନ ଦୁଇ ଶତ ହଞ୍ଚ ନିମ୍ନେ ନିପତିତ ହଇଯା ଏକେବାରେ ଚର୍ଣ୍ଣ-ସର୍ବାଙ୍ଗ ହଇଲା ବିଶ୍ୱାସ-ଘାତକ ତଥାନ ନିରନ୍ତରଦେଶେ ଅଙ୍ଗୋବରଣେର ଅନ୍ତର ହଇତେ ଏକଟି ଦୀର୍ଘ ରଙ୍ଜୁ ବାହିର କରିଲ, ଏବଂ ନିର୍ଦିଷ୍ଟ ସଙ୍କେତାନୁସାରେ ସେଇ ରଙ୍ଜୁ ଦ୍ୱାରା ଏକ ଜନ ବଲବାନ ମୋଗଲ ଯୋଦ୍ଧାକେ ଉନ୍ନତ କରିଲା ସେଇ ବ୍ୟକ୍ତିର ଥାନେଓ ଐରୁପ ଏକଟି ରଙ୍ଜୁ ଛିଲା ଉଭୟେ ସ୍ଵ ସ୍ଵ ରଙ୍ଜୁ ସଂଯୋଗେ ଆର ଦୁଇ ଜନକେ ଦୁର୍ଗେ ଆନ୍ୟନ କରିଲା ଏଇରୁପେ ମୁହୂର୍ତ୍ତକ ମଧ୍ୟେ ଶତାଧିକ ବିପକ୍ଷ ସେନା ଶିବଜୀର ଦୁର୍ଗାନ୍ତରାଲେ ପ୍ରବିଷ୍ଟ ହଇଲା

ମହାରାଷ୍ଟ୍ର ସେନାନୀର ମାନସ ଛିଲ କୋନ ଗୋଲମାଲ ନା କରିଯା ଶିବଜୀର ଗୃହେ ପ୍ରବେଶ କରତଃ ସ୍ଵହଞ୍ଚେ ତାଁହାକେ ହନନ କରୋ କିନ୍ତୁ ମୋଗଲ ସୈନ୍ୟେରା କ୍ରମଶଃ ଆପନାଦିଗିକେ ବଧିତ-ବଲ ବୁଝିଯା ସାବଧାନତାଚ୍ୟତ ହୋଯାତେ ଦୁର୍ଗ ରକ୍ଷିଗଣ ଅନେକେ ଜାଗ୍ରତ ହଇଯା ଉଠିଲ ଏବଂ ତାହାଦିଗେର ଏକଜନ ଉର୍ଧ୍ଵଶାସେ ମହାରାଷ୍ଟ୍ରପତିର ଗୃହଦ୍ୱାରେ ଗିଯା ଉଚ୍ଚେଃସ୍ଵରେ କହିଲ, “ମହାରାଜ! ଶୁକ୍ର ସେନା ଦୁର୍ଗେ ପ୍ରବେଶ କରିଯାଛେ, ଉପାୟ କରନା” ଶିବଜୀ ତ୍ରକ୍ଷଣାଂ ନିକ୍ଷୋଷ କୃପାଣ ହଞ୍ଚେ ବାହିର ହଇଯା କତିପଯ ସୈନ୍ୟ ସମଭିବ୍ୟାହାରେ ମୋଗଲଦିଗିକେ ଆକ୍ରମଣ କରିଲେନ ସେଇ ନିଶୀଥ ସମୟେ ମହାରାଷ୍ଟ୍ର ଭଟ ସକଳେର ‘ହର ହର ଭବାନୀ’! ଏବଂ ମୋଗଲ ସେନାର ‘ଆଲ୍ଲାଃ ଆକବାର’! ଏଇରୁପ ଯୋଧ-ରାବ ପୁନଃ ପୁନଃ ଗଗନ ବିଦୀର୍ଘ ହଇଯା ଉଥିତ ହଇତେ ଲାଗିଲା ମହାରାଷ୍ଟ୍ରୀଯରା ଦୁର୍ଗେର ପଥ ସକଳ ଉତ୍ତମ ଜାନିତ ବଲିଯା ହଠାଂ ଆକ୍ରାନ୍ତ ହଇଯାଓ ଅତି ଉତ୍ତମ ଯୁଦ୍ଧ କରିତେ ଲାଗିଲା ମୋଗଲେରା ଅନ୍ଧକାରେ ଅପରିଜ୍ଞାତ ଥାନେ ତାଦୃଶ ପରାକ୍ରମ ପ୍ରକାଶ କରିତେ ନା ପାରିଯା ନିକଟବର୍ତ୍ତୀ କତିପଯ ପର୍ଣ ଏବଂ ତୃଣ କୁଟୀରେ ଅଗ୍ନିଦାନ କରିଲା ଶିବଜୀ ଦେଖିଲେନ ଯୁଦ୍ଧେ ବିଜ୍ୟ ସନ୍ତ୍ଵାନା ନାହିଁ ଅତେବ ସତ୍ତରଗମନେ ବାଦସାହପୁତ୍ରୀର ଗୃହେ ଆଗମନ କରିଯା ତାଁହାକେ ସମ୍ବୋଧନ କରିଯା କହିଲେନ, “ତୋମାର ପିତୃ-ସୈନ୍ୟେ ଆମାର ଦୁର୍ଗ ଅଧିକାର କରିଲ—ତୋମାର କୋନ ବିପଦ

হইবার সন্তানা নাই, কিন্তু আমি ধৃত হইলে অবশ্যই বধ্য হইবা” রোসিনারা ব্যগ্র-চিত্ত হইয়া কহিলেন, “যদি কোন উপায় থাকে, নিমেষমাত্র বিলম্ব করিও না, পলায়ন কর, আর কখন যদি পুনর্বার মিলিত হইবার পথ হয় আমি যেখানে থাকি তোমারই রহিলাম জানিও” এদিকে মোগলদিগের জয়ধ্বনি ক্রমে নিকটবর্তী হইতে লাগিল, সুতরাং আর বিলম্বের অবকাশ নাই, শিবজী শীত্ব তথা হইতে প্রস্থান করিয়া দুর্গের এক প্রান্তভাগে উপস্থিত হইলেন।

দুর্গের সেই ভাগ অন্যান্য দিক্ অপেক্ষাও বরং অধিক বন্ধুর হইবো কিন্তু সেই পার্শ্বে পর্বত গাত্রে স্থানে স্থানে ক্ষুদ্র ক্ষুদ্র শাখি-সকল জন্মিয়াছিল, আর নীচে একটি নদী বেগে প্রবাহিত হইতেছিল। শিবজী সেই বৃক্ষ সকলকে অবলম্বন করিয়া ক্রমে ক্রমে নামিতে লাগিলেন। মধ্যভাগে যে ক্ষুদ্র গাছটির উপর নির্ভর করিয়াছিলেন তাহা পদ্ভরে উন্মূলিত হইল। কিন্তু ভাগ্যবলে শিবজী বহুদূর নিপতিত না হইতে হইতেই আর একটি অধিকতর-বন্ধনূল বৃক্ষকে ধারণ করিতে পাইয়া রক্ষা পাইলেন। সেই স্থান হইতে নদী জল অন্যুন বিংশতি হস্ত দূর হইবো শিবজী নিকটস্থ কতকগুলি তৃণ লইয়া আপন পৃষ্ঠাটলে বিন্যস্ত করিয়া বাঁধিলেন, এবং পর্বত পার্শ্বে পিছলাইয়া অন্তি-ক্ষতশরীরে নদীজলে পড়িলেন। সেই স্থলে নদী গভীর ছিল, এবং তন্মধ্যে বৃহৎ শিলাদি কোন কঠিন পদার্থও ছিল না। অতএব বেগে জলমগ্ন হইলেও মহারাষ্ট্রপতির কোন ব্যাঘাত হয় নাই। তিনি জলে ভাসমান হইয়া সন্তুরণদ্বারা শ্রোতৃস্বত্ত্ব উত্তীর্ণ হইতে পারিলেন।

গ্রন্থকার এইবার বিষম সঙ্কটে পড়িলেন। পাঠকবর্গকে উদার-চরিত্র শিবজী এবং কোমল-প্রকৃতির রোসিনারার সহিত পরিচিত করাইয়া তাঁহার এমত অনুভব হইয়াছে যে, সকলেই ইহাদিগের পরে কি হইয়াছিল জানিতে ব্যগ্র হইবেন। যতদিন তাঁহারা উভয়ে একত্রে ছিলেন, একের বিবরণেই অপরের আনুষঙ্গিক বর্ণন হইয়াছে। এক্ষণে উভয়ের বিচ্ছেদ হইলে কাহার বিষয় অগ্রে বণনীয়?—সর্ব স্থানেই পুরুষের সম্মান অধিক। সুতরাং শিবজী পুরুষ বলিয়া তাঁহারই বৃত্তান্ত অগ্রে বর্ণিত হইতে পারে। কিন্তু এইক্ষণে কোন কোন সুধীর-স্বভাব কামনীরাও কাব্য শাস্ত্রাদি পাঠে

মনঃসংযোগ করিয়া থাকেন, অতএব পাছে তাঁহারা কেহ রোসিনারার কথা না বলিলে মনোদৃঃখ করেন এই জন্য বাদসাহপুত্রীর বিবরণ অগ্রে বলাই বিধেয় হইতেছে যাঁহারা মনের দৃঃখ মনেই রাখেন, তাঁহাদিগের মন রাখাই সাধু পরামর্শ! বিশেষতঃ মুসলমানেরা তাহাদিগের পরম শক্তি শিবজী মরিয়াছেন এই বিবেচনাই করিয়াছিল, এবং তিনিও কয়েক দিবস কোথায় কি করিতেছিলেন, প্রথমতঃ তাহার কিছুই প্রকাশ হয় নাই, অতএব এই অধ্যায় মধ্যেই সংক্ষেপে বাদসাহপুত্রীর কিঞ্চিত্ত্বিবরণ লিখিতে প্রবৃত্ত হইলাম।

মুসলমান সৈন্যপতি দুর্গাধিকার বার্তা প্রাপ্ত হইবামাত্র মহা আনন্দ-সহকারে যাত্রা করিয়া পর দিবস তথায় উপস্থিত হইলেন। তিনি প্রথমতঃ বাদসাহপুত্রীকে সহস্রাধিক সামন্ত সমভিব্যাহারে পিতৃ-সদনে প্রেরণ করিলেন। রোসিনারা কতিপয় দিবস পরে পথিমধ্যে রাজা জয়সিংহের সৈন্যে উপস্থিত হইলেন। সিংহ মহারাজ মুসলমান সৈন্যপতির লিপি প্রাপ্ত হইয়া জানিলেন, শিবজীর দুর্গ জয় হইয়াছে এবং তিনিও প্রস্থান কালে পঞ্চত্ব পাইয়াছেন। অতএব তিনি যেমন শীত্র সৈন্যে আসিতেছিলেন, তাহা না করিয়া বাদসাহকে সমুদায় শুভ সংবাদ বিজ্ঞাপন এবং পরে আপনি কি করিবেন জিজ্ঞাসা করিয়া পাঠাইলেন। সেই স্থান হইতে রোসিনারা নির্বিঘ্নে পিত্রালয় প্রাপ্ত হইলে বাদসাহ, একেবারে আত্মজার উদ্ধার এবং শিবজীর মৃত্যু সংবাদ শ্রবণে পরম পরিতোষ লাভ করিলেন। কিন্তু কন্যার সহিত সাক্ষাৎ হইলে কথা প্রসঙ্গে তৎপ্রমুখাত শিবজীর গুণানুবাদ শ্রবণ করিয়া তাঁহার ক্রোধের পরিসীমা রহিল না। তিনি প্রতিজ্ঞা করিলেন যে, ঐ কন্যার আর মুখ্যবলোকন করিবেন না। অতএব যে কারাগৃহ-তুল্য-অবরোধ মধ্যে আপন পিতা সাজাহানকে বদ্ধ রাখিয়াছিলেন, তাহারই এক দেশে কন্যার বাসস্থান নির্ণয় করিলেন। সেই স্থানে রোসিনারা কিরণে কাল্যাপন করিতেন, এবং কালে তাঁহার মানস কতদূর কিরণে সফল হইয়াছিল, তাহা সময়ান্তরে ব্যক্ত হইবে।

চতুর্থ অধ্যায়।

যে দেশে প্রজাগণ অধিকাংশই কৃষিকার্য দ্বারা জীবিকা নির্বাহ করে, এবং রাজবর্ঝ সকল পরিপাটিরূপ না থাকাতে বণিক-বৃত্তি সুসম্পন্ন হয় না, তথাকার রাজাদিগের কর্তব্য প্রজার স্থানে সুর্বৰ্ণ রজতাদিরূপে কর না লইয়া যে যে দ্রব্য উৎপন্ন হয়, তাহারই কোন নিয়মিত অংশ গ্রহণ করেন। এইরূপ না করিলে প্রজার অত্যন্ত ক্লেশ হয়। তাহাদিগকে অল্প মূল্যে অধিক দ্রব্য বিক্রয় করিতে হয়, অথবা দূরস্থিত আপগে কৃষি-প্রসূত দ্রব্যজাত লইয়া যাইতে অনেক পরিশ্রম এবং কালক্ষয় করিতে হয়। শিবজী এই সকল বিবেচনা করিয়া রাজস্ব আদায়ের নিয়ম করিয়াছিলেন যে, প্রজারা যাহার যেরূপ ইচ্ছা, তাঁহার ভাগধেয় প্রদান করিবো এই নিয়মানুসারে তাঁহার পার্বতীয় দুর্গ সন্নিহিত প্রজাগণ ঐ দুর্গস্থিত তৃণ ও পর্ণকুটীর সকল নির্মাণার্থ তদুপযোগী পত্র তৃণ প্রভৃতি উপকরণ সামগ্ৰী প্রদান করিত; তাহাদিগের স্থানে আৱ অন্য করাদান ছিল না। পৱন্তি যখন তাহারা ঐ নিয়মানুসারে তৃণাদি প্রদান করিতে আসিত, সেই সময়ে পৱন্তি দ্রব্যাদি বিনিময়ের সুবিধা হয় বলিয়া দুর্গ মধ্যে এক প্রকার বাজার বসিত।

মুসলমান সৈন্যপতি তাঁহার অধিকৃত দুর্গের সকল কুটীর অগ্নিদাহে দক্ষ হইয়াছে দেখিয়া প্রজাদিগের স্থানে ঐরূপ তৃণাদি গ্রহণের অনুমতি করিলেন। তাঁহার মানস ছিল ঐ দুর্গে বহুতর সৈন্য নিযুক্ত রাখেন; অতএব এককালে অনেক কুটীর নির্মাণের আদেশ করিয়া যাবৎ তৎসমুদায় সমাপন না হয় তাৰৎ আপনি শিবিৰ মধ্যে বাস করিতে লাগিলেন।

তাঁহার ঘোষণানুসারে দুর্গ জয় হইবার তিন বা চারি দিবস পরে শতাধিক ব্যক্তি নানা দ্রব্যজাত লইয়া দুর্গ সন্নিধানে উপনীত হইল। তাহাদিগের মধ্যে যে ব্যক্তি সর্বাঞ্চ দুর্গ মধ্যে প্রবেশিত হইল তাঁহার সহিত একজন মোগল যোদ্ধার এইরূপ

কথোপকথন হয় এবং সেই অবসরে আর আর সকলে ক্রমে ক্রমে দুর্গোপরি
উঞ্চাপিত হইতে লাগিল। মোগল যোদ্ধা প্রথমতঃ ঐ ব্যক্তিকে দেখিয়া কহিল,
“কেমন রে কাফের! তোদের রাজা এখন কোথায়? বেটা ডাকাইত ছিল—তেমনি
একবারে জাহানমে গিয়াছে” মহারাষ্ট্র কহিল, “হাঁ শুনিয়াছি, শিবজী না কি
মরিয়াছেন। আমাদের পক্ষে যিনিই রাজা হউন, উচিত কর দিব, রাজে বাস করিব;
আমাদিগের ভালও নাই মন্দও নাই—ভাল, তবু বল দেখি শিবজী মরিয়াছেন কেমন
করিয়া জানিলে; তোমরা কি তাঁহার শব দেখিয়াছ?” “বেটা নদীর জলে পড়িয়া
কোথায় মরিয়া ভাসিয়া গিয়াছে কিরূপে দেখিবা” “তবে তিনি মরিয়াছেন কেমন
করিয়া খুঁজিয়াছিলাম, কোথাও দেখিতে পাইলাম না—পর দিন গড়ের মুচার উপর
উঠিয়া দেখি এক জায়গায় একটা গাছ উপড়িয়া গিয়াছে—আর বালিতে পায়ের
দাগও পড়িয়া রহিয়াছে। যে নেমক্হারাম্ আমাদিগকে এই গড়ে আনিয়াছিল সেই
ঐ পায়ের দাগ দেখিয়া কহিল শিবজীই এই খান দিয়া যাইবার চেষ্টা করিয়া পড়িয়া
মরিয়াছেন।” মহারাষ্ট্র ব্যগ্র হইয়া জিজ্ঞাসা করিল, “সেই নেমক্হারাম্ এখন
কোথায়?—তাহার কি হইয়াছে কিছু বলিতে পার?” মোগল দুর্গজয় হওয়াতে
নিতান্ত আনন্দমগ্ন অন্তঃকরণ হইয়াছিল বলিয়াই জিজ্ঞাসুর তাদৃশ ব্যগ্রতা দেখিয়াও
সন্দিহানমনা হইল না। সে হাস্য করিয়া উত্তর করিল, “সে এইখানেই আছে, কিন্তু
তাহার জিয়ন্তে কবর হইয়াছে। আমার ইচ্ছা হয় তোদের সকলকেই সেৱন করিব।”
মহারাষ্ট্র জিজ্ঞাসা করিল, “কেন আমরা তোমাদের কি করিয়াছি?” “তোরা কাফের
ভূতের পূজা করিস্।” মহারাষ্ট্র তৎক্ষণাৎ কহিল, “যে বিধর্মি মুসলমান, তুই মনে
করিয়াছিস্ শিবজী মরিয়াছেন, এই তাঁহাকে সম্মুখে দেখ্ব।” এই বলিতে বলিতে
কৃষীবল-বেশধারী শিবজী আপন আনীত ত্ণ কাষ্ঠাদি মধ্য হইতে তীক্ষ্ণধার খঙ্গ
বাহির করিয়া ঐ ভয়ার্ত মোগলের শিরচ্ছেদন করিলেন। আর আর মহারাষ্ট্র সকলেও
ঐরূপে নিজ নিজ অন্ত বাহির করিয়া ‘শিবজীর জয়! শিবজীর জয়!’ এই
শব্দসহকারে মোগলদিগকে বলপূর্বক আক্রমণ করিল। মোগলেরা অনেকেই নিরস্ত্র,
বিশেষতঃ শিবজী মরিয়াছেন জানিয়া একান্ত অনবধান ছিল। অতএব শিবজী স্বয়ং

উপস্থিত হইয়াছেন শ্রবণ করিয়া মহা ভয় প্রযুক্ত যে যাহার প্রাণ লইয়া পলাইবার চেষ্টা করিতে লাগিল। অনেকেই স্থির হইয়া যুদ্ধ করিতে পারিল না। আর যাহারা যাহারা সাহস করিয়া যুদ্ধে অগ্রসর হইল, তাহারাও সুশিক্ষিত মাওলীগণ কর্তৃক স্বল্পায়সেই পরাজিত হইল।

এইরূপে শিবজী নিজ দুর্গ পুনর্বার সম্পূর্ণরূপে অধিকার করিয়া সেই বিশ্বাসহস্তা সেনানীর অনুসন্ধানার্থ কতিপয় অনুচরকে প্রেরণ করিলেন। পরে যথানিয়মে লোক নির্দিষ্ট করতঃ তৎক্ষণাত দুর্গের আরক্ষ বিধান করিতে লাগিলেন। তাহা করিতে করিতে দুর্গের প্রান্তভাগে উপনীত হইয়া দেখেন একটী ক্ষুদ্র কুঠরীর দ্বার নৃতন প্রস্তর দ্বারা গ্রাহিত এবং চতুর্দিকস্থ সকল গবাক্ষ সেইরূপে বদ্ধ হইয়া আছে। ছাদের উপর উঠিয়া দেখেন, কেবল তন্মধ্যভাগে একটি ছিদ্র মাত্র আছে, আর সর্বদিক সর্বপ্রকারে বদ্ধ, অন্য কি, বায়ু গমনাগমনেরও পথ নাই। তখন স্মরণ হইল, মোগল কহিয়াছিল সেনানীর জীবৎসমাধি হইয়াছে। অতএব তাহাই বুঝি এই হইবে, ইহা বিবেচনা করিয়া মহারাষ্ট্রপতি সেই কুঠরীর দ্বার উন্মুক্ত করণের অনুমতি করিলেন। দ্বারের গ্রাহিত প্রস্তর কতিপয় স্থানান্তরিত হইলে সেই অন্ততমসাবৃত কুঠরী মধ্যে আলোক প্রবেশ করাতে একটা মৃতকল্প-মনুষ্য-দেহ দৃষ্ট হইল। তখন সকলেই ব্যগ্র হইয়া দ্বার উমোচন করিতে লাগিলেন। শিবজী স্বয়ং ঐ পরিশ্রমে বিমুখ হইলেন না। পরে গৃহান্তরালে প্রবেশ করিয়া যেরূপ দর্শন করিলেন তাহা বণনীয় নহে—ঐ স্থান সাক্ষাৎ-প্রেতভূমি। গৃহমধ্যে স্থালী স্থালী পূর্ণ শোণিত সংহত হইয়া তিমির বর্ণ হইয়া রহিয়াছে, দীর্ঘ দীর্ঘ অস্থিসহ মাংসখণ্ড সকল চতুর্দিকে বিস্তৃত রহিয়াছে, এবং মধ্যভাগে সেই মহারাষ্ট্র সেনানীর শীর্ণ এবং পাংশু বর্ণ শরীর নিষ্পন্দ হইয়া রহিয়াছে। এই ভয়ঙ্কর ব্যাপার দর্শন হইবামাত্র মহারাষ্ট্রপতি ব্যস্ত হইয়া বহির্ভাগে প্রত্যাগমন করিলেন। পরে তৎকর্তৃক আদিষ্ট হইয়া কতিপয় ব্যক্তি ঐ মৃতকল্প শরীর বহির্দেশে আনয়ন করিল। বহির্ভাগের পবিত্র বায়ু স্পর্শে সেনানীর মুখে পুনর্বার রক্ত সঞ্চার হইতেছে দেখিয়া শিবজী কহিলেন, “এখনও জীবন আছে, শীঘ্ৰ শীতল জল আনিয়া উহার মুখে সেচন করা” কেহ বারদ্বয় ঐরূপ করিলে ঐ হতভাগ্য হঠাত

করদ্বারা মুখ আবরণ করিয়া কম্পিত শরীর পুনঃ পুনঃ কহিতে লাগিল, “আমি প্রাণ গেলেও উহা পান করিব না!—আমি প্রাণ গেলেও উহা পান করিব না!” সকলে চমৎকৃত হইয়া শিবজীর প্রতি দৃষ্টি করিলে তিনি কহিলেন, “অনুমান হয়, দুরাত্মা মুসলমান কর্তৃক এই অন্ধকৃপ মধ্যে নিরুদ্ধ হইয়া জল প্রার্থনা করিলে উহাকে পানার্থ রক্ত প্রদান করিয়াছিল; এখনও প্রকৃত চৈতন্য হয় নাই, অতএব তাহাই পান করিবে না কহিতেছে” পরে কহিলেন, “বোধ হয়, পাপিষ্ঠেরা ইহাকে গোরক্ত এবং গোমাংস দিয়া থাকিবে, বুঝি তাহাই ঐ গৃহমধ্যে দর্শন করিলামা হায়! ভারত-ভূমি আর কত দিন এই পাপাত্মাদিগের ভার বহন করিবে?” তিনি এইরূপ কহিতেছেন এমত সময়ে সেনানী একবার চক্ষুরুণ্মীলন করিলেন। কিন্তু শিবজীর প্রতি দৃষ্টি হইবামাত্র চীৎকার শব্দ করিয়া পুনর্বার অচেতন হইলেন। মহারাষ্ট্রপতি স্বয়ং তাঁহার মুখে জলসেক করিতে লাগিলেন, এবং ঝটিতি কিছু খাদ্য সামগ্ৰী আনয়ন করিতে কহিলেন। সেনানী ক্ষণকাল মধ্যে পুনর্বার সচেতন হইয়া চক্ষুরুণ্মীলন পূর্বক শিবজীর মুখাবলোকন করিয়া কহিলেন “মহারাজ! তবে কি আমি সমুদয় স্বপ্ন দেখিয়াছিলাম? তবে কি আমি আপনকার বিশ্বাস-ঘাতী নহি?—আমি কি মুসলমানদিগকে দুর্গমধ্যে আনয়ন করি নাই?—আমি কি আপনকার মৃত্যু ইচ্ছা করি নাই?—না, না, সে সকল স্বপ্ন নহো আমি প্রহরীকে নিষ্কেপ করিলে সে যে উৎকট আর্তস্বর করিয়াছিল তাহা এক্ষণেও আমার কর্ণকুহর মধ্যে অবস্থিত রহিয়াছে—আর আমি যাহা যাহা দেখিয়াছি এবং শ্রবণ করিয়াছি তাহাও মিথ্যা হইবার নহো”

শিবজী নিজ সেনানীর প্রতি সন্নেহ দৃষ্টি করিয়া কহিলেন, “তুমি এই ক্ষণে আর সেই সকল কিছু মনে করিও না, এই কিঞ্চিৎ ভক্ষ্য গ্রহণ এবং জল পান কর, পরে যাহা যাহা হইয়াছে সবিস্তার শ্রবণ করিব। সেনানী কহিল “মহারাজ! আর আমাকে আহার করিতে বলিবেন না, এক্ষণে যাহা বলি সকলে মনোযোগ পূর্বক শ্রবণ করুনা” এই বলিয়া সেনানী উঠিয়া বসিলেন, এবং প্রথমতঃ যে প্রকারে বাদসাহী সৈন্যে মিলিত হইয়াছিলেন, এবং শিবজীকে বিনাশ করিবার যেৱৰপ প্রতিজ্ঞা করিয়াছিলেন, আর যেমন করিয়া মোগলদিগকে দুর্গে আনয়ন করিয়াছিলেন সমুদয়

ব্যক্তি করিয়া পরে কহিতে লাগিলেন—“মহারাজ! দুর্গ অধিকার হইবার পর আপনার মুত্য নিশ্চয় হইলে আমি মনে মনে স্থির করিয়াছিলাম যে, অবশিষ্ট জীবিত কাল তীর্থে তীর্থে পর্যটন করিয়া নিজকৃত পাপের প্রায়শিত্ত করিব। এই ভাবিয়া দুরাত্মা মুসলমান সৈন্যপতির স্থানে বিদায় প্রার্থনা করিলাম, কিন্তু সে আমার প্রতি কি জন্য রঞ্চ হইয়াছিল বলিতে পারি না, বিদায় প্রদানে সম্মত না হইয়া বিশ্বাস-হঙ্গা বলিয়া আমায় বিঙ্গির তিরঙ্কার করিল, পরে কহিল, “তুই মুসলমান হইয়া বাদসাহের সৈনিক কার্যে প্রবৃত্ত হা” তাহার ভৎসনায় আমারও অত্যন্ত ক্রোধ হইল। না হইবে কেন? যে ব্যক্তি যে অপরাধে বাস্তবিক অপরাধী হয়, কেহ তাহার সেই দোষটি কহিলেই ক্রোধাপ্তি প্রজ্বলিত হইয়া উঠে। আমারও সেইরূপ হইল, এবং আমি মুসলমান ধর্মের অনেক নিন্দা করিলাম। সৈন্যপতি তখন কতিপয় অনুচরের প্রতি ইঙ্গিত করিলে, অনুমান হয়, তাহারা পূর্বেই শিক্ষিত হইয়াছিল, অতএব আমাকে প্রহার করিতে লাগিল। আমি সেই প্রহারেই বিচেতন হইয়াছিলাম। পরে চৈতন্য প্রাপ্ত হইয়া বোধ হইল যেন যমালয়ে আসিয়াছি। চতুর্দিক্ অন্ধকার-সমুদ্রায় নিঃশব্দ, অনুমান হয় এইরূপে বহুকাল গত হইলে পিপাসার্ত হইয়া জল চাহিয়াছিলাম। জল! জল! এই শব্দ বার বার উচ্চারণ করিলে পর, মহারাজ! দেখিলাম যে আপনকার আরাধ্য ভবনী দেবী ঘোর-বেশা ডাকিনী কতিপয় সমভিব্যাহারে আসিয়া কহিতেছেন, “রে নরাধম! তুই আমার বরপুত্র শিবজীর অপকারে প্রবৃত্ত হইয়াছিস— তুই নিজ জন্মভূমির প্রতিও স্নেহ বিবর্জিত হইয়া তাহা বিধর্মি শক্তির হস্তগত করিল—জানিস্ত না, গর্ভধারিণী মাতা, আর পয়স্ত্বিনী গো এবং সর্ব দ্রব্য প্রসবা জন্মভূমি—এই তিনই সমান। যে জন্মভূমির অপকার করিতে পারে, সে গোবধ এবং মাতৃহত্যাও করিতে পারে। অতএব তোর পক্ষে এই দেশের সমুদ্রায় জল গোরত্ন এবং সকল ভক্ষ্য বস্ত্র গোমাংস হইয়াছে—এই লইয়া আহার কর—” মহারাজ! ডাকিনীগণ তৎক্ষণাত্ আমার সমক্ষে গোরত্ন এবং গোমাংস প্রদান করিল— মহারাজ! পৃথিবীতে আমার আর ভক্ষ্যও নাই পানীয়ও নাই।”

সেনানী এইরূপ কহিতে কহিতে পুনর্বার প্রায় চৈতন্য শূন্য হইলেন, এবং শ্রোতৃগণ একেবারে চিত্রপুত্রলিকার ন্যায় স্তুতি হইয়া রহিল। কিয়ৎক্ষণ কাহারও মুখে বাক্য নিঃসরণ হইল না। এমত সময়ে একজন মহারাষ্ট্র সমীপস্থ হইয়া নিবেদন করিল, মহারাজ! ভগবান রামদাস স্বামী দুর্গে উপস্থিত হইয়াছেন, সংবাদ প্রদানার্থ আমাকে অগ্রে প্রেরণ করিলেন।” পরক্ষণেই দৃষ্ট হইল শীর্ণ অথচ সরল শরীর, প্রশঙ্খ ললাট, সহাস্য মুখ, বিভূতি-ভূষণ এবং আরও বহির্বাস পরিধান ও ত্রিশুল-হস্ত সাক্ষাৎ মূর্তিমান সন্ন্যাস-স্বরূপ পুরুষবর তাঁহাদিগের অভিমুখে আগমন করিতেছেন। মহারাষ্ট্রপতি নিজ দীক্ষাগুরুর দর্শন লাভমাত্র একাকী কিয়দূর অগ্রসর হইয়া তাঁহার চরণ বন্দন করিলে, গুরু আশীর্বাদ সহকারে কহিলেন, “বৎস তোমার মঙ্গল হউক! আমি যে যে কর্মের ভার লইয়াছিলাম সমুদায় সুসিদ্ধ হইয়াছে। যে শিষ্য প্রতিনিধি হইয়া ফকীর বেশে শক্ত সৈন্যে গিয়াছিল, সে এই মাত্র আসিয়া কহিল তথায় দুর্গ বিজয়ের কোন সংবাদ যায় নাই, আর তোমার সকল সেনাপতিই স্ব স্ব দুর্গ হইতে সেনা সংগ্রহ করিয়া আসিতেছে। এক্ষণে যাহা কর্তব্য হয়, কর—আমি তোমার স্বস্থান প্রাপ্তি দর্শন করিলাম, তুষ্ট হইয়া আশ্রমে গমন করিব।” শিবজী উত্তর করিলেন, “গুরো! আপনি প্রসন্ন আছেন আমার অমঙ্গল সন্তানবনা কোথায়? কিন্তু প্রথমতঃ যে রাত্রি মোগলেরা এই দুর্গ অধিকার করে এবং আমি বহু কষ্টে পলাইয়া আপনকার আশ্রমে উপস্থিত হই, তখন বোধ হইয়াছিল সম্মুখে সংগ্রামে শক্ত সৈন্য পরাভব না করিলে দুর্গ অধিকার করিবার উপায়ান্তর নাই। সেই ভাবিয়াই আপনার শিষ্যগণকে তৎক্ষণাত্ম দুর্গে দুর্গে প্রেরণ করিয়া সৈন্য সংগ্রহের উপায় করিব। পরন্তু, যাহা কর্তৃক আমার কৌশল সমুদায় ব্যর্থ হইবার শক্তা ছিল, বিধর্মি শুক্র তাহারই প্রতি অত্যাচার করিয়া আমার কার্য সাধন অতিশয় সহজ করিয়াছে। কিন্তু তাহারা ঐ ব্যক্তির প্রতি যেরূপ দৌরাত্ম করিয়াছে, তজ্জন্য এক প্রকার কার্যসূচি হইলেও, যুদ্ধে প্রবৃত্ত হইতে ইচ্ছা হইতেছে।” এই বলিয়া মহারাষ্ট্রপতি সেনানীর প্রমুখাত্মক যাহা যাহা শ্রবণ করিয়াছিলেন অবিকল আদ্যোপান্ত বর্ণন করিলেন। রামদাস স্বামী ক্ষণমাত্র চিন্তা করিয়া উচৈঃস্বরে কহিলেন—“আগামী যুদ্ধে অবশ্য বিজয় লাভ হইবে!” পরে শিবজীকে বলিলেন, “তোমার ঐ সেনানীকে অদ্য রাত্রি আমার সমীপে আসিতে

কহিও, আজি আর আশ্রমে গমন করিব না;—এক্ষণে যুদ্ধের ঘাহা ঘাহা আবশ্যিক
তদ্বিধানে মনোযোগ করা”

পঞ্চম অধ্যায়া

সেই রাত্রে অন্যন বিংশতি সহস্র মহারাষ্ট্র সেনা বাদসাহী সৈন্য শিবিরাভিমুখে গমন করিতেছিল। সর্বাগ্রে এক দল ধানুক গমন করিল। তাহাদিগের গতি ব্যাপ্তবৎ এবং কর্মও ব্যাপ্তবৎ। তাহারা কোন উচ্চ শিলা বা বৃক্ষের অন্তরাল হইতে সম্মুখভাগ সমুদায় উত্তমরূপে নিরীক্ষণ করে এবং শক্তি নিযুক্ত প্রহরী দৃষ্ট হইলে তৎক্ষণাত্ অব্যর্থসন্ধান বাণ নিক্ষেপ করিয়া তাহাদিগের প্রাণ হরণ করো এই সকল ব্যক্তি রাত্রি-যুদ্ধে কুশল। শিবজীর শিক্ষায় ইহারা পুনঃ পুনঃ নিশাযুদ্ধ অভ্যাস করিয়া অন্ধকারেও অপূর্ব দৃষ্টি-সম্পন্ন হইয়াছিল। ইহাদের পশ্চাতে বহুসংখ্যক “হিংকরী” সেনা গমন করিল। তাহাদিগের প্রধান অস্ত্র বন্দুক, কিন্তু কটিবন্ধে এক এক খানি অসি দোদুল্যমান হইতেছিল। ইংলণ্ডীয়দিগের এবং তৎশিক্ষিত অস্মদ্দেশীয় শিপাহিগণের বন্দুকে যেরূপ সঙ্গিন থাকে, শিবজীর সেনার সেরূপ ছিল না—তাহারা যুদ্ধকালে স্ব স্ব কৃপাণ দ্বারাই সঙ্গিনের কার্য নির্বাহিত করিত। ঐ “হিংকরী” সেনার অনতিদূর পশ্চাতে মহারাষ্ট্রপতির বিশিষ্ট সমাদৃত অসি-চর্মধারী ‘মাওলী’ সৈন্যদল গমন করিল। তাহারা সকলেই অতি বলিষ্ঠ এবং বিক্রমশালী। তাহাদিগের খঙ্গ সাধারণ খঙ্গ অপেক্ষা দীর্ঘ ছিল। এই জন্য অসিযুদ্ধে ইহারা প্রায় কখনই কাহা কর্তৃক পরাভূত হইত না। পর্বতীয় দুর্গম স্থান গমনেও ইহারা অত্যন্ত পটু ছিল। যে উন্নত গিরিশিখের অজ এবং সরীসৃপ ব্যতিরেকে অন্য ভূচর জন্তুর গমন অসাধ্য, বোধ হয়, শিবজীর মাওলীগণ সেই সকল স্থানও লজ্জন করিতে পারিত। মহারাষ্ট্রপতি স্বয়ং এই সকল সৈন্য লইয়া পাদচারে যুদ্ধ করিতেন। ইহাদিগের পশ্চাতে ‘বর্গী’ নামক অশ্বারোহী সেনা গমন করিল। ইহাদিগের প্রধান অস্ত্র সুদীর্ঘ শেল। কিন্তু কাহার কাহার স্থানে একটি একটি বন্দুকও ছিল, এবং সকলেরই কটিবন্ধে করবাল দোদুল্যমান হইতেছিল। এই সকল সৈন্যের বহুদূর পশ্চাতে ‘শিলিদার’ নামক অশ্বারোহী দল দৃষ্ট হইল। তাহারা ইহাদের সকলের ন্যায় সুশিক্ষিত বা সুব্যবস্থিত নহো তাহাদিগের বেশভূষা অস্ত্র শস্ত্র বিবিধ প্রকার। তাহারা

পার্যমাণে কখনও সম্মুখ সংগ্রামে প্রবৃত্ত হইত না, কিন্তু যুদ্ধাবসানে প্রেরিত হইলে
পলায়ন-পর শক্তির অনেক অপচয় করিতে পারিত।

‘শিলিদার’ ভিন্ন আর সকল সৈন্যের বেশ প্রায় একবিধি ছিল। সকলেরই মন্তকে
উষ্ণীষ এবং সকলেরই সেই উষ্ণীষের এক এক ফের চিবুক নিম্নভাগ দিয়া উদ্ধৃত
সকলেরই অঙ্গ এক একটি অঙ্গরক্ষিণী দ্বারা আবৃত, সকলেই কঠিবন্ধ বিশিষ্ট, এবং
সকলেরই পায় পা-জামা পরিধান। এতদ্ব্যতিরিক্ত অনেকেরই কর্ণে এক এক প্রকার
কণ্ঠভূষণ এবং হস্তে বলয় ছিল। সাধারণ সৈন্যের এইরূপ বেশভূষা
সেনানায়কগণের পরিধেয় বিবিধ প্রকারা পরস্ত তাঁহারা অনেকেই নিজ নিজ
পরিচ্ছদের উপরিভাগে লোহজাল বিনির্মিত এক প্রকার অনতি গুরুত্বার সন্মান ধারণ
করিতেছিলেন।

সৈন্যগণ এইরূপে গমন করিয়া সূর্যোদয় সময়ে যে স্থলে উপস্থিত হইল,
তাহারই নিম্নে বাদসাহী সৈন্য-শিবির সন্নিবেশিত ছিল। তত্ত্ব তাম্বু সকলের বিচ্ছিন্ন
বর্ণ, এবং সোনালী কলস সকলের প্রভা, সেই পর্বততলী হইতে অতি দীর্ঘস্থাবে
প্রকাশমান হইতেছিল। কিন্তু মুসলমান সৈন্যপতি শক্ত এমত নিকট আসিয়াছে ইহার
কিছুই জানিতেন না। বিশেষতঃ তৎপ্রদেশীয় দুর্গাধিকার হওয়াতে তিনি সেই দিক্
হইতে এইরূপে হঠাতে আক্রান্ত হইবার কোন শক্ষাই করেন নাই। অতএব যখন কোন
মোগল প্রহরী পর্বতের উপরি ভাগে মহারাষ্ট্ৰীয়দিগের শাণিত অস্ত্রে সূর্য রশ্মি
প্রতিফলিত হইতেছে দেখিয়া ব্যগ্র হইয়া তাঁহাকে সংবাদ প্রদান করিল, তিনি
প্রথমতঃ বিশ্বাসই করিলেন না। পরে অনেকেই ঐ রূপ দেখিয়া গোলযোগ আরম্ভ
করিলে তিনি স্বয়ং বাহির হইয়া দর্শন করিলেন। তখন সম্পূর্ণ সূর্যোদয় হইয়াছে,
বিশেষতঃ পর্বতের উপরিভাগ কোন স্থান অপ্রকাশ নাই। অতএব সৈন্যপতি স্পষ্ট
দেখিতে পাইলেন, মহারাষ্ট্ৰ সেনায় পর্বতের শিরোদেশ সম্পূর্ণ আচ্ছন্ন করিয়া
রহিয়াছে। বিশেষতঃ তিনি দেখিলেন দুই প্রজুলিত আগ্নেয় শরীর সেই শক্ত সৈন্যের
উর্ধ্বভাগে দণ্ডায়মান হইয়া আছে। মুসলমানেরা দেবশরীর তেজোময় বলিয়া জানো।
অতএব মোগল সৈন্যপতির বিলক্ষণ প্রতীতি হইল, দেবতাদ্বয়ই বুঝি শক্তির অনুকূল

পক্ষ হইয়া আসিয়াছেন। পরে দেখিলেন ঐ দুয়ের মধ্যে একজন একটি সুদীর্ঘ খঙ্গ গ্রহণ করিয়া অপরের হস্তে প্রদান করিলেন এবং পরক্ষণেই সমুদায় শত্রুসেন্য হইতে গগন-স্পর্শী গভীর জয় ধ্বনি আসিয়া তাঁহার কর্ণকুহর ভেদ করিল। তখন তিনি নিজ সৈন্যের প্রতি নিতান্ত দৈবাঘাত বুঝিলেন। অতএব এই তাঁহার পরম সাহস বলিতে হয় যে, একবারও পলায়ন করিবার মনন করেন নাই। তিনি শীত্র “সাজ! সাজ” শব্দসহকারে যথাস্থানে সৈন্য বিনিবেশ করিতে লাগিলেন। মোগল সৈন্য দলে দলে আসিয়া রণস্থল আচ্ছন্ন করিতে লাগিল। কিন্তু যেমন পর্বতের উপরিভাগে ঘোরতর বৃষ্টি হইবার পর প্রভৃত জলরাশি ভয়ঙ্কর বেগে নিপতিত হয় এবং সম্মুখস্থ গিরিশৃঙ্গ ও বিস্তীর্ণ শাখাপল্লবিশিষ্ট তরুদ্বয় সকলকে উন্মূলিত করিয়া যায়, বেগবান্মহারাষ্ট্র সৈন্য সেইরূপে মুসলমানদিগকে আক্রমণ করিল এবং শত্রুদল তাহাদিগের সমক্ষে সেইরূপে পরাভৃত হইতে লাগিল। যদি কোন শত্রুসেনাপতি বিশিষ্ট সাহস করিয়া কোন কোন সৈন্য দলকে রণস্থলে সুস্থির করিবার চেষ্টা করেন, তখনই কোথাও যা শিবজী স্বয়ং পাদচারে, আর কোথাও বা অশ্বারূঢ় এক অপূর্ব মুন্তি দীর্ঘকায় পুরুষ, শীত্র উপনীত হইয়া নিমেষ মধ্যে বিপক্ষ পক্ষকে পরাভৃত করেন সেই অশ্বারোহীর প্রজ্ঞলিত দীর্ঘ খঙ্গ দর্শন মাত্রেই শত্রুগণ ভয়ে পলায়ন করে, অথবা বিনা যুদ্ধে নিহত হয়। এইরূপে শিবির সম্মুখস্থিত মোগল যোদ্ধা সকল ভগ্ন হইলে মহারাষ্ট্ৰীয়েরা শত্রুর তাম্র মধ্যে প্রবেশোদ্যম করিল।

কিন্তু সেই খানে মোগল সৈন্যপতি স্বয়ং দৃঢ়-প্রহরী উত্তম উত্তম সামন্ত পরিবৃত হইয়া রহিয়াছিলেন। মহারাষ্ট্ৰীয়েরা বেগে তন্ত্রিকটবর্তী হইবামাত্র, যেমন জুলন্ত হৃতাশন খরধার বৃষ্টি পাতে স্তমিত-তেজঃ হয়, তেমনি সেই সুশিক্ষিত প্রতিপক্ষ ভট্ট সকলের প্রযুক্তগুলি প্রহারে তাহারা খৰ্ব বেগ হইল, এবং পলায়নপর মোগলেরাও ঐ অবকাশে পুনৰ্বার দলবদ্ধ হইয়া যুদ্ধে স্থির হইতে লাগিল। মুসলমানেরা বহুকালাবধি হিন্দু জাতিকে রণে পরাভব করিয়া আসিতেছিল, অতএব অবজ্ঞেয় শত্রু কর্তৃক পরাভৃত হওয়া বিশিষ্ট ঘৃণাকর বোধ করিতা শত্রুকে অবজ্ঞা

করিয়া তৎপ্রতিবিধান চেষ্টা না করা অত্যন্ত দোষ। কিন্তু রণস্থলে শক্রর পতি তাচ্ছিল্যভাব থাকিলে প্রায়ই জয়লাভ হয়। এই স্থানেও সেইরূপ হইবার উপক্রম হইল। শিবজী সঙ্কট দেখিয়া স্বয়ং সংগ্রামসমুখে উপস্থিত হইলেন, তথাপি কিছুই করিতে পারিলেন না। হস্তিপৃষ্ঠারুচি মোগলসৈন্যপতি কর্তৃক মর্দিত হইয়া তাঁহার মাওলী দলও ক্রমে ক্রমে পশ্চাদ্বর্তী হইতে লাগিল। এইরূপে তুমুল সংগ্রাম হইতেছে, হঠাতে দৃষ্ট হইল, অশ্বারুচি পুরুষ বিপক্ষ সৈন্যপতির প্রতি বেগে ধাবমান হইতেছেন, এবং তাঁহার অপসব্য হস্তে সেই তীক্ষ্ণধার খড়গ অনল শিখার ন্যায় প্রজ্বলিত হইতেছে। মুসলমান সৈন্যপতি সর্বাগ্রেই তাঁহাকে দর্শন করেন। দর্শন করিয়া অবধি যেমন কোন বিষধর জন্ম বিশেষের প্রতি দৃষ্টিপাত হইলে শরীর নিশ্চল হয়, তদ্দেশন নিবারণার্থেও পলায়ন করিবার শক্তি থাকে না, তিনিও সেইরূপ হইয়া এক দৃষ্টে তৎপ্রতি নিরীক্ষণ করিতেছিলেন। যখন ঐ পুরুষবর অশ্ববেগে সামন্ত সমুদায় ভেদ করিয়া তাঁহার সমীপস্থ হইলেন, পর্যাণ-রেকাবের উপর ভর দিয়া দাঁড়াইলেন, এবং পরাক্রান্ত ভুজবলে খড়গ প্রয়োগ করিলেন, তখনও সেনাপতি পলায়ন বা সেই প্রহার নিবারণের যত্ন কিছুই করিতে পারিলেন না। সুতরাং একেবারে ছিনশীর্ষ হইয়া ভূতলে পড়িলেন।

মোগল সেনাগণ এই আশ্চর্য ব্যাপার দর্শন করিল, একেবারে নিরুৎসাহ হইল, এবং পলায়ন করিতে লাগিল। সেনাপতির বিনাশে সর্বদেশীয় সৈন্যই যুদ্ধে নিরুৎসাহ হয় বটে, কিন্তু এতদেশীয় সৈন্যগণ যেরূপ তৎক্ষণাতে পলায়ন করে এরূপ অন্যত্র অধিক শ্রুত হওয়া যায় না। ইহার কারণ এই যে, এখানকার রাজারা একাধিপত্য-শক্তি সম্পন্ন বলিয়া আপনাদিগের শক্তির যথেচ্ছ ব্যবহার করেন। তাঁহাদিগের সন্দি বিগ্রহ প্রভৃতি কোন রাজকার্যে প্রজাদিগের কোন মতামত থাকে না। সুতরাং যিনি রাজা হউন না কেন, আমাদিগের সেই দশাই থাকিবে বুঝিয়া, সেনাগণ রাজার অথবা রাজ-প্রতিভূ সৈন্যপতির বিনাশ হইলেই রণস্থল ত্যাগ করিয়া যায়। মুসলমানেরা হিন্দুদিগের প্রতি বিশিষ্ট দ্বেষ-ভাব-সম্পন্ন ছিল। তথাপি সৈন্যপতির বিনাশে চতুর্দিকে প্রস্থান করিতে লাগিল।

শিবজীর অনুমত্যনুসারে পদাতি সমন্ত শক্র-শিবির প্রবিষ্ট হইয়া তত্ত্ব বিপুল অর্থ এবং দ্রব্যজাত লুঠ করিতে লাগিল আর অশ্বারোহিগণ পলায়নপর শক্রও পশ্চাত্ পশ্চাত্ ধাবমান হইল। পরে মহারাষ্ট্রপতি আপনিও কতক সামন্ত সমভিব্যাহারে যাইবার উপক্রম করিতেছেন, এমত সময়ে তাঁহার গুরুদেব ভগবান রামদাস স্বামী সমীপস্থ হইয়া কহিলেন, “বৎস! অত্যন্ত শ্রান্ত হইয়াছ—জয় সম্পূর্ণই হইয়াছে—আর স্বয়ং যাইবার প্রয়োজন নাই, এই বৃক্ষমূলে উপবেশন করিয়া ক্ষণকাল বিশ্রাম করা” শিবজী তাহাই করিয়া কহিলেন—“গুরো! আপনকার আশীর্বাদে বিজয় লাভ সম্পূর্ণই হইল—কিন্তু অদ্য সেনানী কর্তৃক অত্যন্ত উপকৃত হইয়াছি—সে না থাকিলে আজি ঘোর বিপদ ঘটিত—সে অদ্য অতিমানুষ কর্ম করিয়াছে” গুরু উত্তর করিলেন, “আমি পর্বতশৃঙ্গ হইতে তাহাকে ভবানী প্রদত্ত খঙ্গ প্রদান করিয়া অবধি তাহারই প্রতি একদৃষ্টে চাহিয়াছিলাম, তৎকৃত সমুদায় কর্ম দেখিয়াছি। মহারাজ! দেবতারা যাহার প্রতি অনুগ্রহ করেন, তাহার কার্যসাধনের উপায়ও অগ্রে করিয়া রাখেন। ঐ দেখ দেখি যে আসিতেছে উহার শরীরে কি তাদৃশ বল সন্তুষ্ট হয়?” শিবজী রামদাস স্বামীর অঙ্গুলি নির্দেশনুসারে দৃষ্টি করতঃ তৎক্ষণাত্ গাত্রোথান করিয়া সেই মোগল সৈন্যপতির বধকারী অশ্বারোহীর সমীপস্থ হইলেন; এবং তিনি বেগে গমন করিয়া তাহাকে ধারণ করিলেন বলিয়াই সে ভূমিপৃষ্ঠে নিপতিত হইল না! এক্ষণে আর সেই ধীরমূর্তি নাই। অঙ্গেও নানা স্থানে অস্ত্রাঘাত হওয়াতে অজস্র শোণিত প্রস্তুত হইতেছিল। শিবজী তাহাকে অশ্পৃষ্ট হইতে আপন ক্রোড়ে লইলেন, এবং মুমৰ্শু কালে মুখ যেরূপ শ্রীহীন হয়, তাহার মুখ সেইরূপ দেখিয়া ক্রন্দন করিতে লাগিলেন। কিন্তু মৃত্যুকালেও সেই যুদ্ধবীর হস্তের খঙ্গ পরিত্যাগ করেন নাই। শিবজী ঐ অসি লইবার জন্য যত্ন করিলে, তিনি চক্ষুরূপনীলন করিয়া তাঁহার প্রতি দৃষ্টি করিলেন—মুখ দ্বিতীয় হাস্য প্রভাযুক্ত হইল—এবং পরক্ষণেই সমুদায় শরীর একেবারে নিষ্পন্দ হইল। রামদাস স্বামী কহিলেন “মহারাজ! ব্যর্থ ক্রন্দন সম্বরণ কর—সেনানী তাঁহার জীবন ঝণ পরিশোধ করিলেন।”

এই ব্যাপার হইতে হইতেই অনেক মহারাষ্ট্র সেনা সেই স্থলে প্রত্যাগত হইয়াছিল। সেনানীর মৃত্যু দর্শনে কাহারও চক্ষু নিরশ্র ছিল না, এবং সকলেই তাঁহাকে ধন্যবাদ করিয়া আপনাদিগের অন্তকালও যেন সেইরূপ হয়, মনে মনে এই বলিয়া প্রার্থনা করিয়াছিল। রামদাস স্বামী কিঞ্চিদ্বিলম্বে মৃত সেনানীর খড়গ উত্তোলন করিয়া কহিলেন—“মহারাজ! এই খড়গ ভবানী প্রদত্ত। অতএব ইহারও নাম ভবানী হইল। ইহা আপনি গ্রহণ করুন—অদ্য ইনি যে প্রকারে শক্তি নিধন করিলেন, চিরকাল সেরূপ করিবেন এই বলিয়া গুরুদেব সেই খড়গ মহারাষ্ট্রপতিকে প্রদান করিলেন। তিনি ভক্তিপূর্বক গ্রহণ করিয়া মস্তকে ধারণ করিলেন। সেই অবধি ঐ খড়গের মৃত্যি মহারাষ্ট্রদিগের খবরে চিত্রিত হইল, এবং অদ্যপি সেতারা প্রদেশীয় ভূপাল বংশীয়েরা প্রতি বৎসর মহাসমারোহ করিয়া ঐ খড়গের পূজা করেন। ক্ষণকাল পরে রামদাস স্বামী গাত্রোখান করিয়া কহিলেন, “মহারাজ! তুমি স্বচ্ছন্দে স্বধর্মে রাজ্যপালন করিতে থাক, আমি এক্ষণে বিদায় হই, বৈষয়িক কার্যের কেমন মাহাত্ম্য, জিতেন্দ্রিয় ব্যক্তির মনকেও ক্রমে ক্রমে আপনার বিধেয় করিয়া ফেলে— অতএব আমি আর বিলম্ব করিব না। সম্প্রতি আশ্রমে চলিলাম কিন্তু ইচ্ছা হইতেছে, শীঘ্রই তীর্থপর্যটনে নির্গত হইবা মহারাজ! দুঃখিত হইও না—যাহার যাহা কর্তব্য তাহার তৎসাধনে নিযুক্ত হওয়াই উচিত। কিন্তু আমার কেমন বিশ্বাস হইতেছে, স্থানান্তরে তোমার সহিত পুনর্বার সাক্ষাৎ হইবো” এই বলিয়া তিনি নিজ আশ্রমাভিমুখে যাত্রা করিলেন।

ইহার পর শিবজী আপন সৈন্যগণকে সম্বোধন করিয়া কহিলেন, “তোমরা অদ্যকার যুদ্ধে যেরূপ বল বিক্রম প্রকাশ করিয়াছ, যাবজ্জীবন এইরূপ করিলে ভগবানের অনুগ্রহে অবশ্য কৃতকার্য হইতে পারিবো। আজি তোমাদিগের প্রতি অত্যন্ত তুষ্ট হইয়াছি, তোমরা প্রথম বারেই সম্মুখসংগ্রামে প্রবল মোগল সৈন্যের পরাভব করিলে, অতএব তোমাদিগকে কিঞ্চিৎ কিঞ্চিৎ পারিতোষিক প্রদান করিব। সৈন্য সাধারণকে একটি একটি রৌপ্য বলয় এবং সেনা-নায়ক সকলকে একটি একটি সুবর্ণালঙ্কার প্রদান করিবার অনুমতি করিলাম।” মহারাষ্ট্র সেনাগণ শিবজীর স্থানে প্রায়

কদাপি অর্থ পুরস্কার প্রাপ্ত হইত না। তাঁহার নিয়মানুসারে তৎকর্তৃক লুণ্ঠিত দ্রব্যাদিও
রাজকোষ সম্মুক্ত হইত। অতএব এই যৎসামান্য পুরস্কার প্রদান করিবেন শ্রবণ
করিয়াও তাহারা পরম পরিতোষ প্রাপ্ত হইল। বস্তুতঃ যাহারা সর্ব বিষয়েই
ভৃত্যবর্গকে অর্থ পুরস্কার প্রদান করেন, তাঁহারা ঐ রীতির সমুদায় দোষ অনুভব
করেন না। একবার অর্থ পুরস্কার প্রাপ্তি হইলে আর অন্য কোন পুরস্কার মনঃপূত হয়
না। বরং ক্রমশঃ প্রশংসনীয় কার্যের প্রতি অনুরাগহৃষ্ট হইয়া অর্থের প্রতির লোভ
জন্মে।

ষষ্ঠ অধ্যায়া

শিবজী জীবদ্দশায় আছেন এবং হঠাৎ আক্রমণ করিয়া মুসলমান সৈন্যপতিকে পরাজয় করিয়াছেন, এই সংবাদ অনতিবিলম্বেই রাজা জয়সিংহের কর্ণগোচর হইল। তিনি তৎশ্রবণমাত্র নিজ পরাক্রান্ত রাজপুত সৈন্য সমভিব্যাহারে মহারাষ্ট্র রাজ্যে প্রবিষ্ট হইলেন। তাঁহার সৈন্য শিবজীর অপেক্ষা অনেকগুণে অধিক ছিল, এবং আপনিও পর্বতীয় যুদ্ধে বিলক্ষণ পটু ছিলেন। দিল্লীশ্বর যেখানে যেখানে অত্যন্ত বিপদে পড়িতেন, সেই সকল স্থানেই রাজা জয়সিংহের সাহায্য গ্রহণ করিতেন; বিশেষতঃ হিন্দু রাজাদিগের সহিত বিবাদকালে রাজা জয়সিংহই আরঞ্জেবের ব্রহ্মক্ষেত্র পক্ষেও দুষ্টর বোধ হইবে আশ্চর্য কি? অনেকেই অনুমান করিয়াছিলেন, বুঝি তিনি এইবার মগ্ন হইলেন।

কিন্তু মহাভা-জনের মানসাকাশ কখনও দুর্ভাবনা কর্তৃক এমন আচ্ছন্ন হয় না যে, আশারূপ নির্মল নক্ষত্র-জ্যোতিঃ তাঁহাদিগের নির্ণীত পথ প্রদর্শন না করো। শিবজী সেই বিষম সঙ্কটে পড়িয়াও এমন একটি অসমসাহসিক কর্ম করিলেন, যাহা সাধারণ ব্যক্তির পক্ষে কেবল অসাধ্য মাত্র নহে, তাহাদিগের বুদ্ধিরও অগম্য। সেই কর্ম তিনি যে কি সাহসে বা কি বিবেচনায় করিলেন, তাহা অন্যের বুঝিবার নয়। তদ্বারা তাঁহার অনেক প্রয়োজন সিদ্ধ হইয়াছিল, অতএব তাঁহার পরামর্শ কেবল ফলানুমেয় এবং তাঁহার সাহস সকল লোকের চমৎকার-জনক হইয়া রহিয়াছে।

এক দিবস রাজা জয়সিংহ স্বীয় শিবিরে উপবিষ্ট আছেন, হঠাৎ মহারাষ্ট্রপতি একাকী এবং নিরন্ত্র তৎসমক্ষে উপনীত হইয়া আত্মপরিচয় প্রদান করিলেন। জয়পুরপতি তৎক্ষণাত্মে তটস্থ হইয়া কিছুকাল ইতিকর্তব্যতা নির্দ্ধারণ করিতে পারিলেন না। কিন্তু বীরপুরষেরা উপযুক্ত প্রতিপক্ষেরও গুণ গ্রহণে সক্ষম। জয়সিংহ শিবজীর সহিত যুদ্ধ করিয়া বিলক্ষণ বুঝিয়া ছিলেন যে, তাঁহার আপনার সৈন্যসংখ্যা

অতিরিক্ত না হইলে তিনি স্বয়ং অকিঞ্চিত্কর হইতেন। অতএব শিবজীর প্রতি তাহার বিশিষ্ট শুদ্ধা হইয়াছিল। তিনি মহারাষ্ট্রপতিকে নিজ সমীপস্থ দেখিয়া প্রথমতঃ চমৎকৃত হইলেন, কিন্তু পরক্ষণেই বিশিষ্ট সমাদর সহকারে ভাতৃ সম্মোধন এবং আলঙ্গন প্রদান পূর্বক স্বপার্শ্বে আসন পরিগ্রহ করাইলেন। মহারাষ্ট্রপতি মৌনী হইয়া বসিলেন। রাজা জয়সিংহ ভাবে বুঝিতে পারিয়া পারিষদদিগকে ইঙ্গিত করিবামাত্র তাহারা স্থানান্তর হইল। শিবজী কহিতে লাগিলেন—

“মহারাজ! আমাকে এমত সময়ে দেখিয়া আপনি অবশ্য বিস্মিত হইয়াছেন। হইবেনই তা আমি যে দুরাশার বশীভূত হইয়া আসিয়াছি, তাহা স্মরণ করিলে আপনিই বিস্ময়াবিষ্ট হই। কিন্তু মহারাজ! মন যাহা বলে তাহা কখন নিতান্ত মিথ্যা হয় না। কিছু কাল হইল আমার অন্তঃকরণে কেমন সুদৃঢ় প্রতীতি হইয়াছে যে, আপনার সহিত সাক্ষাৎ করিয়া উভয়ে উভয়ের তাৎপর্য অবগত হইলেই এই দুর্বল সমরাণি নির্বাণ হইবে, এবং আমরা যেমন উভয়ে এক ধর্মবলশী, এক জাতি এবং (বোধ করি আপনি জানেন) এক গোত্রোন্তব, তেমনই আশা করি, উভয়ে একপরামর্শী এবং এককর্মা হইব। মহারাজ! আমাদিগের একত্র মিলন হইলে উভয়ের মঙ্গল। যাহাতে জাতীয় ধর্ম রক্ষা হয়, দেশের মুখ উজ্জ্বল হয়, এবং অন্য সর্বজাতির নিকট হিন্দু নামটি অবজ্ঞাস্পদ না হয়, এমত কর্ম কি কর্তব্য নহে? দেখুন দেখি, দিল্লীশ্বর কেমন মন্ত্রণা করিয়া আমাদিগের অনৈক্যকেই আমাদের অনর্থের মূল করিতেছেন। যদি আপনার স্থানে আমি পরাভূত হই, অথবা আপনি আমা কর্তৃক ত্রুষ্ট তেজা হয়েন, উভয়ই আরঞ্জেবের মঙ্গলাবহা স্মরণ করুন, তিনি এই উপায়দ্বারা ক্রমে ক্রমে কোন্ হিন্দু মহীপালকে স্বপদাবনত না করিলেন? শুনিয়াছি, উত্তরে হিমাচল, দক্ষিণে সমুদ্র, পশ্চিমে সিঙ্গু এবং পূর্বে ব্রহ্মরাজ্য এই চতুঃসীমার মধ্যবর্তী বিস্তীর্ণ ভারতভূমি তাঁহার কবলিত হইয়াছে। কোথাও একটি স্বাধীন হিন্দু রাজা নাই কেবল রাজপুতানায় আপনারা এবং দক্ষিণে আমি অদ্যাপি হিন্দুধর্ম এবং হিন্দু নাম রক্ষা করিতেছি। আরঞ্জেব কেবল আমাদিগকেই কিঞ্চিত্ব ভয় করেন, বুঝি তাহাও আর অধিক কাল করিতে হইবে না। ফলতঃ মহারাজ! আমি আর পরম্পর ঘুঁকে

স্বজাতির বিনাশ অবলোকন করিতে পারি না। আপনার যেরূপ কর্তব্য বোধ হয়, অনুমতি করুন।

“মহারাজ! বাদসাহ কখন আপনার অগোরব করেন নাই সত্য, কারণ তিনি আপনাকে ভয় করেন। কিন্তু যদি আপনি আজি লোকান্তরগত হয়েন, তবে কালি আপনার পরিবারেরা বুঝিবেন বাদসাহ আপনকার কেমন সুহৃদ্দ। মহারাজ! পূর্ব পূর্ব মুসলমান বাদসাহেরা হিন্দু রাজাদিগের স্থানে নির্দিষ্ট নিয়মানুসারে কর প্রাপ্ত হইলেই সন্তুষ্ট হইতেন। ইনি ক্রমে ক্রমে হিন্দু রাজা মাত্রের তেজোহ্রাস করিতেছেন, ইহার মানস সম্পূর্ণ সফল হইলে একটিও হিন্দু ধর্মাবলম্বী রাজা থাকিবে না। আমি জানি কেহ কেহ আরঞ্জেবকে জিতেন্দ্রিয় এবং বুদ্ধিমান্ বলিয়া প্রশংসা করেন। কিন্তু বাস্তবিক তিনি জাল্মস্বভাব হইলে আমার এমত ভয় হইত না। নৃশংস নির্বোধ রাজারা যে সকল অত্যাচার করেন, তজ্জনিত দুঃখ স্বল্পকাল ব্যাপী হয়, কিন্তু ক্রূর-মতি নৃপালগণের যে বিষ-বৃক্ষ রূপ মন্ত্রণা তাহার ফলাফলদনে সন্তানসন্ততি সমুদায় খর্ব-বীর্য হইয়া যায়। আমি জানি, অনেকেরই মনে এক্ষণে এমত প্রতীতি হইয়াছে যে, যেমন ব্রাহ্মণ ক্ষত্রিয় প্রভৃতি জগদীশ্বর-নির্দিষ্ট জাতি প্রণালী হইয়া আসিতেছে, মুসলমানও সেইরূপ বাদসাহের জাতি। মুসলমান বই আর কেহ দিল্লীর সিংহাসন অধিকার করিতে পারে না। এইরূপ বোধ থাকাতেই এত হিন্দু রাজা অত্যন্ত পরাক্রমশালী হইয়াও দিল্লীর অধীনতা স্বীকার করেন। তাহা করুন,—রাজ-শক্তি যে ব্যক্তিতে কেন অর্পিত হউক না, তিনি হিন্দু হউন বা মুসলমান হউন, বা অন্য যে কোন জাতীয় হউন, সুশীল বিচক্ষণ এবং অপক্ষপাতী হইলেই প্রজাগণ সুখস্বচ্ছন্দে কালযাপন করিতে পারে এবং কৃতী হইয়া জন্মভূমির মুখ উজ্জ্বল করো আকবরসাহ মুসলমান জাতীয় ছিলেন। তথাপি কি হিন্দু কি মুসলমান সকল প্রজার প্রতিই পক্ষপাত শূন্য হইয়া ব্যবহার করিতেন বলিয়া কত কত হিন্দু রাজারা তাঁহার সময়ে রাজকার্যে বুদ্ধি নিয়োজন করিয়া সুশাসন-বিধি সমস্ত নির্দ্বারণ করিয়া দিয়াছেন। এই দেশে সুবোধ লোকের কিছুমাত্র অসন্তোষ নাই। আরঞ্জেব এত চেষ্টা করিয়াও সকল নিঃশেষ করিতে পারেন নাই। এখনও আপনারা কয়েকজন সুমহৎস্তবৎ তাঁহার

রাজ্যভার বহন করিতেছেন। কিন্তু পরবর্তী বাদসাহেরা যদি ইহার দৃষ্টান্তানুযায়ী হইয়া চলেন, তবে স্বল্পকাল মধ্যেই সুর্ণমণি-মানিক্যাদি-প্রসবা ভারতভূমি আর উৎকৃষ্ট নবরত্ন প্রসবে সমর্থা হইবেন না। মহারাজ! আমার এই প্রার্থনা যেন এমন দিন কখনও উপস্থিত না হয় যে, কোন বাদসাহ হিন্দু জাতির মধ্যে সক্ষম ব্যক্তি নাই বলিয়া অবজ্ঞা করেন। মহারাজ! যাহারা আপনারাই এই জাতিকে নিষ্ঠেজ করিয়া পরে ক্ষীণবীর্য বলিয়া অবজ্ঞা করেন, তাঁহাদের কি সাধারণ দৃষ্টতা! মহারাজ! অধুনা ভারতরাজ্যের যে অপেক্ষাকৃত নিরূপদ্রব্যবস্থা দৃষ্ট হইতেছে, সে বিকারাপন্ন রোগীর দৌর্বল্যাধীন নিষ্পন্দ হওয়ার ন্যায়—তাহা সুষুপ্তি সুখানুভব নহো”

রাজা জয়সিংহ মহারাষ্ট্রপতির আগমনেই আপনার প্রতি তাঁহার তাদৃশ বিশ্বাস দর্শন করিয়া তুষ্ট হইয়াছিলেন, আবার এই সকল সরল তথ্য-ভাষা শ্ববণ করিয়া উন্মীলিতজ্ঞান-চক্ষুঃ এবং উন্মুক্ত-প্রণয়-প্রগালী হইলেন। কিন্তু রাজপুত্রদিগের কি বাঙ্নিষ্ঠা! তিনি শিবজীকে ধৃত করিবার প্রতিজ্ঞা করিয়া আসিয়াছেন এক্ষণে তাহার অন্যথা করিতে পারিলেন না। অতএব অনেক বিবেচনা করিয়া উত্তর করিলেন—“মহারাজ! তোমার কথায় আমার জ্ঞানোদয় হইল। তুমি যাহা যাহা বলিলে সকলই সত্য বোধ হইতেছে। কিন্তু প্রথমতঃ আমার একটি কথা জিজ্ঞাস্য আছে তাহার উত্তর করিলে পর আমার যেরূপ পরামর্শ হয় বলিবা” “কি জিজ্ঞাস্য আছে অনুমতি করুনা” “আমি তোমার নিকট যদি এমত প্রতিশ্রুত হই যে, বাদসাহ তোমার কোন অপমান করিলে আমি সেই অপমান আপনার হইল বোধ করিয়া তাহার প্রতিফল প্রদানের চেষ্টা পাইব, তবে তুমি তাঁহার সহিত সাক্ষাৎ করিতে সাহস কর কি না?” শিবজী তৎক্ষণাত উত্তর করিলেন, “তাহা হইলে আমি নিরুদ্বেগে গমন করিয়া বাদসাহের সহিত সাক্ষাৎ করিতে পারি। কারণ তিনি আমার কোন অপমান করিলে আপনি তাঁহার শক্ত হইবেন তাহা হইলেই হিন্দু জাতির অভ্যুদয় কাল পুনরুপস্থিত হইবে, অতএব এমত স্থলে আমি মৃত্যু স্বীকার করিতেও সম্মত আছি।” রাজা জয়সিংহ আশ্চর্যন্য হইয়া কহিলেন,—“এমত সাহস না হইলে কি কেহ সাম্রাজ্য সংস্থাপনে সক্ষম হয়! এমন কার্যপরতন্ত্র না হইলে কি মহৎকার্য সিদ্ধ হয়।

মহারাজ! কোন সন্দেহ নাই, আরঞ্জেব এত নির্বোধ নহেন যে, আমি নির্ভয় করিলে তিনি কাহারও অপমান করিবেন—এক্ষণে আমার যেৱপ পৱামৰ্শ শৰণ কৰুন। আপনি যাহা যাহা বলিলেন কিছুই মিথ্যা নহো এতদেশীয় তাৰলোকেৱত প্ৰতীতি হইয়াছে, তেমুৰলঙ্গবংশীয় ব্যতিৱেকে আৱ কেহ বাদসাহ পদাভিষিক্ত হইতে পাৰে না। আমি সেই জন্যই বিবেচনা কৰি, প্ৰকাশে আৱঞ্জেবেৰ প্ৰতিকূলতাচৰণে কোন বিশেষ ফল হইবাৰ সন্ধাবনা নাই। শুনিয়াছেন ত, মহৰৎ খাঁ নামক জাহাঙ্গীৰ বাদসাহে একজন প্ৰধান সেনাপতি পাঁচ সহস্ৰ রাজপুত্ৰ সেনাৰ সহায়তায় বিংশতি সহস্ৰাধিক মোগল সৈন্যেৰ মধ্য হইতে বাদসাহকে নিজ কৰকৰলিত কৱিয়াছিলেন। কিন্তু তাহা কৱিলে কি হইবে, প্ৰজা সমস্ত তাঁহার প্ৰতি অনুৱাগ-শূন্য হওয়াতে আপনাকেই পুনৰ্বাৰ বাদসাহেৰ শৱণ প্ৰাৰ্থনা এবং পলায়নপৰ হইয়া প্ৰাণ রক্ষা কৱিতে হইয়াছিল। কিন্তু ইহা বলিয়া যে, কোন প্ৰকাৰ চেষ্টা কৱিব না তাহাও বলিতেছি না। বাদসাহেৰ মনে যাহাতে কিঞ্চিৎ ভয় থাকে এমনটি কৱিয়া চলা উচিত! তাহাও, উতৱে আমি আৱ দক্ষিণে তুমি থাকিলেই সম্পূৰ্ণ হইবো অতএব এক্ষণে বাদসাহেৰ নামে আমি তোমার সহিত সন্ধি নিবন্ধন কৱিতেছি। কিন্তু পাছে আৱঞ্জেব সন্দিহানমনা হয়েন, এই জন্য তোমাকে প্ৰথমতঃ কিঞ্চিৎ ক্ষতি স্বীকাৰ কৱিতে হইবো আমার সৈন্যেৰা বাদসাহেৰ নামে যে কয়েকটি দুৰ্গ জয় কৱিয়াছে তাহা সম্পৰ্তি প্ৰত্যৰ্পিত হইবে না। কিন্তু আমার সহিত মিলিত হইয়া তুমিও দিল্লীশ্বৰেৰ প্ৰতিপক্ষ বিজয়পুৱ বাদসাহেৰ প্ৰতিকূলে যুদ্ধ কৱিতে চল। আৱঞ্জেব তাহাতে তুষ্ট হইবেন, এবং সেই সুযোগে তাঁহার সহিত সাক্ষাৎ কৱিয়া তুমিও আপন রাজ্যেৰ সুদৃঢ় সংস্থাপন কৱিতে পাৱিবো”

রাজা জয়সিংহ এই বলিয়া নিঃশব্দ হইলে, শিবজী মনে মনে ‘যথালাভ’ বিবেচনা কৱিয়া তৎক্ষণাৎ সমত হইলেন। মহারাষ্ট্ৰপতি বাস্তবিক সৱলপ্রকৃতি ছিলেন। তিনি সহজে কপট ব্যবহাৰ কৱিতেন না। তিনি অত্যুদার প্ৰকৃতি না হইলে কখন মহারাষ্ট্ৰীয়দিগেৰ অন্তঃকৰণে প্ৰবল স্বদেশহিতৈষিতা উদ্বিগ্ন কৱিতে পাৱিতেন না। কিন্তু তাঁহাকেও মধ্যে মধ্যে কৌটিল্য অবলম্বন কৱিতে হইত। এই

জন্য তাঁহার চরিত্র-লেখক গ্রন্থকার অনেকেই এই মহাঘাকে কুটিল-স্বভাব বলিয়া বর্ণন করিয়া দিয়াছেন। সে যাহাহউক, তিনি এইক্ষণে বিবেচনা করিলেন আমার পক্ষে কি দিল্লীশ্বর, কি বিজয়পুর-বাদসাহ, উভয়ই সমান। একোদ্যমে দুই জনের সহিত যুদ্ধ করিয়া কখনই কৃতকার্য হইতে পারিব না। অতএব কখন বা ইহার কখন বা উহার পক্ষতা অবলম্বন করিয়া ক্রমে ক্রমে নিজ বলবর্দ্ধন করাই সদ্যুক্তি; আর হয় ত, আরঞ্জেব তুষ্ট হইলে পরিগামে রোসিনারা লাভ হইলেও হইতে পারো মহারাষ্ট্রপতি মনোমধ্যে এই সকল অনুধাবন করিয়া নিজ সম্মতি প্রকাশ পূরঃসর কিঞ্চিৎ বিলম্বে কহিলেন, “মহারাজ! আপনি যেমন অনুমতি করিবেন আমি সেই রূপই করিব। কিন্তু আমার সৈন্যগণ বাদসাহের কার্যে নিযুক্ত হইলে বাদসাহ নিজকোষ হইতে তাহাদিগের ভূতি প্রদান না করিয়া তৎকর্তৃক বিজিতভূমির নির্দিষ্ট করের চৌৎ অর্থাৎ চতুর্থাংশ প্রদানের অনুমতি করিলেই সংপরামর্শ হয়। কারণ তাহা হইলে তাঁহাকে আপন ধনাগার হইতেও কিছু দিতে হইবে না, আর সৈন্যগণও বিশিষ্ট যত্ন করিয়া অধিক ভূমি জয় করিবো” রাজা জয়সিংহ এই কথার ভাব সম্পূর্ণ বুঝিতে পারিলেন কি না বলা যায় না। ফলতঃ শিবজী এবং তাঁহার উত্তরাধিকারী মহারাষ্ট্ৰীয় রাজারা ঐ চৌৎ আদায়ের নামেই ক্রমে ক্রমে প্রায় সমুদায় ভারত-ভূমির উপর আপনাদিগের কর্তৃত্ব প্রচার করিয়াছিলেন। যাহাহউক, জয়পুরপতি তখনই স্বীকার করিয়া এই সকল নিয়মানুযায়ী সন্ধিপত্র লিখাইলেন, এবং বাদসাহের সম্মতির নিমিত্ত তাহার অনুলিপি প্রেরণ করিয়া অচিরাতি শিবজী সমভিব্যাহারে সৈন্য বিজয়পুর প্রদেশাভিমুখে যাত্রা করিলেন।

সপ্তম অধ্যায়া

“দিল্লীশ্বরো বা জগদীশ্বরো বা” এই কথাটি দ্বারা বাদসাহের পার্থিব বিভবের মাত্র আতিশয় দেখিয়া জগদীশ্বরের সহিত তাঁহার উপমা দেওয়াতে অত্যন্ত অত্যন্তি প্রকাশ হয় বলিয়া ইহা অবশ্য দৃষ্য বটে কিন্তু যে সকল প্রয়োগ তৈমুরলঙ্ঘবংশীয় বাদসাহদিগের সময়ে দিল্লীনগরের এবং তত্ত্ব রাজসভার শোভা নয়ন গোচর করিয়াছিলেন, তাঁহারা সকলেই মুক্তকঠে কহিয়াছেন যে, তখন পৃথিবীতে আর কোথাও তাদৃশ ঐশ্বর্য দর্শন করেন নাই। প্রাচীন রাজধানী শোভা-বিহীন হইয়াছিল বলিয়া আরঞ্জেবের পিতা সাজাহান সমুদায় নগরটি নৃতন নির্মাণ করিয়া দিয়াছিলেন। সাজাহানাবাদ অর্থাৎ নবদিল্লীর রাজবর্ত্তী সকল কেমন প্রশংসন্ত হইয়াছিল!—তন্মধ্যে এবং উভয় দিকে, কেমন পরিপাটিরূপ বিন্যস্ত পাদপগণ নগরটিকে শোভাময় এবং সুখ-প্রদ করিয়াছিল! এক্ষণে দিল্লীর সেই শোভা নাই। তথাপি ইংলণ্ডীয় সম্রাটদিগের রাজধানী কলিকাতা নগরী তাহার নিকট অনেক বিষয়ে লজ্জা পায়েন। নগরের প্রাসাদগুলিও কি সুন্দর! বিশেষতঃ শ্বেত মার্বেলে নির্মিত মসীদটির শোভার প্রশংসা সকলেই করিয়া থাকেন। রাজবাটী দুর্লভ্য-প্রাকার-বৈষ্টিত—এবং বহুমূল্য মার্বেল প্রস্তরে অতি পরিপাটিরূপে নির্মিত। মুসলমানেরা যে হৰ্ম্যশিল্প বিদ্যায় অত্যন্ত পারদর্শী হইয়াছিল তাহার এই প্রমাণ যে, তাহাদিগের নির্মিত অট্টালিকা সকলের খোদকতা কার্যের আধিক্য, তথাপি দ্রষ্টব্যের মনে অঙ্গুতরসের বই অন্য রসের উদয় হয় না। কোন সুবিজ্ঞ প্রয়োগ কহিয়াছেন যে, মুসলমানদিগের নির্মাণ সকলে জগতের ন্যায় সূক্ষ্মকারূতা এবং অসুরের ন্যায় অতিমানুষত্ব প্রতীয়মান করে। বিশেষতঃ ঐ সাজাহান ভূপাল কর্তৃক নির্মিত আগ্রা নগরস্থিত জগদ্বিখ্যাত তাজমহল অট্টালিকা ঐরূপ নির্মাণ কীর্তির অসাধারণ দৃষ্টান্ত স্থল। যেমন নিশাকালীন আকাশমণ্ডল ক্ষুদ্র ক্ষুদ্র তারকস্বক খচিত হইয়া মানবগণের অন্তঃকরণে বিপুল আনন্দের আবির্ভাব করে, তাজমহলও সেইরূপ অপূর্ব সূক্ষ্ম কারুকার্য দ্বারা

দর্শকমাত্রের মনে অঙ্গুত রসের উদয় করো আর ঐ সাজাহান নির্মিত ‘ময়ূরতন্ত্র’ নামক সিংহাসনের শোভাই বা কি বলিব! সেই রাজাসন দুইটি দিব্য-গঠন ধাতু নির্মিত ময়ূরের পৃষ্ঠে সংস্থাপিতা ঐ ময়ূরদ্঵য়ের পুচ্ছদ্বয় সিংহাসনের পশ্চান্তাগে বিস্তীর্ণ হইয়া থাকিত। নৃত্যকারী ময়ূরের পক্ষ ও পুচ্ছে যে সকল বিচিত্র বর্ণ দৃষ্ট হয়, ঐ পুচ্ছও নানাবিধি মণি মাণিক্যাদি দ্বারা সেই সমুদায় বর্ণই সুপ্রকাশিত ছিল।

যে সাজাহান এই মনোহর নবদিল্লী, এবং ইহার দিব্যগঠন প্রাসাদ সকল ও মহামূল্য পরম শোভাময় রাজাসন নির্মাণ করিয়াছিলেন, তিনি এক্ষণে কোথায়? যেমন অন্যান্য সংসারাশ্রমী জনেরা যৌবন সময়ে স্ব স্ব বিভবের ভোগ ও বৃদ্ধি করিয়া চরমে তৎসমুদায় সন্তানদিগকে প্রদান করিয়া যায়েন, তিনিও কি সেইরপে আত্মজ আরঞ্জেবকে সমস্ত রাজ্যের ঈশ্বর করিয়া লৌকিকী লীলা সম্বরণ করিয়াছেন?—না; তাঁহার দুরবস্থার উপমাস্তুল নাই। তিনি স্বীয় আত্মজ আরঞ্জেব কর্তৃকই জীবন্মৃত্যু প্রাপ্ত হইয়াছিলেন। আহা! সাজাহানের দুরবস্থা স্মরণ করিলে কাহার মনে পুত্র হউক বলিয়া আর স্পৃহা হয়? অথবা, কোন্ দরিদ্র ব্যক্তি নিজ পিতৃভক্তিপ্রায়ণ সন্তানগণের মুখ্যাবলোকন করিয়া স্বয়ং ঐশ্বর্যশালী নহেন বলিয়া আপনাকে ধন্যজ্ঞান না করেন? অহো! বিভব কি ভয়ানক বস্ত্র প্রভুত্বশক্তি লোকের এতাদৃশ প্রাথনীয় যে, তজ্জন্য মনুষ্যদিগের মন হইতে আশৈশব-প্রতিপালনকারী পিতার প্রতিও শ্রদ্ধা এবং গ্রীতি অপনীত হইয়া যায়! বৃদ্ধ বাদসাহ সাজাহান, দুষ্ট পুত্র আরঞ্জেব কর্তৃক অপহত-সর্বস্ব হইয়া কারাবাসীর ন্যায় অবরোধ নিরুদ্ধ হইয়াছিলেন।

তিনি যে তথায় কি পর্যন্ত ক্লেশ অনুভব করতঃ কালযাপন করিতে লাগিলেন তাহা বলা বাহুল্য। যিনি সমুদায় ভারতভূমির একাধিপতি হইয়া কোটি কোটি মনুষ্যের ধন প্রাণের হৃতা কর্তা ছিলেন, তিনি কি কেবল গ্রাসাচ্ছাদন মাত্র প্রাপ্ত হইয়া পরিতুষ্ট থাকিতে পারেন? বিশেষতঃ সাজাহানের যে এই দুঃখ কালেও কখন হ্রাস হইবে, তাহারও সন্তানবনা ছিল না, কালে দরিদ্র যন্ত্রণা সহ্য হইয়া যায়, বন্ধু-বিচ্ছেদ ক্লেশও অল্প হইয়া আইসে, অন্য কি, মাতাও ক্রমশঃ অপত্য-বিরহ-বিবাদ বিস্মিতা

হইয়া থাকেনা কিন্তু যে দুর্বিষহ শোক সন্তাপ অন্তঃকরণকে স্নেহ-বর্জিত করে, যাহাতে একজনের দোষে স্বজনমাত্রের প্রতি শ্রদ্ধা হ্রাস হয়, সেই দুঃখ দাবাগ্রি নির্বাণে কালও কুঠিত-শক্তি হইয়া থাকে। ঐ অনল, নীরস জীবন বৃক্ষকে একেবারে দন্ধ করিয়া নিঃশেষ হয়, অথবা স্নেহরস বর্ষণে সক্ষম ব্যক্তি বিশেষ দ্বারা কিঞ্চিৎ সান্ত্বনা প্রাপ্ত হইলেই কিছু মন্দ-তেজ হইতে পারে।

রোসিনারা নিজ পিতার ক্রোধ-ভাজন হইয়া তাঁহার নিকটে অবস্থান প্রাপ্ত হইলে, সাজাহানের ঐরূপ সহচরী লাভ হইল। আরঞ্জেব-পুত্রী উত্তম-প্রকৃতি ছিলেন। কিন্তু সম্পদের কেমন দোষ! রোসিনারা অতুল ঐশ্বর্যের ঈশ্বর পিতার প্রিয়তমা হইয়া প্রথমাবস্থায় আমোদ প্রমোদেই কালাতিপাত করিয়াছিলেন। তখন দুঃখ যে কি পদার্থ ইহা জানিতেন না বলিয়াই পিতামহের দুঃখে সমদুঃখতা প্রকাশ করিতে পারেন নাই। উদার-চরিত্র শিবজীর সহবাসে তাঁহার মনের সেই ভাবটি দূর হইয়াছিল। শিবজী বাক্য দ্বারা কখন রোসিনারাকে হিতাহিত বিবেচনার শিক্ষা দেন নাই বটে, কিন্তু স্বয়ং একাগ্রমনে কর্তব্যানুষ্ঠান করিতেন বলিয়াই তৎপ্রতি প্রণয়-বদ্ধা বাদসাহপুত্রী তাদৃশ জ্ঞানলাভে সমর্থা হইয়াছিলেন। কার্য দ্বারায় যে উপদেশ হয়, তজ্জনিত সংস্কারের প্রায় অন্যথাভাব হয় না। অতএব, পরমেশ্বর মনুষ্য জীবন কেবল হাসিয়া খেলিয়া আমোদ প্রমোদে কাটাইবার জন্য সৃষ্টি করেন নাই, এই ভাব রোসিনারার অন্তঃকরণে সেই মহাপুরুষের সাহচর্যে দৃঢ়রূপে সংলগ্ন হইয়াছিল। তিনি বুঝিয়াছিলেন যে, জগতে এমত পদার্থও আছে যাহার জন্য জীবন এবং জীবনের সমুদায় সুখ পরিত্যাজ্য হইতে পারে।

শিবজীর সাহচর্যে রোসিনারার মানসিক ভাব সকল পরিবর্তিত হওয়াতে তিনি নানা ইন্দ্রিয়-সুখ-নিধান অন্তঃপুরের অন্যান্যভাগে বাস অপেক্ষা তাহারই একদেশে পিতামহ সন্নিধানে অন্য-সঙ্গ-বর্জিত হইয়া কালযাপন করিতে প্রীতিপূর্বক অভিলাষিণী হইয়াছিলেন। প্রথমতঃ সাজাহান তাঁহাকে আরঞ্জেবের কন্যা বলিয়া কিঞ্চিৎ ঘৃণা করিয়াছিলেন। কিন্তু রোসিনারা আপনার বিনীত ব্যবহার, শীলতা ও মধুরালাপ দ্বারা তাঁহার দুঃখ শৈথিল্যের যত্ন করিয়া পিতামহকে পরম পরিতুষ্ট

করিলেন। সাজাহান নিজ অধিপত্য সময়ে অনেক সুখ সন্তোগ করিয়াছিলেন বটে, কিন্তু রোসিনারার প্রতি মেহ সঞ্চার হইলে তাঁহার অন্তরাভ্যা যেমন পরিত্তপ্ত হইয়াছিল, তেমন আর কিছুতেই হয় নাই। রোসিনারাও পিতামহ সন্ধিশেষে মনের কথা সমুদায় ব্যক্ত করিয়া দৃঢ়খ্যের লাঘব করিতে লাগিলেন। সকলেই দেখিয়াছেন, পিতা অপেক্ষাও পিতামহের সহিত শিশুদিগের কেমন অধিক প্রণয় হয়! সাজাহান নানা কার্যাসক্ত থাকাতে সেই প্রণয়-সুখ পূর্বে ভোগ করিতে পারেন নাই।

এক্ষণে নাতিনীকে সহচারিণী ও সমদৃঢ়ভাগিনী পাইয়া তাঁহার মনে যে কি অপূর্বভাব উদয় হইল, তাহা বর্ণনাতীত।

ইহারা উভয়ে নানা কথা প্রসঙ্গে কাল হৱণ করিতে লাগিলেন। তন্মধ্যে শিবজী সম্বন্ধীয় বিবরণই রোসিনারার অধিক মনোগত হইত বলিয়া বৃদ্ধ বাদসাহ তৎকালে শিবজীর সহিত আরঞ্জেবের সেনাপতিদিগের যে সকল ঘটনা ঘটিতেছিল, যত্নপূর্বক সমুদায়গুলি অনুসন্ধান করিয়া অবগত হইতেন, এবং রোসিনারাকে শ্রবণ করাইতেন। রোসিনারা, যখন শিবজী মুসলমান সৈন্যপতিকে সম্পূর্ণ পরাজয় করিয়াছেন শ্রবণ করিলেন, তখন আর পিতার সহিত সঙ্গি হওয়া ভাব হইল বিবেচনা করিয়া অত্যন্ত দৃঢ়খিতা হইলেন। কিন্তু মহারাষ্ট্রপতি রোসিনারার নিমিত্ত আপনার প্রাণদান করিতেও প্রস্তুত আছেন, কিন্তু তিনি তাঁহাকে পাইবার লোভেও আপনার কর্তব্য কর্ম সাধনে কদাপি পরামুখ নহেন, ইহা জানিয়া বাদসাহপুত্রী নিতান্ত অসন্তুষ্ট হইতে পারিলেন না। পরে যখন শুনিলেন যে, শিবজী রাজা জয়সিংহের সহিত যুদ্ধে দিন দিন ক্ষীণবল হইতেছেন, তখন নিতান্ত শক্ষাযুক্ত হইতে লাগিলেন। পরস্ত তিনি যে দিন পিতামহ প্রমুখাংশ শ্রবণ করিলেন যে, শিবজী আরঞ্জেবের সহিত সঙ্গিবন্ধন করিয়া রাজা জয়সিংহের সহায়তায় বিজয়পূরের প্রতিকূলে যাত্রা করিয়াছেন, তখন তাঁহার শ্রিয়মাণ আশালতা পুনরুজ্জীবিতা হইতে লাগিল। অনন্তর যেদিন রোসিনারার কর্ণগোচর হইল যে, মহারাষ্ট্রপতির সাহায্যে কৃতকার্য বাদসাহ তাঁহাকে অভয় প্রদান করিয়া নিজসভায় আসিবার নিমন্ত্রণ করিয়াছেন, তখন তাঁহার আর আনন্দের পরিসীমা রহিল না। কিন্তু পিতার অত্যন্ত কূর স্বভাবতা ভাবিয়া

মনোমধ্যে কিঞ্চিৎ শঙ্খাও উপস্থিত হইতে লাগিল। তিনি মধ্যে মধ্যে ভাবিতেন “যদি পিতা আমাকে সেই ব্যক্তিকে অর্পণ করিবার মনন করিতেন, তবে এতাবৎ আমার প্রতি অক্রোধ না হইলেন কেন? আমি তাঁহারই গুণানুবাদ করিয়াছিলাম বই তার ত কোন অপরাধ করি নাই”

সাজাহান, যে দিন শিবজী বাদসাহের সম্ভাষণার্থ আসিতেছেন, সেই দিন রোসিনারাকে এই সংবাদ প্রদান পূর্বক কৌতুক করিয়া কহিলেন, “মহারাষ্ট্রপতি আসিতেছেন—কিন্তু তুমি এমনটি মনে করিও না যে তিনি আসিলেই বৃদ্ধ তোমাকে ছাড়িয়া দিবেনা” রোসিনারা এই কথা শুনিয়া ঈষৎ হাস্য করিলেন, কিন্তু সেই হাস্যপ্রভা আন্তরিক দুঃখান্তকারই প্রকাশ করিল, তাহা সম্পূর্ণ সন্তোষ জ্ঞাপক হইল না। পরে বাদসাহপুত্রী কহিলেন “বৃদ্ধ আমাকে স্বয়ং ত্যাগ না করিলে আমি তাঁহাকে ত্যাগ করিব না। কিন্তু মহাশয়! আমার মন সম্পূর্ণ সুস্থ নহে—আমি পদে পদে বিপদ শঙ্খা করিতেছি” বৃদ্ধ বাদসাহ এই কথা শ্রবণে বিস্ময় এবং ঈষৎ ক্রোধযুক্ত হইয়া কহিতে লাগিলেনা—“বিপদ্শঙ্খা কি?—আরঞ্জেব স্বয়ং পত্রদ্বারা সেই ব্যক্তিকে আহত করিয়াছে—সে কি আপনার কথা মিথ্যা করিবে?—দিল্লীর বাদসাহ হইয়া প্রতিশ্রূতি পালনে পরামর্শ হইলে কি সেই আসনের আর গৌরব থাকে?” এই বলিয়া রোসিনারার প্রতি দৃষ্টি করিলে তাঁহাকে অধোবদন দেখিয়া বৃদ্ধ আপনার প্রকৃত অবস্থা স্মরণ করিলেন।—“হায়! আমার আসনের অগৌরব হইবে বলিয়া আমি আরঞ্জেবের প্রতিজ্ঞায় বিশ্বাস করিতেছি; কিন্তু যে ব্যক্তি পুত্র হইয়া পিতার অপমান করিতে পারে সে কি না করিতে পারে?—আমি এমন অল্পবুদ্ধি না হইলেই বা কেন রাজ্যচুত্যত হইব—অধিক বিশ্বাসই আমার কাল হইয়াছে—পূর্বে পূর্বে অনেকেই আমাকে কহিয়াছিল পুত্রদিগকে এত বিশ্বাস করিবেন না—আমি কহিতাম যদি আপনার পুত্রদিগকে বিশ্বাস না করিব, তবে কাহাকে করিব? আর পুত্রের প্রতিও অবিশ্বাস করিয়া যদি রাজ্য করিতে হয়, তবে এমন রাজ্য সম্পত্তিতেই বা কাজ কি?—হায় রে! জ্যেষ্ঠ পুত্র পরম বিশ্বাস-ভাজন দারাসীকো! তোমারই সচরিত্রতা দেখিয়া আমি সকলের প্রতি সমান বিশ্বাস করিয়াছিলাম—তুমি সরল-হৃদয়

হইয়াছিলে বলিয়া পাপ-পূর্ণা পৃথিবীতে স্থান পাইলে না!—আমি আর কতকাল এই দুঃসহ দুঃখ সহ্য করিব? রে কঠিন প্রাণ! তোমার কি আরো দুঃখ ভোগ করিতে অভিলাষ আছে? বাহির হও! যন্ত্রণা হইতে মুক্ত হই।” বৃদ্ধ বাদসাহ জ্যেষ্ঠ পুত্র দারার মৃত্যু স্মরণ করিয়া একেবারে বিচেতন প্রায় হইলেন। বৈষয়িক ভোগের প্রতি নিষ্পত্তি এবং বৃদ্ধাবস্থায় স্মৃতিশক্তির হ্রাস বশতঃ তিনি আর আর সকল দুঃখ ক্রমে ক্রমে বিস্মৃত হইতে ছিলেন, কিন্তু আরঞ্জের কর্তৃক প্রিয়তম পুত্র দারা নিহত হইয়াছিল, এই মর্মান্তিক বেদনা তাঁহার মনে চিরকাল সমানরূপে জাজ্জল্যমান ছিল। রোসিনারা ঐ সকল সময়ে পিতামহের সাস্ত্রনার জন্য অন্য কোন উপায় না করিয়া তৎসমক্ষে দারার স্বরচিত কাব্য পাঠ করিতেন। তিনি জানিয়াছিলেন, যেমন অগ্নিদন্তের অগ্নিতাপই স্বাস্থ্যকর, তেমনি সুহৃৎ-বিরহ-যাতনা সেই সুহৃদ্বিষয়ীনী কথাতেই শান্ত হয়;—অন্য কথা সেই সময়ে বিষতুল্য বোধ হইতে থাকে। রোসিনারা এই বারেও সেইরূপ করিলেন। দারার বিরচিত কাব্যপাঠ একতান মনে শ্রবণ করিতে করিতে সাজাহানের নেত্রযুগল হইতে অজস্র অশ্রুধারা বিগলিত হইতে লাগিল। বৃদ্ধ বহুক্ষণ পরে কহিলেন, “আহা! এমন পুত্রও মরে—আহা! সে মরিয়াও কবিতামৃত দানে আমার তাপিত মনকে জুড়াইতেছে—হায়! যে ব্যক্তি আমার এই সকল দুঃখের মূল তাহার কোন সুখেরই অভাব নাই—আমি এমন কি পাপ করিয়াছিলাম যে, আমার ওরসে এই রাক্ষস জন্ম গ্রহণ করিল?—বুঝিলাম—বুঝিলাম—যে পিতাকে অবজ্ঞা করে তাহাকে আপন পুত্র হইতে অবশ্য অপমান-গ্রস্ত হইতে হয়।” বোধ হয়, সাজাহান যৌবনাবস্থায় নিজ জনক জাহাঙ্গীরের বিরুদ্ধে যুদ্ধ করিয়াছিলেন, তাহাই স্মরণ করিয়া ক্ষণকাল নীরব হইলেন—পরে আপনা আপনি কহিতে লাগিলেন—“আমি আপনার কর্মের ভোগই ভুগিতেছি—তবে আরঞ্জেবেও নিষ্পাপ?—আমার পিতাও স্বীয় জনকের প্রতিকূলাচরণ করিয়াছিলেন—তবে আমি কি জন্য অপরাধী হইলাম?—কপালের লিখন?—না! না! তাহা হইলে অসৎকর্ম করিয়াছি বলিয়া কি জন্য অনুত্তাপাপি অন্তর্দাহ করিবে?”

সাজাহান স্বীয় আত্মজের কৃতঘন্তায় অসাধারণ দুরবস্থা-গ্রন্ত হইয়া যথার্থ জ্ঞানলাভের পথবর্তী হইয়াছিলেন। তাঁহার এই বোধের উপক্রম হইতেছিল যে, পরমেশ্বর পৃথক্রূপে সুকৃতির পুরস্কার এবং দুষ্কৃতির দণ্ড বিধান করিয়া থাকেন। এক জনের পাপ দেখিয়া তাহার অনুকরণ করা মনুষ্যের পক্ষে বিধেয় নহে। দুষ্টের প্রতিও দুষ্ট ব্যবহার করিলে দোষ হয়। যাহা হউক তাঁহার মন এমন না হইলে তিনি কি সেই দশায় জীবিত থাকিতে পারিতেন? বৃদ্ধ বাদসাহ ক্ষণকাল চিন্তামগ্ন থাকিয়া পরে রোসিনারাকে সম্মোধন করিয়া কহিলেন, “আর পূর্ব-বৃত্তান্ত স্মরণ করিয়া অনর্থক কষ্ট পাইবার আবশ্যকতা নাই, তুমি বুদ্ধিমতী যাহা পরামর্শ সিদ্ধ হয় তাহাই কর। আমার বুদ্ধির অনেক হ্রাস হইয়াছে—বোধ করি আর বহু দিন দুঃখ ভোগ করিতে হইবে না—অনুমান করিয়াছিলাম জগতে আর প্রাথনীয় কিছুই নাই—কিন্তু তোমার গুণে বশীভূত হইয়া এক্ষণে এই মাত্র ইচ্ছা হয় যে, তোমাকে সুখভাগিনী দেখিয়া যাই। এই বলিয়া বৃদ্ধ, পৌত্রীর মন্তকে হস্তাপ্রণ করিয়া রোদন করিতে লাগিলেন। রোসিনারাও ক্ষণকাল কোন উত্তর করিতে পারিলেন না। পরে কহিলেন—“পিতা, মহারাষ্ট্র-পতির যেরূপ সমাদর বা অনাদর করেন তাহা দেখিয়াই কর্তব্যা-কর্তব্য বিবেচনা করিতে পারিব।” বৃদ্ধ কহিলেন “তুমি অন্যান্য অন্তঃপুরবাসিনীগণের সমভিব্যাহারে যাইয়া জালরঞ্জের অন্তরাল হইতে স্বচক্ষে সমুদ্যায় দেখিও।”

অষ্টম অধ্যায়া

দিল্লীশ্বরদিগের প্রধান সভাগৃহের নাম আম্খাস্ তাহার তিন দিক অনাবৃত এবং বৃহৎ বৃহৎ স্তুতিদ্বারা পরিশোভিত। ঐ সকল স্তুত এবং ছাদটি সমুদায় সুবর্ণ দ্বারা মণিতা উত্তরাংশে যে প্রাচীর তাহারই পশ্চান্তাগে অন্তঃপুরা যে দিবস শিবজী রাজসন্ধায়ণে আইসেন, রোসিনারা অন্যান্য অন্তঃপুর-বাসিনীদিগের সমভিব্যাহারে আসিয়া সেই প্রাচীরের গবাক্ষবিবর হইতে সমুদায় অবলোকন করিতে লাগিলেন।

তিনি দেখিলেন, একটি অত্যুষ্ণ বেদীর উপরিভাগে আরঞ্জেব ময়ূরতন্ত্রে উপবিষ্ট হইয়াছেন। বাদসাহের পরিচ্ছদ শুভ্রবর্ণ সাটিন বস্ত্রে প্রস্তুত, উষ্ণীয় সুবর্ণময়, তরিম্বে অতি মহামূল্য হীরক কতিপয় দীপ্যমান হইতেছে, এবং তাহার ঠিক মধ্যভাগে একটি মাণিক্য অর্কতুল্য রশ্মি বিকীর্ণ করিতেছে। আরঞ্জেবের মুখাবয়ব অসুন্দর বলা যায় না। তাহার প্রশস্ত ললাট, প্রথর দৃষ্টি, উন্নত নাসিকা, এবং অনারাত্ম গঙ্গস্তুল, দান্ত স্বভাব, কুটিল বুদ্ধি, এবং জিতেন্দ্রিয়তার প্রকাশক হইতেছিল। বেদীর সমীপবর্তী কতকটা ভাগ রজত-রেইল দ্বারা আবৃত। তাহারই অভ্যন্তরে প্রধান প্রধান ওশ্রাহ, রাজা এবং রাজপ্রতিভূগণ সমন্বয়ে স্ব স্ব বক্ষে বাহ বিন্যাস করিয়া নতশির হইয়া দণ্ডয়মান আছেন। ইহাদিগের মন্তকোপরি কিংখাপের চন্দ্রাতপ সুবর্ণ ঝালর সংযোগে শোভা করিতেছে। রেইলের বহির্ভাগে আর যাবৎ স্থান, তাহাতে মনসব্দার প্রভৃতি যোদ্ধু কর্মে নিযুক্ত ব্যক্তিগণ স্ব স্ব পদমর্যাদানুসারে বাঙ্গনিষ্পত্তি বিনা সশস্ত্রে দণ্ডয়মান আছেন। আম্খাসের বহির্দেশে এবং রাজতন্ত্রের ঠিক সম্মুখে একটি বৃহৎ পটমণ্ডপ সংস্থাপিত ছিল। বাহির হইতে সেই তাম্বু উজ্জ্বল লোহিতবর্ণ বোধ হয়, কিন্তু তাহার অন্তরাল এমন সুন্দররূপে চিত্রিত যে, প্রবেশ করিলেই বোধ হয় কোন রমনীয় উদ্যান মধ্যে আসিলাম, চতুর্দিক যেন ফল পুষ্প বৃক্ষে পরিপূর্ণ। এই সভামণ্ডপের ভিতর বাহির সকল স্থানেই শত শত ব্যক্তি নানা কার্যোপলক্ষে আসিয়া স্ব স্ব প্রার্থনাপত্রী হস্তে রাজসন্ধায়ণের কাল প্রতীক্ষা করিতেছেন।

এইরূপে দিল্লীশ্বর স্বকীয় বিভব সমুদায় বিস্তার করিয়া বসিয়া আছেন এমত
সময়ে একজন নকীব্ যথানিয়মে রাজা জয়সিংহের পুত্র রামসিংহের সমভিব্যাহারে
মহারাষ্ট্রদেশাধিপতি শিবজীর আগমন সংবাদ প্রদান করিল। সকলেই শিবজীর নাম
শ্রত ছিলেন, অতএব চক্ষু কর্ণের বিবাদ ভঞ্জনার্থ সকলেই উৎসুক হইলেন,
বিশেষতঃ রোসিনারা নির্গিমেষ চক্ষে অবলোকন করিতে লাগিলেন। কিন্তু শিবজীকে
কিঞ্চিত্ত্বিমৰ্শ বোধ হওয়াতে তাঁহার অন্তঃকরণ সন্দেহাকুল হইতে লাগিল। শিবজী
ক্রমশঃ অগ্রবর্তী হইয়া নকীবের আদেশক্রমে রেইলের বহির্ভাগ হইতে বাদসাহকে
তিনবার অভিবাদন করিলেন। এই করিয়া তিনি যেমন পুনর্বার অগ্রসরগোদ্যম
করিবেন নকীব উচ্চেঃস্বরে কহিল, “আলমগীর বাদসাহের অনুগ্রহে শিবজী পঞ্চ-
হাজারি মনসন্দারের পদে উন্নত হইলেন” মহারাষ্ট্রপতি এই অপমান-সূচক বাক্য
শ্রবণ মাত্র অতিমাত্র ক্ষুঢ় এবং অবশঙ্গ প্রায় হইয়া সম্মুখস্থ রেইল ধারণ করিলেন।
পরে কিঞ্চিৎ প্রকৃতিস্থ হইয়া কহিলেন, “দিল্লীশ্বর! আমি স্বাধীন দেশের রাজা,
আমাকর্তৃক আপনি অল্লকাল হইল উপকৃত হইয়াছেন, বিশেষতঃ আপনকার
প্রতিভূ রাজা জয়সিংহ প্রতিশ্রুত হইয়াছিলেন আমি এখানে সমাদৃত এবং সম্মানিত
হইব, কিন্তু আপনি আমার এই অগৌরব করিয়া সেই কথা মিথ্যা করিলেন।”
আরঞ্জেব উত্তর করিলেন, “তুমি কি জন্য আপনাকে অপমানিত বোধ করিতেছ
বুঝিতে পারিলাম না—তুমি আমার সেনাপতির যুদ্ধে প্রায় পরাজিত হইয়া সন্দি
করিয়াছ—যুদ্ধে জেতার যাহা ইচ্ছা বিজিতের প্রতি তাহাই করিতে পারে—তথাপি
জয়সিংহের সহিত তোমার কি কি কথা হইয়াছিল তাহা আমার বিদিত নাই—
অতএব যাবৎ কাল পত্রদ্বারা তৎসমুদায় বিজ্ঞাত না হওয়া যায়, তাবৎ তুমি এই
নগরে অবস্থান কর, নগরপাল তোমার বাসাবাটী নির্দিষ্ট করিয়া দিবে, এবং রামসিংহ
সর্বদা তত্ত্বাবধান করিবেন—পরে আমি যথাযোগ্য শিরোপা দিয়া বিদায় করিবা।”
আরঞ্জেবের মানস শিবজীকে কবলিত করেন, কিন্তু জয়সিংহ তাঁহাকে অভয়দান
করিয়াছেন, অতএব প্রকাশ্যরূপে কারানিরুদ্ধ করায় অনিষ্ট ঘটনার সন্তাবনা বুঝিয়া
এইরূপ কৌশলদ্বারা অভীষ্টসাধনের পরামর্শ করিলেন। “সাপের হাঁচি বেদে
চেনে”—শিবজী এবং আরঞ্জেবের উপাখ্যান এই জনপ্রবাদের উৎকৃষ্ট দৃষ্টান্ত স্থল।

মহারাষ্ট্রপতি বাদসাহ প্রমুখাং ঐ সকল কথা শ্রবণ মাত্র তাঁহার নিগৃত অভিপ্রায় একেবারে বুঝিতে পারিয়া আপনিও শাঠ্য অবলম্বন পূর্বক উত্তর করিলেন, “বাদসাহের জয় হউক,—আমি অবশ্য আপনার আদেশানুসারে রাজা জয়সিংহের প্রত্যুত্তর প্রতিক্ষা করিব—কিন্তু এই দেশের জলবায়ু আমার অনুচরদিগের পক্ষে অত্যন্ত অস্বাস্থ্যকর—আর দক্ষিণ দেশ হইতে আপনার পত্রের প্রত্যুত্তর আসিতেও বহুকাল বিলম্ব হইবে—অতএব যদি অনুমতি হয় তবে নিজ সমভিব্যাহারী সৈন্য সামন্ত সকলকে বিদায় করিয়া কতিপয় ভৃত্য সমভিব্যাহারে করিয়া অবস্থান করিব।” ইহা শুনিয়া আরঞ্জেবের অনুমান হইল যে, শিবজী সত্য সত্যই তাঁহার কথায় বিশ্বাস করিয়া সরলান্তঃকরণে এই অনুমতি প্রার্থনা করিলেন। তিনি আরও বিবেচনা করিলেন যে, মহারাষ্ট্ৰীয় সৈন্যগণ প্রস্থান করিলে শিবজী নিতান্ত অসহায় হইবে অতএব তখন যাহা ইচ্ছা হয় অনায়াসে করিতে পারা যাইবো এই ভাবিয়া বাদসাহ তৎক্ষণাং অনুমতি প্রদান করিলেন এবং শিবজীকে তাঁহার যে অত্যন্ত ধূর্ত বলিয়া বোধ ছিল তাহাও কিঞ্চিৎ শিখিল হইল। মহারাষ্ট্রপতি অতি সাবধানে বাদসাহের মুখ্যবয়ব লক্ষ্য করিতেছিলেন। অতএব অনুমতি প্রদান করিতে করিতে বাদসাহ যে ঈষৎ হাস্য করিলেন তদ্বিনেই তাঁহার মনোগত ভাব সকল বুঝিতে পারিয়া আপনি

তুষ্ট	হইয়া	বিদায়	গ্রহণ	করিলেন।
মহারাষ্ট্রপতি	বিদায় হইলে	বাদসাহ	তদ্বিসীয়	রাজকার্যে
আরঞ্জেব	বাস্তবিক	কর্মসূল	মনোযোগ	করিলেন।
করিতেন,	এবং দৈনিক	কার্য	সমুদায়	সমাধা
সভাভঙ্গ	করিয়া	সমুদায়	না	না কেন,
করিতেন	না।	তিনি	অন্যান্য	ইন্দ্ৰিয়পৱায়ণ
তাঁহার	আহার	মনোগত	ন্যায়	নৃপালগণের
আম্খাসে	এবং	মনোগত	মন্ত্রণা	ন্যায়
প্রভৃতি	গোসল-খানায়	করিয়া	উজীর	অমাত্য
করিতেন।	গমন	করিয়া	উজীর	অমাত্য
তাঁহার	ব্যবহার	করিতেন।	তদ্বিনে	তদ্বিনে
আদালতখানায়	কিম্বা	করিতেন।	দেখিতেন,	কোন

কোন দিন অশ্বশালায় এবং হস্তিশালায় যাইয়া ভৃত্যেরা স্ব-স্ব নিয়োজিত কার্যে
মনোযোগী আছে কি না দর্শন করিতেন এবং মধ্যে মধ্যে রাজভবনের সম্মুখবর্তী
যমুনাতীরস্থ প্রশস্ত ভূমিখণ্ডে সৈন্যগণের কাওয়াজ দেখিয়া কাহার বা বেতন বৃদ্ধি
কাহার বা কর্তন করিয়া গুণবানের পুরস্কার এবং গুণহীনের তিরস্কার করিতেন।
এইরূপে তাঁহার সমুদয় দিবসাবসান হইত। রাত্রিতেও তাঁহার অধিক নিদ্রা ছিল না।
একটি নিভৃত গৃহে বসিয়া অতি প্রধান প্রধান পত্রাদির পাঞ্চলেখ্য সকল স্বহস্তে
প্রস্তুত করিয়া রাখিতেন। অনেক বিষয় সেই স্থান হইতেই নির্বাহিত হইত।
অমাত্যের তাহার বিন্দুবিসর্গও অবগত হইতেন না।

যে দিবস শিবজী আইসেন সেই দিন রজনীতে আরঞ্জেব একাকী ঐ গৃহে
উপবিষ্ট হইয়া অত্যন্ত চিন্তা করিতে লাগিলেন। তাঁহার সম্মুখে লেখনী, মসীপাত্র এবং
কাগজ প্রস্তুত রহিয়াছে, কিন্তু তিনি কিছুই লিখিতেছেন না—তখন এইরূপে মনে
মনে বিতর্ক করিতেছেন—“রজনী গভীর হইয়াছে—এই সময়ে আমার দীন দুঃখী
প্রজাগণ সকলেই নিশ্চিন্ত হইয়া সুখে নিদ্রা যাইতেছে—কিন্তু আমি সকলের
অধীশ্বর হইয়াও এক তিলার্দকাল বিশ্রাম করিবার অবকাশ পাই না—চিন্তাজ্ঞরে
নিরন্তর আমার অস্তর্দাহ হইতেছে। আমার চিন্তার শেষ নাই—বিরাম নাই—কিন্তু
তাহার বিরাম হইয়াই বা কি হইবে?—ভাবি চিন্তা বিরহিত হইলে ভূতকালের দুষ্কৃত
সমুদায় স্মরণ হয়!—যাহারা কখন পঞ্চিল পাপপথের পথিক হয়েন নাই তাঁহারাই
নিশ্চিন্ত হইবার যত্ন করুন—আমার পক্ষে নিরন্তর চিন্তাসন্ত থাকাই ভাল। মনুষ্য
জীবন সতরংশ খেলার ন্যায়—ইহাতে যত ভাবনা করা যায় ততই সুখ, যত সাবধান
হওয়া যায় ততই জিত হইবার সম্ভাবনা!—দেখ এমত ধূর্ত শিবজীও আমার চাতরে
পড়িল—সে মনে করিতেছে যে, আমি জয়সিংহের পত্র পাইয়াই তাহার গৌরব
করিয়া বিদায় করিব—কি মূর্খ! ‘জয়সিংহ’—‘জয়সিংহ’—এই নামটা আমার
অত্যন্ত কর্ণ-জ্বালাকর হইয়াছে—সে আমার অনেক উপকার করিয়াছে বটে, কিন্তু
যে উপকার করিতে পারে সে অপকারেও অসমর্থ নহে—আর কার্যসাধন হইয়া
গেলে সেই সাধনোপযোগী উপয়েরই বা আবশ্যকতা কি? ফল পাড়া হইলে

আকর্ষিতে কি প্রয়োজন?—কিন্তু জয়সিংহকে নষ্ট করিতে পারিলেই বা কি হইবে? পিতা কাহাকে না পরাজয় করিয়াছিলেন?—আমারও ত পুত্র আছে—সে অত্যন্ত বশীভূত বটে—তথাপি অগ্রে সাবধান হওয়া বিধেয়—আর এক্ষণে কে বা আমার শক্ত কে বা মিত্র তাহাও জানিলে ভাল হয়”—এইরূপ চিন্তা করিয়া ক্ষণকাল পরে আকাশদত্ত দৃষ্টি হইয়া কহিলেন “জয়সিংহ! সাবধান—এই পরীক্ষায় ঠেকিলেই নষ্ট হইবে,—আমার দোষ নাই—পুত্র! তোমারও এই পক্ষচ্ছেদ করিলাম, আর কখন উড়িবার যত্ন করিও না” এই বলিয়া বাদসাহ অতি সাবধানে আপন পুত্রকে এক পত্র লিখিলেন, তাহার মর্ম এই—“হে আত্মজ! তুমি আমার একান্ত বশীভূত অতএব তোমার দ্বারাই একটি বিষম সঙ্কটাবহ পরীক্ষা করিতে সাহস হয়, অন্য কোন পুত্রের দ্বারা হয় না। তোমাকে শৈশবাবধি আমার বশীভূত হইতে শিক্ষা দিয়াছি; অধিককাল গত হয় নাই, তোমার সাহস এবং আজ্ঞানুবর্ত্তিতা পরীক্ষার্থ একটা ব্যাপ্তের সহিত তোমাকে একাকী যুদ্ধ করিতে কহিয়াছিলাম তুমি তাহাও করিয়াছিলো। আমি অনেক ক্লেশে এই ভারতরাজ্য গ্রহণ করিয়াছি, অতএব নিশ্চয় জানিও যে, যে পুত্র আমার সর্বতোভাবে বশীভূত থাকিবে, তাহাকেই রাজ্যাধিকারী করিয়া যাইব। তোমার জ্যেষ্ঠপ্রাতা মহম্মদ বিবিধ গুণশালী হইয়াও আমার আজ্ঞা লঙ্ঘন করিয়াছিল বলিয়াই গোয়ালিয়রের দুর্গে জীবনাবশেষ করিতেছে—সাবধান! যেন তোমারও সেই দশা না হয়। তুমি এই পত্র প্রাপ্তিমাত্র রাজা জয়সিংহ প্রভৃতি সকল সেনাপতিদিগকে নিভৃতে আহ্বান করিয়া কহিবে যে, আমি পিতার প্রতিকূলে বিদ্রোহ করিয়া স্বয়ং রাজ্যশ্রেষ্ঠ হইব। যে যে তোমার পক্ষতাবলম্বন করিতে স্বীকার করিবে তাহাদিগের নাম লিখিয়া অচিরাতি আমার নিকট প্রেরণ করিবো। এই কর্ম সুসম্পন্ন করিতে পারিলেই জানিবে যে, আমার যাবৎ পরিশ্ৰমের ফল পরিণামে তোমারই ভোগ্য হইবো”

বাদসাহ দুই তিন বার এই পত্রখানি মনে মনে পাঠ করিয়া ভাবিলেন যে, যদি পুত্র আমার মতানুযায়ী হইয়া চলে তবে আমিও আপনার সকল শক্ত একেবারে জানিতে পারি, এবং সে স্বয়ং কখন সত্য সত্য বিদ্রোহ উপস্থিত করিবার মনন

করিলে কাহা কর্তৃকও বিশ্বাস্য হইবে না—কিন্তু তাহা না হইয়া যদি সে আপনার
পক্ষ বলবান् দেখিয়া এই বারেই বিদ্রোহ করে তবে কি কর্তব্য?—প্রভুদিগের এই
পরম দুঃখ যে কাহাকে না কাহাকে বিশ্বাস না করিলে কোন কার্য সাধন হয় না—
হায়! যদি আমি স্বয়ং স্বহস্তে সমুদায় কার্য সাধন করিতে পারিতাম, তাহা হইলে
জগৎ এক দিক্ এবং আমি একলা এক দিক্ হইলেও, বুঝি জয় হইত—পরে
ক্ষণকাল চিন্তা করিয়া একজন অতি বিশ্বাস-ভাজন ভৃত্যকে নিকটে আহ্বানপূর্বক
কহিলেন—“তুমি এই পত্র লইয়া শীত্ব বিজয়পুর প্রদেশে যাও—অতি সংগোপনে
ইহা আমার পুত্রের হস্তে দিবে—পরে রাজা জয়সিংহ প্রভৃতি সেনানীবর্গ যখন
পরামর্শ করিবে তখন নিকটে থাকিতে চাহিও, যদি পুত্র তোমাকে নিকটে থাকিতে
দেন তবে তাঁহার তাম্বুলের কর্মে নিযুক্ত হইও—পরে সকলে যে সকল কথা
কহিবেন শ্রবণ করিবে এবং জয়সিংহ আমার পুত্রের আদেশানুসারে যদি
বিদ্রোহকরণে স্বীকার করেন তবে তাঁহাকে একটি পান দিবে, সেই পানের মস্লা
এই—আরঞ্জেব এই বলিতে বলিতে ভৃত্যের হস্তে একটি কাগচের মোড়ক দিলেন
এবং কহিতে লাগিলেন “যদি তুমি নিকটে থাকিতে না পাও তথাপি জয়সিংহের
তাম্বুলবাহকের সহিত আলাপ করিও—বুবিয়াছ!” ভৃত্য হাস্য করিয়া নতশিরা হইল
এবং বাদসাহের হস্ত হইতে পত্র ও পাথেয় প্রভৃতি গ্রহণ করিয়া প্রস্থান করিল।

ନବମ ଅଧ୍ୟାୟ

ମହାରାଷ୍ଟ୍ରପତି ନଗରପାଲ କର୍ତ୍ତକ ନିର୍ଦ୍ଦିଷ୍ଟ ବାସଗୃହେ ଉପନୀତ ହଇୟା ଅବିଲମ୍ବେ ସମଭିବ୍ୟାହାରୀ ସାମନ୍ତବର୍ଗେର ଅଧିପତିକେ ଆହୁନ କରତ ତାହାକେ ସ୍ଵଦେଶ ଗମନେର ଆଦେଶ କରିଲେନ। ସୈନ୍ୟପତି ରାଜାଜାନୁସାରେ ତୃକ୍ଷଣାଂ ପାଥେୟ ସାମଗ୍ରୀ ସକଳ ସଂଗ୍ରହେ ପ୍ରବୃତ୍ତ ହଇଲା ଶିବଜୀ ମନେ ମନେ ଭାବିଯାଛିଲେନ ଅନୁଚରବର୍ଗ ନିକଟେ ଥାକିତେ ବାଦସାହ ଆମାକେ ବାସାବାଟୀ ହଇତେ ବହିଗତ ହଇତେ ଦିବେନ ନା, କିନ୍ତୁ ବାହିର ହଇତେ ନା ପାରିଲେଓ ପ୍ରତ୍ୟାନେର ଉପାୟାବଧାରଣ ହୋଯା ଦୁର୍ଘଟ; ଏଇ ଜନ୍ୟଇ ତିନି ସ୍ଵଯଂ ଇଚ୍ଛା କରିଯା ନିଜ୍ସୈନ୍ୟଗଣକେ ବିଦାୟ ଦିବାର ଅନୁମତି ଗ୍ରହଣ କରେନ, ଆର ସେଇ ଜନ୍ୟଇ ଯେ କଯେକ ଦିନ ତାହାରା ସକଳେ ନିର୍ଗତ ନା ହଇଲ, ଆପନି ପୀଡ଼ାର ଭାନ କରିଯା ରହିଲେନ, ଏକବାରଓ ବହିଗମନେର ଇଚ୍ଛା ପ୍ରକାଶ କରିଲେନ ନା ପରମ୍ପରା ଆରଙ୍ଗେବ ତଥନ ମହାରାଷ୍ଟ୍ରପତିକେ କାରାରନ୍ଦ କରଣେର ମନନ କରେନ ନାହିଁ ତିନି ମନେ କରିଯାଛିଲେନ ଯେ, ଶିବଜୀ ସମ୍ପୂର୍ଣ୍ଣ ବିଶ୍ୱାସ ସହକାରେ ବାସ କରିତେଛେ, ଅତେବ ଯେ ପର୍ଯ୍ୟନ୍ତ ଜୟସିଂହ ବିଷୟକ କୋନ ସଂବାଦ ନା ପାଓଯା ଯାଯ ତାବଂ ଇହାକେ କିନ୍ତୁ ବଲିବାର ଆବଶ୍ୟକତା ନାହିଁ—ନଗରପାଲେର ନଜରବନ୍ଦି କରିଯା ରାଖିଲେଇ ଚଲିବୋ ଅନନ୍ତର ମହାରାଷ୍ଟ୍ରୀୟ ସମୁଦ୍ୟାୟ ସେନା ବିଦାୟ ହଇୟା ଗେଲେ, ଶିବଜୀ ଏକଦିନ ନଗରପାଲେର ସହିତ କଥାଯ କଥାଯ ସ୍ଵାସ୍ଥ୍ୟକର ବାୟୁସେବନେର ଇଚ୍ଛା ପ୍ରକାଶ କରିଲେନ। ତଥନ ନଗରପାଲ ଅବିଲମ୍ବେ ସମ୍ମତ ହଇୟା ସ୍ଵଯଂ କତିପାଯ ବଲବାନ୍ ପୁରୁଷ ସମଭିବ୍ୟାହରେ ଅନୁଗମନ କରତ ମହାରାଷ୍ଟ୍ରପତିକେ ବାସାବାଟୀ ହଇତେ ନିର୍ଗତ କରିଲା।

ଶିବଜୀ ଏପର୍ଯ୍ୟନ୍ତ ପଲାୟନେର କୋନ ପଞ୍ଚ ନିଶ୍ଚୟ କରିତେ ପାରେନ ନାହିଁ, କିନ୍ତୁ ଯେ ଦିନ ପ୍ରଥମେ ବାଟୀର ବହିଗତ ହିଲେନ ସେଇ ଦିନଇ ତାହାର ସୋପାନ ହଇଲା ତିନି ରାଜବାଟୀର ଦକ୍ଷିଣ ଭାଗେ ସମୁନା ତଟେ କ୍ଷଣକାଳ ପରିଭ୍ରମଣ କରିଯା ଅନ୍ୟ-ମନଙ୍କତା ବଶତଃ କ୍ରମେ କ୍ରମେ ବାଦସାହ ଭବନେର ସମୁଖବର୍ତ୍ତୀ ବିପଣିତେ ଉପନୀତ ହିଲେନା ତଥାଯ ବିବିଧ ଦ୍ରବ୍ୟଜାତ ଏବଂ ନାନା ଦେଶୀୟ ଲୋକେର ସମାଗମ ଦର୍ଶନେ କିଞ୍ଚିତ ତମନଙ୍କ ହଇଯାଛେନ, ଏମତ ସମୟେ ଦେଖିଲେନ, ଏକଜନ ସନ୍ନାସୀ ତାହାର ପ୍ରତି ଏକ ଦୃଷ୍ଟେ ନିରିକ୍ଷଣ

করিতেছেন। যাঁহারা বহুকাল বিদেশ পর্যটন করিয়াছেন, তাঁহারাই অপরিচিত জনময়স্থানে স্বদেশীয় পরিচিত ব্যক্তির সন্দর্শন লাভে কি পর্যন্ত আনন্দ হয় বুঝিতে পারেন। মহারাষ্ট্রপতি ঐ সন্ধ্যাসীকে দেখিয়া সেইরূপ আনন্দানুভব করিতে লাগিলেন। শিবজী ঐ ব্যক্তিকে দেখিবামাত্র তাঁহাকে আপনার গুরুদেব রামদাস স্বামীর একজন শিষ্য বলিয়া চিনিতে পারিলেন। অনন্তর তিনি যে দিকে গমন করিলেন, আপনিও ক্রমে ক্রমে সেই পথে যাইতে লাগিলেন। কিন্তু সমভিব্যাহারী নগরপালের ভয়ে কেহই পরম্পর অভ্যর্থনা দ্বারা পূর্ব পরিচয় প্রকাশ করিলেন না।

কিয়দূর গমন করিয়া মহারাষ্ট্রপতি দেখিতে পাইলেন, শ্রীমান् রামদাস স্বামী কতিপয় শিষ্য সমভিব্যাহারে একটি বট বৃক্ষতলে উপবিষ্ট আছেন। মহারাজ মনে মনে তাঁহার চরণ বন্দন করিয়া তৎক্ষণাত্ পরামর্শাবধারণ করত নগরপালকে কহিলেন, অদ্য আর অধিক গমন করিব না—চল, বাসায় ফিরিয়া যাই—কিন্তু ঐ তেজঃপুঁঞ্জ ব্রহ্মচারীকে দেখিয়া স্মরণ হইতেছে, আমি পীড়িতাবস্থায় মানসিক সংকল্প করিয়াছিলাম সুস্থ হইলে দেবার্চনা করাইব, উহাকে জিজ্ঞাসা কর দেখি, যদি উনি স্বয়ং আমার স্বন্ত্যয়নের ভার গ্রহণ করেন তাহা হইলে কল্য প্রাতে বাসায় গমনের নিমন্ত্রণ করিয়া যাই। নগরপাল তৎক্ষণাত্ অগ্রসর হইয়া রামদাস স্বামীকে ঐ কথা জিজ্ঞাসা করিলে তিনি প্রথমতঃ অস্মীকৃত-প্রায় হইলেন, পরে শিবজী স্বয়ং যাইয়া অনেক অনুনয় বিনয় করিলে নিমন্ত্রণ গ্রহণ করিলেন। নগরপাল পাছে কোন সন্দেহ করে, এই জন্যই রামদাস স্বামী প্রথমতঃ নিমন্ত্রিত হইতে অনিচ্ছা প্রকাশ করিয়াছিলেন, নচেৎ শিবজীর সহিত নিভৃতে সাক্ষাৎ হয় ইহা তাঁহার একান্ত বাসনা ছিল। অতএব তিনি পরদিবস অতি প্রত্যুষেই মহারাষ্ট্রপতির আলয়দ্বারে উপস্থিত হইলেন, এবং নগরপাল অনতিবিলম্বে তাঁহাকে রাজসমক্ষে উপনীত করিল। গুরু শিষ্যে একত্র হইয়া যে কথোপকথন হইল, তাহার মর্ম এই—রামদাস স্বামী কহিলেন, আমি তীর্থ দর্শনে নির্গত হইয়া নানা দিদ্গেশ ভ্রমণান্তর মথুরাধীশ সন্দর্শনার্থ সশিষ্য আসিতেছিলাম, পথিগদ্যে প্রতিগমনকারী মহারাষ্ট্র সৈন্যপতির সহিত সাক্ষাৎ হওয়াতে তৎপ্রমুখাত্ম সমুদায় অবগত হই, এবং অবগত হইয়া মনে

মনে বিপদাশঙ্কায় শীত্র দল্লীতে আসিয়া নানা স্থানে শিষ্য নিয়োজন করত মহারাজের সহিত সাক্ষাৎকার হইবার উপায় চেষ্টা করি,—এক্ষণে সেই চেষ্টা সফল হইয়াছে, অতঃপর আরঞ্জেবের শাঠ্যজাল হইতে মুক্ত হইবার উপায় কি? শিবজী কহিলেন, “যখন এই ঘোর বিপৎকালে আপনার সন্দর্শন পাইলাম, তখন অনুমান হয়, বিপদ উত্তীর্ণ হইতে পারিবা যাহা হউক অদ্যাপি কিছু স্থির নিশ্চয় হয় নাই, কিন্তু যেরূপ স্বন্দ্রস্যনের ভান করিয়া আপনকার সহিত সংগোপনে সন্দর্শন হইল, বোধ হয়, এই উপায়েই কোন সুযোগ হইয়া উঠিবো”

এইরূপ পরামর্শ হইলে রামদাস স্বামী প্রত্যহই প্রাতঃকালাবধি সায়ংকাল পর্যন্ত জপ পূজা হোমাদি কার্যে নিযুক্ত থাকিতে লাগিলেন, এবং নগরপালের ঘাবৎ হিন্দুজাতীয় অনুচরগণ শিবজীর আদেশানুরূপ বাজার হইতে বিবিধ দ্রব্যজাত আনিয়া স্বন্দ্রস্যনের আয়োজন করিয়া দিতে লাগিলা। আর পূজাবসানে নগরপালের নিযুক্ত প্রহরিগণ, কি হিন্দু কি মুসলমান সকলেই যথেষ্ট ভক্ষ্যদ্রব্য প্রাপ্ত হওয়াতে মহারাষ্ট্রপতির এই কর্ম তাহাদিগের সমূহ সুখাবহ হইয়া উঠিল। শিবজী ঐ সকল সামগ্ৰীর অনেক ভাগ নগরস্থ ব্ৰাহ্মণ সজ্জনদিগের বাটীতেও প্রত্যহ প্ৰেৱণ কৱিতেন। এইরূপে প্রায় এক মাস বহিৰ্ভূত হইল। কিন্তু শিবজী এই কাল মধ্যে কেবল আপনারই প্ৰস্থানের উপায় চিন্তা কৱিতেছিলেন এমত নহে, প্ৰিয়তমা রোসিনারার উদ্বারার্থেও সবিশেষ চেষ্টা দেখিতেছিলেন। তাঁহার সেই চেষ্টা কি, এবং উহা কিৱৰপ সফল হইল, তাহা পৱে প্ৰকাশ হইবে, এক্ষণে এইমাত্ৰ বক্তৃব্য যে, তিনি রোসিনারাকে পাইবার সুযোগ কাল প্ৰতীক্ষা কৱিতেছিলেন বলিয়াই তাঁহার আপনার প্ৰস্থানের এত বিলম্ব হইতেছিল, নচেৎ ইতিপূৰ্বেই তদুপায় নিশ্চিত হইত।

দশম অধ্যায়া

সন্নাটের জন্মতিথি উপলক্ষে রাজবাটী এবং রাজধানীতে মহাসমারোহে আনন্দ মহোৎসব হইতে লাগিলা। মুসলমানেরা ভারত রাজ্য লাভ করিয়া এই স্থানেই নিবাস করিয়াছিলেন, সুতরাং তাঁহাদিগের সহিত এতদেশীয় লোকদিগের বিশিষ্টরূপ সংস্কৰণ হইয়াছিল। এই হেতু উভয় জাতীয় লোকেরাই পরম্পর ব্যবহারের অনেক অনুকরণ করিয়াছিল। বিশেষতঃ মুসলমান বাদসাহেরা পূর্বকালীন হিন্দু সন্নাটদিগের ন্যায় অনেক আচরণ করিতেন এমত স্পষ্ট প্রমাণ পাওয়া যায়। অতএব বোধ হয় তাঁহারা বর্ষে বর্ষে নিজ নিজ জন্মতিথির উপলক্ষে আপনারা যেরূপ সুবর্ণ রজতাদির সহিত তুলিত হইতেন তাহা হিন্দু রাজাদিগের তুল্য পুরুষদানের অনুকৃতি হইবে, যেহেতু অপর কোন দেশীয় মুসলমান নৃপালদিগের মধ্যে ঐ রীতি প্রচলিত ছিল এমত বোধহয় না।

আরঞ্জেব ঐ দিন সুবর্ণ-নির্মিত তুলা যন্ত্রে উথিত হইয়া আপনি এক দিকে এবং ধান্যাদি নানা প্রকার শস্য অপর দিকে রাখিয়া তুলিত হইলেন। পরে তাস্ত কাংস্যাদি ধাতু দ্রব্যের সহিত, অনন্তর সুবর্ণ রজতাদির সহিত, তৎপরে কিংখাপ শাল প্রভৃতি মহামূল্য বস্ত্রাদির সহিত এবং সর্বশেষে হীরক মণি মাণিক্যাদির সহিত তুলারূপ হইলেন। ঐ সময়ে নাগার খানায় বিবিধ বাদ্যযন্ত্র হইতে লাগিল এবং প্রধান প্রধান রাজামাত্য এবং ওমরা সকল নানা প্রকার দ্রব্যজ্যাত আনিয়া বাদসাহকে নজর দিতে লাগিলেন। বাদসাহও হেমনির্মিত কৃত্রিম বাদাম পেস্তা খর্জুর লইয়া স্বহস্তে বিতরণ আরম্ভ করিলেন। অশ্বপালেরা দিল্লীশ্বরের সমক্ষে অশ্বশিক্ষার কৌশল প্রকাশ করিতে লাগিল। মাহুতেরা সুশিক্ষিত হস্তিযুথ আনিয়া বাদসাহকে সেলাম করাইতে লাগিল। এইরূপে রাজকর্মচারী সকলেই অপরিসীম আনন্দ প্রকাশ করিতে লাগিল।

দিল্লীশ্বরের অস্তঃপুরেও অতি চমৎকার উৎসব হইতেছিল! প্রধান প্রধান অমাত্য এবং ওমরাদিগের মহিলাগণ ও দিল্লীবাসিনী অনেক বার ঘোষারাও সেই দিন বাদশাহের অস্তঃপুরে আগমন করিত। যাঁহারা বারবনিতাদিগের তাদৃশ স্থলে গমন হওয়া অসম্ভব বোধ করিবেন, তাঁহারা সুরণ করুন যে, অদ্যাপি এমত অনেক ব্যক্তি আছেন যাঁহারা আপন আপন স্ত্রী পরিজনকে প্রায় মুসলমান বাদসাহদিগের ন্যায় দৃঢ়তরঞ্জপে অস্তঃপুরে নিরুদ্ধ করিয়া রাখেন, অথচ মধ্যে মধ্যে বাটীর ভিতরেও নেড়ীর কবি শ্রবণ করাইয়া স্ত্রীলোকদিগের চিত্ত কল্যাণিত করা নিতান্ত দৃষ্যবোধ করেন না। বরং মুসলমান বাদসাহদিগের এই প্রশংসা করিতে হয় যে, তাঁহারা ঐ দিন অশ্রাব্য কাব্য সংগীতাদি শ্রবণার্থ বারবধূগণের আনয়ন করিতেন না। সেই দিন নিম্নিত্ব স্ত্রীলোক সমস্ত স্ব স্ব প্রস্তুত রমণীয় শিল্প সামগ্ৰী লইয়া বাদশাহের অস্তঃপুরে যাইতেন। কেহ বা উত্তম জামদান কেহ বা সুদৃশ্য পসমী জুতা, কেহ বা বুটোকাটা শাটিন, কেহ বা কিংখাপনির্মিত পরিচ্ছদ, কেহ বা স্বহস্ত প্রস্তুত আতর গোলাপাদি সুগন্ধি দ্রব্য, আর অনেকেই মোহনভোগ প্রভৃতি বিবিধ মিষ্টান্ন আনয়ন করিতেন। তথায় অন্য পুরুষমাত্রের যাওয়া নিষেধ ছিল। কেবল বাদসাহ স্বয়ং বা তাঁহার অস্তঃপুরবাসিগণ ক্রেতৃপুরণপে ঐ মনোহর বাজারে বেড়াইতেন। ক্রয় বিক্রয় কালে কতই কৌতুক হইত। বাদসাহ কোন দ্রব্যটি মনোনীত করিয়া তাঁহার মূল্য নির্দ্বারণার্থ কতই বিতঙ্গ করিতেন। একটি পয়সার দর প্রভেদ হইলেও বাক্য ব্যয়ের ক্রটি হইত না। পরন্তু দ্রব্যটি গ্রহণ করিয়া তাহার মূল্য দিবার সময় যেন ভ্রান্তিক্রমে বিক্রয়িগীকে এক পয়সার পরিবর্তে কখন এক খান সুবর্ণমোহর কখন বা বহুমূল্য হীরকখণ্ড প্রদান করিয়া

যাইতেন।

সাজাহান নিজ রাজ্যকালে এই ব্যাপারে বিশিষ্ট আমোদ প্রকাশ করিতেন। রাজ্যব্রহ্ম হইয়া অবধি তাঁহার ঐ আমোদ ছিল না বটে, কিন্তু এইবার রোসিনারাকে অন্যমনক্ষ করিবার আশয়ে অনেক অনুরোধ সহকারে তাঁহাকে সমভিব্যাহারে করিয়া ঐ মনোহর বিপণিস্থলে আনয়ন করিলেন। রোসিনারা কেবল পিতামহের অনুরোধ রক্ষার্থই আসিয়াছিলেন, নচেৎ আমোদ প্রমোদে তাঁহার মনস্তুষ্টি হইবার সন্তানবনা ছিল না। যে অবধি শিবজী আরঞ্জেব কর্তৃক সভাস্থলে অপমানিত হইয়া যান् সেই

অবধি তাঁহার আন্তরিক সুখ সমুদায় অন্তর্ভুক্ত হইয়াছিল। তাঁহার অন্তর্মধ্যে কত দুঃখ ও কত শঙ্কা উপস্থিত হইয়াছিল, তাহা বলিয়া ব্যক্ত করা যায় না। পৃথিবীতে মনুষ্যমাত্রকেই বিবিধ দুঃখে দুঃখী হইতে হয়, কিন্তু কি স্ত্রী কি পুরুষ ইহাদের, ভক্তি ও স্নেহের উপযুক্ত পাত্রের প্রতি যদি কোন কারণ বশতঃ ভক্তি ও স্নেহের হ্রাস হইয়া যায় তবে, তাহাদিগকে যেমন দুর্বিষহ যন্ত্রণা ভোগ করিতে হয় তেমন যন্ত্রণা আর কাহাকেও ভোগ করিতে হয় না। রোসিনারা নিজ পিতার একান্ত অধর্ম মতি বুঝিয়া সেই মর্মান্তিক দুঃখে দুঃখিতা ছিলেন। সুতরাং সামান্য আমোদ প্রমোদে তাঁহার দুঃখ শান্তি হইবার সম্ভাবনা কি?

তিনি দ্রব্য বিক্রয়গণের কাহার সহিত বাক্যালাপ না করিয়া, পিতামহ সমভিব্যাহারে ইতস্ততঃ পরিভ্রমণানন্তর পুনর্বার গৃহে প্রত্যাবর্তনের মানস করিয়াছেন এবং সাজাহানও তাঁহাকে আমোদিত করিতে না পারিয়া সেই চেষ্টায় ক্ষাতপ্রায় হইয়াছেন, এমত সময়ে এক বারযোষা সমীপর্তিনী হইয়া একটি অঙ্গুরীয় এবং উষ্ণীয় প্রদর্শনানন্তর সহাস্য বদনে কহিল, “বাদসাহ নন্দিনি! এই সকল দ্রব্যের মধ্যে কিছু ক্রয় করিতে ইচ্ছা হয়?—ইহা অনেক দূর হইতে আসিয়াছে, তুমি গ্রহণ করিলেই সার্থক হয়।” রোসিনারা শিবজীর হস্তে ঐ অঙ্গুরীয় এবং তাঁহার মস্তকে ঐ উষ্ণীয় অনেকবার দেখিয়াছিলেন, অতএব তৎক্ষণাত চিনিতে পারিয়া বারবনিতাকে কহিলেন “তুমি আমাদিগের সমভিব্যাহারে নিভৃতে আইস, দ্রব্যের মূল্য নিরূপণ করিব।” বারবনিতা শুনিয়া তাঁহার সমভিব্যাহারিণী হইল। পরে অন্য সকলের শ্রবণ ও দর্শনের অগোচর হইলে রোসিনারা ব্যগ্রতা সহকারে জিজ্ঞাসা করিলেন “তুমি এই সকল সামগ্ৰী কোথায় কি প্ৰকারে পাইলে?” বার-যোষা কোন উত্তর না করিয়া সাজাহানের প্রতি দৃষ্টিপাত করিলে রোসিনারা ঐ ইঙ্গিত দ্বারা তাহার ভাব বুঝিয়া কহিলেন “ইনি আমার পিতামহ, ইঁহার অজ্ঞাত কিছুই নাই তুমি নির্ভয়ে সমুদায় ব্যক্ত করা” তখন বারবনিতা কহিতে লাগিল “যাঁহার এই সকল সামগ্ৰী তিনিই আমাকে এই স্থলে প্ৰেৱণ করিয়াছেন এবং কহিয়া দিয়াছেন যে, যদি আপনি এতদিনেও তাঁহাকে বিস্মৃত না হইয়া থাকেন, তবে তাঁহার সহিত প্ৰস্থানের উপায়

করুন। এইক্ষণে সকলই আপনার হাত, তাঁহার হাত কিছুই নাই।” রোসিনারা এই কথায় কোন উত্তর না করিতে করিতে সাজাহান কহিলেন “আমি অনুমতি প্রদান করিতেছি রোসিনারা! তুমি অবিলম্বে প্রস্থানের উপায় কর—আর উপায়ই বা বিশেষ কি করিতে হইবে—ইহার সহিত ছদ্মবেশে গমন করা অদ্য বড় কঠিন হইবে না।” রোসিনারা ক্ষণকাল অধোবদনে চিন্তা করিয়া পিতামহের কথার কোন উত্তর না করিয়া বার-যোষাকে পুনর্বার জিজ্ঞাসা করিলেন “তুমি বলিতে পার, তিনি আপনার প্রস্থানের কোন উপায় করিতেছেন কি না?”

বার-বধূ কহিল—তাহা আমি নিশ্চয় বলিতে পারি না, কিন্তু আমাকে কহিয়াছেন যে, “যদি তাঁহার সমভিব্যাহারিণী হইতে তোমার সম্মতি হয়, তবে এই রাত্রি শেষে অমুক স্থানে দিয়া তাঁহার সহিত দুইজনে মিলিত হইবো” এই বলিয়া শিবজীর নির্দিষ্ট সংলগ্ন হইল না। রোসিনারা তাহার তাদৃশ ব্যবহারে বিশিষ্ট তুষ্টা হইলেন এবং শিবজী নিজ নৈসর্গিক মহানুভবতাঙ্গণে অন্য ব্যক্তিকে কেমন বদ্ধ করিতে পারেন, তাহা তাঁহার জানা থাকিলেও, তিনি অল্পকালের মধ্যেই দুশ্চারিণী বারবনিতাকেও এমত বিশ্বাসভাজন কি প্রকারে করিয়াছেন, ভাবিয়া আশ্চর্যস্মন্যা হইলেন। তিনি অনেকক্ষণ মৌনাবলম্বনে থাকিয়া মনে মনে এইরূপ চিন্তা করিতে লাগিলেন “এক্ষণে আমার কর্তব্য কি?—অথবা কর্তব্য আর কি আছে—ইহার সঙ্গেই দাসীবেশে প্রস্থান করি—কিন্তু তাহা কি উচিত হয়—পিতা আমার প্রতি অন্যায় এবং মহারাষ্ট্রপতির প্রতি অধর্মাচরণ করিয়াছেন এবং করিতেছেন—কিন্তু সেই জন্য কি আমিও অযথাচরণ করিব? না, আমার যাওয়া হইবে না—ভাল, একবার দেখা করিয়া আসিলেই বা হানি কি?—কিন্তু যদি যাইবার কালীন ধরা পড়ি—অথবা যাইবার পূর্বে ইহা কোন রূপে প্রকাশ হইয়া পড়ে, তবে আরঞ্জেব এই দোষ দিয়া তৎক্ষণাত তাঁহার প্রাণবধ করিবেন—আর এই স্ত্রীলোক আমাদিগের উভয়ের হিতকারিণী ইহার পক্ষেও অনিষ্ট ঘটিবে, কি করি?”

রোসিনারা এইরূপ চিন্তা করিতেছেন এই অবসরে সাজাহান একজন দাসীর একখানি পরিধেয় বস্ত্র স্বহস্তে আনিয়া উপস্থিত করিলেন এবং কহিলেন “আর বিলম্বে প্রয়োজন নাই, শীত্র এই পরিচ্ছদ ধারণ কর এবং ছদ্মবেশে বহিগত হইয়া যাও, আমাকে সুরণ রাখিও এবং নিশ্চয় জানিও যে, মৃত্যুকাল পর্যন্ত তোমার সদাচরণ আমার অন্তঃকরণ মধ্যে দেদীপ্যমান থাকিবো” এই বলিতে বলিতে বৃদ্ধের অক্ষিদ্বয় সজল এবং বচন গদগদস্বর হইল। তিনি আর অধিক বলিতে পারিলেন না। রোসিনারা পিতামহের প্রদত্ত দাসীবেশটি একবার হস্তে লইয়া পুনর্বার রাখিয়া দিলেন, এবং মৃদুস্বরে কহিলেন “আমার যাওয়া কি উচিত হয়?” সাজাহান ব্যগ্র হইয়া উত্তর করিলেন, “কিসে অনুচিত?—সে ব্যক্তি তোমার প্রণয়বন্ধ হইয়াছে বলিয়াই এ পর্যন্ত আসিয়া ঘোর বিপদগ্রস্ত হইয়াছে; সে হিন্দু, তোমাকে বিবাহ করিলে তাহার জাতি নাশ হইবে তাহাও সে স্বীকার করিতেছে; এখানে তুমি এমন কি সুখে আছ যে, যাইতে অনিচ্ছা হয়া”—“অনিচ্ছা! আমার মনোমধ্যে যাইবার ইচ্ছা যে কি পর্যন্ত বলবত্তী হইয়াছে তাহা বত্ত্ব্য নহে, অকর্তব্য বোধ হইলেও মন নিবারিত হইতেছে না, কিন্তু এইক্ষণেই আপনি যাহা বলিলেন তাহাতেই সেই ইচ্ছার কিঞ্চিৎ ত্রাস হইতেছে, কারণ, বিবেচনা করুন, যদি পিতা স্বেচ্ছাপূর্বক তাঁহার সহিত বিবাহ দিতেন, তবে পিতাই নিজ জামাতার প্রধান সহায় হইতেন, সুতরাং মহারাষ্ট্রপতির স্বজ্ঞাতীয়েরা বিরক্ত হইলেও তাহারা তাঁহার কোন অনিষ্ট করিতে পারিত না। কিন্তু আমি স্বেচ্ছাচারিণী হইয়া তাঁহার সহিত মিলিতা হইলে দিল্লীশ্বর এবং মহারাষ্ট্র জাতি উভয়কেই শিবজীর শক্ত করা হইবে, সুতরাং আমা হইতেই সেই প্রণয়াস্পদের সমূহ বিপদ ঘটিবে, অতএব জানিয়া শুনিয়া এমত কর্ম কেমন করিয়া করিবা” সাজাহান এবং ঐ বারবনিতা উভয়ের কেহই জানিত না যে, যথার্থ প্রীতি কি অঙ্গুত পদার্থ! উহার আবির্ভাবে মনুষ্যের মনঃ একেবারে স্বার্থ শূন্য হয়। অতএব তাঁহাদিগের কেহই রোসিনারার বাক্য সম্পূর্ণরূপে হস্তগত করিতে পারিলেন না। পারুন কিন্তু বৃদ্ধ-বাদসাহ তাঁহার যুক্তির ঐদার্য উপলক্ষি করিয়া কহিলেন—“তুমি বুদ্ধিমতী যাহা বিবেচনা সিদ্ধ হয়, কর—আমি ভাবিয়াছিলাম শিবজীর সহিত মিলিত হইলেই তুমি সুখভাগিনী হইবে—এবং তাহা হইলেই আমি নিরুদ্ধেগে

দেহ্যাত্রা সম্বরণ করিতে পারিব, কিন্তু যদি না যাওয়াই সংপরামর্শ হয় তবে ইহাকে যাহা বলিতে হয়, বলিয়া দিয়া বিদায় করা” রোসিনারা অবিলম্বে বারবনিতাকে সেই স্থলে দণ্ডায়মান হইতে কহিয়া আপনি স্বগৃহে গমন করিলেন এবং স্বল্পক্ষণ মধ্যেই একটি লিপি আনিয়া তাহার হস্তে প্রদানান্তর আপনার হস্তাঙ্গুরীয়াটি বার-যোষাকে সমর্পণ করিয়া তাহার হস্ত হইতে মহারাষ্ট্রপতির অঙ্গুরীয় গ্রহণ করিলেন। বারবনিতা বাদসাহপুত্রীকে প্রণাম করিয়া মনে মনে তাঁহার চরিত্র অনুধাবন করিতে করিতে বিদায় হইল।

একাদশ অধ্যায়া

মনুষ্যমাত্রেই স্ব স্ব জীবনবৃত্তান্ত পর্যালোচনা করিলে বুঝিতে পারেন যে, উচিত, অনুচিত, বিবেচনাসিদ্ধ বা অসিদ্ধ এই পর্যন্ত নিরূপণ করাই মনুষ্যের আপনার হাত, কর্মের ফলাফল মনুষ্যের ইচ্ছার বশীভূত নহে তাহা সবনিয়ন্তা জগৎপিতারই অধীন। কত কত ব্যক্তি কত কত মহুই মন্ত্রণা সকল নিরূপণ করিয়াও কৃতকার্য হইতে পারেন নাই, আর কত কত স্থলে অতি সামান্য বুদ্ধির কর্ম করিয়াও জনগণ সুমহৎ ফল-ভাগী হইয়াছেন। অতএব সাধুশীল ব্যক্তিরা সর্বদাই ফল-সিদ্ধির উদ্দেশ্য না করিয়া আপনাদিগের কর্তব্য কর্ম সমুদায় নির্বাহ করিয়া থাকেন। সুতরাং তাঁহারা কোন কার্যে ব্যর্থ-প্রয়ত্ন হইলেও অধিক ক্ষুক্র এবং কার্য সফল হইলেও গর্বিত হয়েন না। তাঁহারা অকৃতার্থ হইলে জগদীশ্বরের ইচ্ছার বশবত্তী হইয়া সহিষ্ণুতা অবলম্বন করেন, এবং সফল-চেষ্টা হইলে তাঁহারই ধন্যবাদ করেন। কিন্তু দুষ্ট লোকেরা নিয়তই এমত সুখে বঞ্চিত হইয়া থাকে; তাহাদিগের দুষ্ট মন্ত্রণা সকল সিদ্ধ হইলেও দুঃখ এবং অসিদ্ধ হইলেও মনস্তাপ জন্মায়।

শিবজী, যে প্রকারে আরঞ্জেবের শাঠ্য জাল হইতে বিমুক্ত হইয়াছিলেন এবং আরঞ্জেবেরও আপনার দুর্মন্ত্রণা সকল কতক সিদ্ধ হওয়াতে যে প্রকার অনুত্তাপ এবং কতক বিফল হওয়াতে তাঁহার যে প্রকার দুঃখ জন্মিয়াছিল, তাহা স্মরণ করিলেই পূর্বোক্ত কথাটি মনোমধ্যে দৃঢ়রূপে সংলগ্ন হইয়া যায়। যে সময় বাদসাহের অস্তঃপুরে শিবজীর প্রেরিত গণিকা প্রবিষ্ট হইয়া রোসিনারার স্থানে পত্র এবং অঙ্গুরীয় গ্রহণ করিয়া বিদায় হয়, তাহারই কিয়ৎক্ষণ পরে বাদসাহ সন্নিধানে উপস্থিত হইলা দিল্লীশ্বরদিগের এমত রীতি ছিল না যে, স্বহস্তে কাহারও স্থানে লিপি গ্রহণ করেন। শুন্দ সেই কর্মের জন্যই তাঁহাদিগের সমীক্ষাপে দুইজন প্রধান ওস্তা নিযুক্ত থাকিতেন। কিন্তু আরঞ্জেব ঐ ব্যক্তির স্থানে অতিশয় ব্যগ্র হইয়া লিপি গ্রহণ করিলেন। তাহাতে

সমীপবর্তী সকলেরই অনুভব হইল যে, পত্রবাহক কোন অতি প্রদান কর্মেই নিযুক্ত হইয়া থাকিবো বাদসাহ পত্রার্থ অবগত হইয়া উষ্ণৎ হাস্যবদনে নগরপালকে আনয়ন করিতে কহিয়া সত্ত্বে সভার কার্য সমাপনান্তর অন্তঃপুরে প্রবিষ্ট হইলেনা আরঞ্জেব কখনই কৌতুকপ্রিয় ছিলেন না, অতএব তাঁহার জন্মতিথির উপলক্ষে অন্তঃপুরে যেরূপ মোহনীয় বাজার হইত তিনি তাহাতে গমন করিয়াও অধিকক্ষণ আমোদ-প্রমোদ করিতেন না। বিশেষতঃ তখন প্রায় সায়ংকাল উপস্থিতা যে সকল স্ত্রীলোকেরা দ্রব্যাদি লইয়া আসিয়াছিল তাহারা প্রায় অনেকেই, যে যাহার আলয়ে গমন করিয়াছিল, আর যাহারা ছিল তাহারাও তদ্দিবসীয় কার্য সমাপন করিয়া স্ব স্ব বাটী গমনের উদ্যোগ করিতেছিল। অতএব বাদসাহ কোথাও বিলম্ব না করিয়া একেবারে একাকী রোসিনারার মহলে উপস্থিত হইলেনা আরঞ্জেব নিজ কন্যার আরক্ত চক্ষু, স্ফুরিত ওষ্ঠাধর ও বিমর্শমুখাবয়ব প্রভৃতি লক্ষণে অনতিপূর্বেই তিনি ক্রন্দন করিতেছিলেন ইহা অনুভব করিয়া জিজ্ঞাসা করিলেন—“তুমি কি জন্য রোদন করিতেছিলে?” রোসিনারা ইহারই কিঞ্চিৎ পূর্বে শিবজীর সহিত গমনে অসম্মতি প্রকাশ করিয়াছিলেন—তাহাতে তাঁহার যৎপরোনাস্তি ক্লেশ হইয়াছিল—আবার মহারাষ্ট্র দেশ হইতে প্রত্যাবর্তনাবধি বহুকাল হইল একবার মাত্র পিতার সন্দর্শন পাইয়াছিলেন, আর যে কখন পাইবেন এমত বোধও ছিল না, বিশেষতঃ যে পিতাকে তিনি পূর্বে তাদৃশ ভক্তি এবং শ্রদ্ধা করিতেন, তিনিই একেবারে তাঁহার সম্পূর্ণ ভয়ের আস্পদ হইয়াছিলেন, অতএব বাদসাহ হঠাৎ তাঁহার সমীপবর্তী হইলে তিনি ভয়ে এবং দুঃখে একান্ত অধীরা হইয়া পুনঃ পুনঃ দীর্ঘ নিশ্বাস ও অশ্রু ত্যাগ করিতে লাগিলেন; সহস্র চেষ্টা করিয়াও তাদৃশ শোক-সূচক চিহ্ন সমস্ত গোপন করিতে সমর্থ হইলেন না, এবং আরঞ্জেব যাহা জিজ্ঞাসা করিলেন তাহার কিছুমাত্র উত্তর প্রদান করিতেও পারিলেন না। বাদসাহ কিঞ্চিৎ ক্রুদ্ধ হইয়া পুনর্বার কহিলেন—“তুমি কি জন্য রোদন করিতেছ—আপনাই আপনার দুঃখ উপস্থিত করিয়াছ—ভাবিয়া দেখ, আমাদিগের বংশীয় কন্যাগণ প্রায়ই কাহাকেও বরমাল্য প্রদান করিতে পায় না, কিন্তু তোমার প্রতি অত্যন্ত স্নেহ করিলাম বলিয়া উপযুক্ত পাত্রে সমর্পণ করিবার মনন করিয়াছিলাম—সে যাহা হউক, যদি এক্ষণও তোমার দুরুদ্ধি গিয়া থাকে, তবে

পারস্য রাজতনয়ের সহিত তোমার সম্বন্ধ নির্দ্বারণ করি—কিছু উত্তর করিলে না যে?—তবে বোধ হয় তোমার অসম্মতি নাই।”

রোসিনারা কন্দন করিতে করিতে কহিলেন “পিতৎ! আমি তোমার অসম্মতিতে কিছুই করিতে চাহি না—এই বংশীয় কন্যাগণের চিরকৌমারাবস্থা যেমন কপালের লিখন, আমারও তাহাই হ্টক—অন্যের সহিত আমার সম্বন্ধ নিবন্ধনে ক্ষান্ত হউনা” আরঞ্জেব সর্বদাই আপনার আন্তরিক ক্ষোধ সম্বরণ করিতে পারিতেন, কিন্তু কেবল নিজ পরিবারের মধ্যে কেহ তাঁহার মতের অন্যথা করিতে চাহিলে বৈরাঙ্গির পরিসীমা থাকিত না। বিশেষতঃ তিনি কেবল রোসিনারার অন্তঃকরণে যৎপরোনাস্তি ক্লেশ দিবেন বলিয়াই তথায় আসিয়াছিলেন, অতএব বাদসাহ আঘাজার বাক্য শ্রবণ মাত্র অতিমাত্র ক্রুদ্ধ হইয়া কহিলেন—“আঃ! পাপীয়সি তোর লজ্জাভয় সকলই দিয়াছে—তুই যে পামর দস্যুর কুহক মন্ত্রের বশীভূতা হইয়াছিস্ তাহার জীবন সত্ত্বে তোর এই দুরুদ্ধি যাইবার উপায় নাই, অতএব এই দণ্ডে তাহার ছিন মন্তক তোর সমীপে প্রেরণ করিব—তোর দোষেই সে নিহত হইবে!” রোসিনারা এই দারুণ বাক্য শ্রবণ মাত্র পিতার পাদমূলে নিপত্তিতা হইলেন এবং নিতান্ত ব্যাকুলিত হইয়া কহিলেন “তাত! ক্ষমা করুন—আপনি যাহা বলিবেন আমি তাহাই করিব। আপনি সেই ব্যক্তিকে নিমন্ত্রণ করিয়া আনিয়াছেন, অতিথির প্রাণবধ করিবেন না, তাহাকে স্বদেশে যাইবার অনুমতি দিউন—আমি আর যত কাল বাঁচিব ভুলিয়াও আপনার মতের বিপরীতাচরণ করিতে চাহিব না।” আরঞ্জেব বিকট হাস্য সহকারে উত্তর করিলেন, “তবে তুমি পারস্য রাজতনয়ের ধর্মপত্নী হইতে স্বীকার করিলে?” “আমি সকলই স্বীকার করিলাম, কিন্তু আমি অপরাধ করিয়া থাকি আমারই দণ্ড বিধান করুন, আমার দোষে অপরের দণ্ড করিবেন না।” নিশ্চুর আরঞ্জেব কন্যার এই সকল বচনে কিছুমাত্র দয়ার্দ্রিচিত্ত না হইয়া উত্তর করিলেন—“শুন, রোসিনারা! তুমি আমার উপরোধ রক্ষা কর নাই—আমার কথা বড় নয় সেই দস্যুর প্রাণই তোমার মনে বড় বোধ হইয়াছে—স্বচক্ষে তোমাকে তাহার বিনাশ দেখিতে হইবে, এবং আমি যাহার সঙ্গে বলিব তাহাকেই বিবাহ করিতে হইবো।”

বাদসাহের প্রমুখাং এই সকল কথা শ্রবণ করিয়া রোসিনারা বিচেতনা হইয়া পড়িলেন। কিন্তু আরঞ্জেব আভাজাকে তদবস্থ রাখিয়াই সত্ত্বে অন্তঃপুর হইতে বহির্দেশে আগমন করিলেন।

বাদসাহ অন্তঃপুর হইতে বহির্গত হইবামাত্র পূর্বাহুত নগরপাল সম্মুখে উপস্থিত হইয়া ঘথাবিধানে অভিবাদনাদি করিল। বাদসাহ তাহাকে সরোষবচনে শিবজীর মস্তক আনয়ন করিতে আদেশ করিলেন।

আরঞ্জেব ক্ষণকাল সেইখানেই দাঁড়াইয়া মনে মনে বিবেচনা করিতে লাগিলেন—“আর কি! —আমার ত সকল মানসই সুসিদ্ধ হইল—পুত্র আমার আদেশানুসারে বিদ্রোহের ভান করিয়া সকলের অবিশ্বস্ত হইয়া উঠিয়াছে—অতএব সে আর কখন কাহার বিশ্বাস্য হইবে না—জয়সিংহও, সত্য হউক মিথ্যা হউক, সেই বিদ্রোহে মিলিত হইতে চাহিয়াছিল, অতএব সে পরিক্ষায় ঠেকিয়াই প্রাণ হারাইয়াছে—তাহাতে আমার পাপ কি?—বিদ্রোহীকে কোন্ রাজা দণ্ড না করিয়া থাকেন—বিষ দ্বারাই হউক আর বধ্যভূমিতে ঘাতকের শস্ত্র দ্বারাই হউক, জীবন বিনাশ একই পদার্থ—আর এতক্ষণে শিবজীরও নিধনসাধন হইল, সে ব্যক্তি পূর্বাবধিই আমার শক্ত আছে এবং বিশেষতঃ সে আমার কন্যার পাণিগ্রহণ করিতে অভিপ্রায় প্রকাশ করিয়াছে, অতএব সে অবশ্যই দণ্ডার্থ—আরঞ্জেব! তুমি এত দিনের পর সত্য সত্যই দিল্লীশ্বর বাদসাহ হইলে, এত দিনে তোমার সিংহাসন নিষ্কটক হইলা” দিল্লীশ্বর এইরূপে চিন্তা করিতেছেন এবং তাদৃশ গুরুতর সমস্ত পাপ জনিত প্রবল, অনুতাপাগ্নিকে মনে মনে ব্যর্থ্যুক্তিরূপ বারিকণা দ্বারা নির্বাণ করিবার চেষ্টা করিতেছেন, এমত সময়ে নগরপাল উর্ধবশাসে আসিয়া বাদসাহের পদতলে নিপত্তি হইল। আরঞ্জেব নগরপালের তাদৃশ অবস্থা দেখিয়াই আপনার মন্ত্রণার বৈফল্য অনুভব করত যে, কি পর্যন্ত বিষাদে নিমগ্ন হইলেন তাহা কথনীয় নহো কিন্তু দিল্লীশ্বর, অত্যন্ত প্রত্যৃৎপন্নমতি ছিলেন, ইচ্ছা করিলেই দৃঢ় ক্রোধ ভয়াদি নিবারণ করিয়া সুস্থির চিত্তে বিবেচনা করিতে পারিতেন। অতএব বাদসাহ অল্পক্ষণ মধ্যেই প্রকৃতিস্থ হইয়া নগরপালকে সমীপবর্তী একজন সেনাপতির হস্তে

সমর্পণ করত স্বয়ং অশ্বপৃষ্ঠাবলম্বনে শিবজীর বাসাবাটীর প্রত্যভিমুখে ধাবমান হইলেন। অমাত্যবর্গও বাদসাহের সমভিব্যাহারী হইল, এবং মহারাষ্ট্রপতির পলায়ন বার্তা প্রচার দ্রুত হওয়াতে সহস্র সহস্র ব্যক্তি মহাকোলাহল পূরঃসর সেই দিকেই ধাবমান হইতে লাগিল।

বাদসাহ কিয়দূর গমন করিয়াছেন, এমত সময় দেখিতে পাইলেন, নগরপালের কতিপয় অনুচর এক ব্যক্তিকে রঞ্জুবৰ্দ্ধ করিয়া আনয়ন করিতেছে। বাদসাহ দূর হইতে ঐ ব্যক্তির পরিচ্ছদাদি দেখিয়া অনুভব করিলেন সেই মহারাষ্ট্রপতি শিবজী হইবো অতএব অশ্ববেগ সম্বরণ করিলেন। কিন্তু ঐ সকল লোক নিকটবর্তী হইলে বন্দীর মুখাবয়ব দ্বারা বোধ হইল যে, সে শিবজী নহে। পরে সে ব্যক্তিও বাদসাহ সমীপে আনীত হইবামাত্র উচৈঃস্বরে কহিতে লাগিল “রক্ষা কর, রক্ষা কর, আমি কিছুই জানি না, আমাকে ব্যর্থ তাড়না করিতেছে” পরে প্রকাশ হইল যে, ঐ ব্যক্তি নগরপালেরই একজন অনুচর; শিবজীর পরিচ্ছদ ধারণ করিয়া তাহার খটায় শুইয়া ঘোরতর নিদ্রায় অভিভূত ছিল, নগরপাল তাহাকে মহারাষ্ট্রপতির খটায় শয়ান দেখিয়া একেবারে উদ্ব্রাঙ্গিত হইয়া আপনি তৎক্ষণাত্মে বাদসাহের নিকট আইসে এবং উহাকেও পরে আনয়ন করিতে আদেশ করো। আরঞ্জেব এই সকল বৃত্তান্ত শ্রবণ করিয়া এবং ঐ ব্যক্তির প্রতি নিরীক্ষণ করিয়া কহিলেন, “অনুমান হয়, এই ব্যক্তিকে অতিরিক্ত কোন মাদকদ্রব্য সেবন করাইয়া শিবজী ইহার সহিত পরিচ্ছদাদি পরিবর্তনানন্দের ছন্দবেশে প্রস্থান করিয়াছে, কিন্তু এক্ষণে অধিকদূর যাইতে পারে নাই; তাহাকে ধৃত করিতে হইবে—নচেৎ—আমার অন্য কোন হানি নাই, কেবল যথাযোগ্য প্রসাদ না লইয়া গেলে বাদসাহী পদের অগোরব করা হয়—তোমরা কেহ, বলিতে পার, সে কি জন্য এমত কৌশল করিয়া পলায়ন করিল?—আমার অনুভব হয় যে, সে সভাতে আমার সাক্ষাতে মিথ্যা কহিয়াছিল, অতএব রাজা জয়সিংহের নিকট হইতে লিপি আসিলেই পাছে সেই মিথ্যা প্রচার হয় এই ভয়ে পলায়ন করিয়াছে—যাহা হউক, এক্ষণে রাজা জয়সিংহ তাহার নিকট কিছু প্রতিশ্রুত হইয়াছিলেন কি না, তাহা প্রমাণ করিবারও আর উপায় নাই—অদ্য এক

লিপি প্রাপ্ত হইয়াছি তদ্বারা জানিলাম আমার পরম হিতকর চিরসুহৎ জয়পূরাধিপতি
জয়সিংহ হঠাতে পীড়াগ্রস্ত হইয়া শিবিরে প্রাণত্যাগ করিয়াছেন—হায়! তাঁহার ন্যায়
আমার হিতকারী আর কে হইবে?” কপটমতি আরঞ্জেব এই কথা বলিতে বলিতে
ক্রন্দন করিতে লাগিলেন। চাটুকার অমাত্যগণ, আকাশাভিমুখ হইয়া বাদসাহের
বাক্য দৈববাণীর ন্যায় ভঙ্গিপ্রদর্শনপূর্বক আকর্ণ করিতে লাগিল। জনসাধারণ
আরঞ্জেবের কৌটিল্যে মুক্ত হইয়া ভাবিল—“আহা! বাদসাহ কি করণ হৃদয়!”—
প্রাচীন অমাত্যগণ যাঁহারা আরঞ্জেবের মন্ত্রণার ভুক্তভোগী ছিলেন, তাঁহারা কেবল
নির্নিমেষ দৃষ্টিতে বাদসাহের মুখ্যবলোকন করিতে লাগিলেন, নিজ নিজ মুখ্যবয়বে
সুখ দুঃখ কোন ভাবই প্রকটিত করিলেন না। আর যে সকল আমাত্য, মৃত রাজা
জয়সিংহের প্রতি বাদসাহের মনে মনে মৎসরভাব ছিল, ইহা জোনিতেন, তাঁহারা
কেহ কেহ বাদসাহের কর্ণগোচর হয় এমত করিয়া মৃদুস্বরে ‘কাফের’ (বিধর্মী) এই

শব্দটি	দুই	একবার	উচ্চারণ	করিলেন।
আরঞ্জেব নিতান্ত ব্যাকুল হইয়াও এইরূপ কৌশল সহকারে মনের ভাব সকল গোপন করত ভৃত্যদিগের উপর যথাবিহিত আদেশ প্রদান করিয়া প্রত্যাবর্তন করিলেন। পথিমধ্যে পুনঃ পুনঃ তাঁহার এই ভাবনা হইতে লাগিল।—“হায়! যদি শিবজী ধরা না পড়ে তবে সকল চেষ্টাই বিফল হইল। কেনই বা জয়সিংহকে হনন করিলাম! কেনই বা এই দুর্বহ পাপের ভার আরও বৃদ্ধি করিলাম! জয়সিংহ ত বৃক্ষ হইয়াছিল, আর কিছুদিন হইলেই কালবেশে লোকান্তর গমন করিত—হায়! তাদৃশ সেনাপতিই বা আর কোথায় পাইবা!”				

দ্বাদশ অধ্যায়া

সেই দিন নিশীথ সময়ে পূর্বোক্ত বীরাঙ্গনা একাকিনী সেতুদ্বারা যমুনা উত্তীর্ণ হইয়া দক্ষিণাভিমুখে গমন করিতে লাগিল। সেই দিক্ প্রাচীন দিল্লী, তথায় অনেকানেক ভগ্ন প্রাসাদ এবং বৃহৎ বৃহৎ দেবালয় সকল অদ্যাপি দৃষ্ট হইয়া থাকে। তৎকালে এখনকার অপেক্ষা আরও অধিক ছিল। ঐ স্থানে একটি মনুষ্যেরও গমনাগমন নাই। কেবল স্থানে শৃঙ্গালাদি হিংস্র জন্মেরই উপদ্রব আছে। যাহা হউক ঐ স্ত্রী একাকিনী নিঃশঙ্খহস্তয়ে ঐ স্থান দিয়া গমন করত কিয়ৎক্রমে অন্তরে একটি ভগ্ন দেবালয়ে প্রবেশ করিল। তথায় মহারাষ্ট্রপতি তাহাকে দর্শন করিয়া সম্ভাষণপূরঃসর জিজ্ঞাসা করিলেন—“সংবাদ কি? অথবা সংবাদই আর কি জিজ্ঞাসা করি—তুমি একাকিনী আসিয়াছ—তবে আমার সকল যত্নই বিফল হইয়াছে” বার-নারী উত্তর করিল—“হাঁ মহারাজ! আপনকার চেষ্টা বিফল হইয়াছে বটে, কিন্তু যাহা দেখিয়াছি এবং শুনিয়াছি তাহা মুখে বর্ণন করিয়া আর কি জানাইব, এই পত্র এবং অঙ্গুরীয় গ্রহণ করিয়া সমুদায় অবগত হউন” শিবজী ব্যস্ত হইয়া গ্রহণ করিলেন এবং সেই অঙ্গুরীয় যে, রোসিনারারই অঙ্গুরীয় তাহা জানিতে পারিয়া কহিলেন—“তবে বাদসাহপুত্রীর সহিত তোমার সন্দর্শন হইয়াছে—তিনি কি বলিলেন? কেমন আছেন? আমার প্রদত্ত সামগ্রী সকল দেখিয়াই কি চিনিতে পারিয়াছিলেন? না তোমাকে পরিচয় দিতে হইয়াছিল? আর তাঁহার আগমনেরই বা কি প্রতিবন্ধক উপস্থিত হইল, সমুদায় একেবারে বলা” স্ত্রী উত্তর করিল “মহারাজ! সেই বাদসাহপুত্রীর ন্যায় উদার চরিত্রা কামিনী কখন দেখি নাই শুনি নাই—যাহা ঘটিয়াছে আনুপূর্বীক্রমে বর্ণন করিতেছি শ্রবণ করুন” এই বলিয়া বারবনিতা সমুদায় বর্ণন করিলে শিবজী চমৎকৃত হইলেন, পরে বহুক্ষণ অধোবদনে চিন্তা করিয়া দীর্ঘ নিশ্চাস ত্যাগ করত কহিলেন “রোসিনারা অন্যায় বিবেচনা করিয়াছেন—যদি তাহার নিমিত্ত আমার রাজ্য বিভব সমুদায় যাইত তথাপি আমি সুখী হইতাম—তাদৃশ সহধর্মিণী সমভিব্যাহারে অরণ্য-বাসেও অসুখ নাই” বার-যোষা কহিল “মহারাজ! যাহা বলুন কিন্তু বাদসাহপুত্রী উচিত কর্মই

করিয়াছেন—এবং তিনি উচিত করিয়াছেন বলিয়াই তাঁহার সমুদায় গুণ আপনার অনুভূত হইতেছে”

এইরূপ কথোপকথন হইতেছে এবং শিবজী আপনি দুই একদিন সেইখানেই থাকিয়া রোসিনারাকে আনয়নার্থ পুনর্বার যত্ন করিবেন এমত পরামর্শ করিতেছেন, এমত সময়ে শ্রীমান् রামদাস স্বামী তথায় উপস্থিত হইলেন। তিনি এই ব্যাপারের বিন্দু বিসর্গও জানিতেন না। অতএব ঐ বারবনিতাকে দেখিয়া তাঁহার বিস্ময় বোধ হইল। শিবজী শীত্র গাত্রোখান করিয়া তাঁহার চরণ বন্দন পূর্বক কহিতে লাগিলেন “মহাশয়ের অনুমতি ব্যক্তিরেকে একটি কর্মে হস্তার্পণ করিয়াছিলাম, তাহা সুসিদ্ধ হয় নাই—আর আপনকার নিকট আমার দোষ গুণ কিছুই অব্যক্ত নাই, অতএব শ্রবণ করুন”—এই বলিয়া মহারাষ্ট্রপতি সংক্ষেপে রোসিনারা সম্বন্ধীয় তাবদ্ধতান্ত্র প্রকাশ করিয়া কহিলেন। রামদাস স্বামী তৎশ্রবণে ঈষৎ কোণ্যাকৃত হইয়া বলিলেন—“আমি মহারাষ্ট্রে ইহার কিছু শ্রবণ করিয়াছিলাম—তথায় কেহ কেহ এমত কথাও কহিত যে, তুমি স্বদেশের স্বাধীনতা সাধনে তাদৃশ উৎসাহশীল নহ—অর্থাৎ যদি আরঞ্জেব তোমার সহিত সম্পর্ক করেন তবে তাঁহার মণ্ডলেশ্বর হইতেও তোমার নিতান্ত অনিচ্ছা নাই—তখন ঐ সকল কথায় আমার তাদৃশ বিশ্বাস হয় নাই—কিন্তু এই ব্যাপার শ্রবণে সেই লোকপ্রবাদ নিতান্ত অমূলক বলিয়া বোধ হইতেছে না—এমত উদার-প্রকৃতি হইয়াও যে, স্ত্রীলোকের প্রণয়পাশে একান্ত বদ্ধ হইবে, ইহা না দেখিলেই বা কিরূপে বিশ্বাস হইবো—বাদসাহপুত্রী যে, স্বয়ং ইচ্ছা করিয়া আসিলেন না ইহাই ক্ষেমক্ষর করিয়া মানি” শিবজী এই সকল কথার কোন প্রত্যুত্তর না করিয়া অধোবদন হইয়া রহিলেন। তখন রাম-দাস স্বামী ঐ বারবধূর স্থানে সমুদায় বিবরণ শ্রবণ করিলেন, শ্রবণ করিয়া অতি আশ্চর্য বোধ করিয়া কহিলেন “মহারাজ! আমি অন্যায় করিয়াছি—বাদসাহপুত্রীর যেরূপ বিবেচনা শুনিলাম, তাহাতে আমারও অন্তঃকরণে তৎপ্রতি ভক্তির উদয় হইতেছে, তিনি সামান্য স্ত্রী নহেন এবং তুমি সেই জন্যই তাঁহার প্রতি প্রণয়বদ্ধ হইয়াছ—আমি তজ্জন্য তোমার নিন্দা করিয়া ভাল করি নাই—যদি অনুমতি হয়, তবে তাঁহার প্রেরিত পত্রী পাঠ করিয়া শ্রবণ

করাই” শিবলী তৎক্ষণাত ঐ পত্র গুরুদেবের হস্তে সমর্পণ করিলেন এবং তিনি সেই
স্থানে তৎক্ষণাত আগি প্রজ্বলন করিয়া পত্র পাঠ করিতে লাগিলেন।

“হে মহারাষ্ট্ররাজ!—হে প্রিয়তম!—আমি কি বলিয়া তোমাকে সম্মোধন
করিব—আর কি বা লিখিব কিছুই নিশ্চয় করিতে পারি না—তুমি আমার মন জান
কি না বলিতে পারি না—কিন্তু আমি তোমার মন জানি। অতএব আমি যে জন্য
তোমার সমভিব্যাহারিণী হইলাম না, তাহা ব্যক্ত করিয়া কহিলেই বুঝিতে পারিবে
এবং আমার প্রতি অক্রোধ হইবে। আমি আর অধিক কি বলিব—তুমই আমার স্বামী,
তাহার চিহ্নস্বরূপ আমার হস্তাঙ্গুরীয় তোমার অঙ্গুরীয়ের সহিত বিনিময় করিলাম—
অতএব অদ্যবধি আমাদিগের বিবাহ সম্পন্ন হইলা—কিন্তু আমি তোমার
সমভিব্যাহারিণী হইলে তোমার বাস্তবিক আন্তরিক মানস সিদ্ধ হওনের অনেক
প্রতিবন্ধক হইবে—এই ভাবিয়া আমি আপনাকে স্বামী-সহবাস সুখে বঞ্চিত
করিলাম।—যদি বল, আমাকে লইয়া রাজ্যপ্রষ্ট হইলেও তুমি দুঃখিত হও না—সে
কথাতেও আমার অবিশ্বাস নাই—কিন্তু মনে করিয়া দেখ, শুন্দ রাজা হওয়া মাত্র
তোমার মনের মানস নহে—অতএব আমি যেমন নিজ স্বামীর ভাবী মনোদুঃখ
ভাবিয়া তাঁহার সহবাসে আপনাকে বঞ্চিত করিলাম, তেমনি তুমিও স্বজাতি-বাসল্য
প্রযুক্তি নিজ জায়াকে পরিত্যাগ করিলো। অধিক লিখিবার ক্ষমতা নাই—একান্ত
অধীনা—রোসিনারা।”

রামদাস স্বামী এই পত্র পাঠ করিয়া চমৎকৃত হইলেন এবং উচ্চেঃস্বরে
কহিলেন, “মহারাজ! ভূমগলে যে এতাদৃশ উদারচরিতা কামিনী আছে, তাহা আমি
জানিতাম না—মহারাজ! যাঁহারা প্রাণ বিসর্জন দ্বারা পাতিব্রতী রক্ষা করেন তাঁহারাও
ইহার ন্যায় পতিপরায়ণা নহেন—মহারাজ! আমি অনুমতি করিতেছি আপনি ঐ
অঙ্গুরীয় গ্রহণ করুন—এবং যদি শাস্ত্র সত্য হয়, তবে পরজন্মে এই বাদসাহ কন্যাই
আপনকার সহধর্মীণী হইবেন ইহার সন্দেহ নাই।”
